

26976

МЕКТЕП




КИТАПХАНАСЫ

СӘБИТ МҰҚАНОВ

ЭҢГІМЕЛЕР





c. Музатоғ

СӘБИТ МҰҚАНОВ

ӘҢГІМЕЛЕР

Кітапта С. Мұқановтың «Жазушы» баспасынан жарық көрген он алты томдық тандамалы шығармалар жинағында және ор жылдары жарияланған әңгімелері топтастырылып беріліп отыр.

4702230200—119
М 404(05)—83 271—83

© Оформление, составления издательство «Мектеп», 1983.

МАЗМУНЫ

Алып Айнаш	5	Екі күн	83
Алтын аймақ	7	«Кер» заман	90
Ағын	25	Оттан үшқын	96
Аспаз	38	Суалмас сауын	105
Әсия	49	«Тіл» алушылар	115
Әменгерлік азабы	57	Шындықтагы ертегі	127
Батыр қызы	63		

Сабит Мұқанов

РАССКАЗЫ

(на казахском языке)

Составитель *М. Кудайкулов*
Редактор *Ж. Сахиев*
Худ. редактор *Ш. Байкенова*
Художник *А. Есмаканов*
Техн. редактор *Л. Тулжебаева*
Корректор *О. Курманова*

ИБ № 2261

Сдано в набор 17.06.83. Подписано к печати 23.08.83. Бум.
тип. № 3. Формат 84×108^{1/32}. Гарнитура школьная. Пе-
чать высокая, П. л. 4,25. Усл. п. л. 7,14. Уч.-изд. л. 6,959.
Тираж 36300 экз. Заказ № 2121. Цена 40 к.

Издательство «Мектеп» Государственного Комитета Каз.
ССР. по делам издательств, полиграфии и книжной тор-
говли, 480124, г. Алма-Ата, пр. Абая, 143.

Полиграфкомбинат производственного объединения поли-
графических предприятий «Кітап» Государственного коми-
тета Казахской ССР по делам издательств, полиграфии и
книжной торговли, 480002, г. Алма-Ата, ул. Пастера, 1.

Северо-Казахстанская
ОБЛАСТНАЯ БИБЛИОТЕКА
ГОСУДАРСТВЕННОГО ПРЕДПРИЯТИЯ

026976

АЛЫП АЙНАШ

Айнаштың жіңішке саусақтары жығылып жатқан күріштің сабактарын жыпсылдатып жинап үлгергенше, оң қолына ұстаган өткір орақ сол қолдың уысындағы сабактарды қырқып та үлгерді. Оның мұншалық шашаң қымылдауына себеп, күйеуі Әбеннің:

— Откен жыл Шиелі каналын қазганда, өзің тенденциз-келіншектердің арасында болмадың, енді сол каналдан суарылған егінді оруға да ерінемісі? — деп намыстандыруы еді.

Әбениң сезіне намыстанған Айнаштың ендігі ойы егін оруда өзгені қойып өзімен жарысқа тусу, шамасы келсе, озу болды. Бұл сырын Әбеннен жасырган Айнаш, басқа бригадада жүрген Әбен, әлдеқалай келе қалса, «міне, көр менің қымылымды» дегендей орақ оруды жылдамдата түсті.

Бір күні орақ оруда жүрген Айнаш нақ қасынан естілген ереккі даусына жалт қараса, ойда жоқта кеп түрган Әбен екен. Бұл жолы Әбениң кескінінде бұрынғыдай қалжың толқыны жоқ. Әлденеге өні ішіне тартылып сұрланған, ойнақы қара көзі жел үрлекен шоқтайдай жайнаган.

«Бұның не?!» деген сөз аузына келіп қалғанмен Айнаш айтпай дағдылы өзілмен «қайсымыз озамыз?» дей салды.

— Көрерміз оны,— деді Әбен,— бірак, бұдан былай екеуміз екі майданда жарысамыз: мен соғыста, сен тылда.

— Қойшы!..— деді Айнаш,— өзілді түсін тез өзгерте қойып, даусы дірілденкіреп,— майданға кететін болдың ба?

— Қорқайын дедің бе?— деді Әбен, сынай қараган кескінмен.

Айнаш ойланып қалды. Бұл ауылдан қан майданға аттанған талай жігіттің келіншектері, қасында орақта жүр. Солардың кейбіреулері, күйеуі әскерге аттанарда жылайын десе Айнаш:

— Сенікі не?! Жұбайынды, сен жібермесен, басқа-

лар жібермесе, Отанды кім қоргайды сонда?..— деп үрсатын.

— Өз күйеуің аттанғанда көрерміз беріктігінді,— дейтін, сөзден тосылған келіншектер.

— Көрсөң көрерсің,— дейтін Айнаш,— Отанның басына ауыр күн туды. Фашистер шабуыл жасады оған. Бұдан калған мал — мал, жан — жан!..

Солай дейтін Айнаштың енді өзі жыласа не болмақ?..

Осылыны ойлаған Айнаштың толқыған сезімі тез бे-рік қалпына нық басты да:

— Аман барып, сау қайтуыңа тілектеспін, Әбіш!.. Абыроймен қайтуыңа тілектеспін!.. Жарысқа да әзір-мін!— деп, жасқа бұлыққан кескінің көрсеткісі келме-гендей, бетіне күріштің баулаған сабағын қалқалай қойды...

— Ризамын,— деді Әбен Айнашты құшақтай ап, бауырына қатты қысып,— бірақ, сен егін оруда ғана емес, кетпен шабуда да мені жоқтатпа!..

Сөз айтуға шамасы жоқ Айнаш, «болады» деген-дей, жан жарының қолын ғана қысты...

Әбен майданға жүріп кетті. 1941 жылдың шығым-ды егінін оруда, жинауда колхозда ерекше көзге тус-кен Айнаштың үйіне, 1942 жылдың басында колхоз председателі:

— Шиелі каналының шлюзін аяқтағанша каналға су жүргізу үшін қосымша бұтақ қазуга тұра келіп отыр. Kіci санын өзің білесің. Аз адаммен кетпенге ту-суді етінем,— деді.

— Барам,— деді Айнаш іркілмей.— «Әр түйір дән жауға бір оқ» деп жүрген жоқпыш ба, өзіміз? Әбен де соны айтады хаттарында. Сырдария бойынша неше миллиард дән өсіретін каналға су жіберуде не жаным-ды айымын. Барам. Әбен үшін де, өзім үшін де қазам ол каналды... .

...Біз Айнашты канал үстінде, кетпен шабуда көр-дік: қар үшкіндаған салқын ауада бетінің қаны піс-кен алмадай құлпышынан, 21 жастағы жас Айнаш, Сырдың сіңірдей қатты топырағына кетпенін құлаш-тай соққанда, жердің бүйірі солқылдады.

— Мынау Айнаш бұл қымылымен не шыдата-ды?!— деп сұрадың біз прорабтан.

— Өзі де шыдатпайды,— деді прораб күліп,— күнделік жер қазу нормасы алты кубометр, ал Ай-

наш, кетпенге түскелі, күніне орта есептеш он бес күбометрден кем қазған емес, кей күні жиырмадан да асырып жібереді.

Өзі ушін де, сүйікті Әбіш үшін де кетпен шабатын алып Айнаш осылай қимылдайды екен!..
Апрель, 1942 ж.

АЛТЫН АЙМАҚ

1

Көкшенің көп көлінің біреуінде отыратын Байтас аулы жылқыны кезектесіп бағатын еді.

Осы кезек бір күні Алтынсарыға келді. Алтынсары ауылдың ық, жағында отыратын, бұрын бір сиыр, бір ат кейде біттіп, кейде бітпеген, соңғы кезде тайтұяғымен бес-алты жылқысы бар шағын гана отау шаруа еді.

Күн батар алдында ағытқан ауылдың биесі көлден су ішіп бытырай жайылған кезде, қысыр сауатын тайлы биесін мініп, қолына құрығын іліп, Алтынсары жылқыларды жинады да, Ақшоқы тауына қарай беттете жайды.

Ағытқаннан кейін сауын биенің оттампаз келетін әдеті. Және жылқы баласы тेңген гүлдей шептің ең тәттісін шалып, журе оттайды.

Мезгіл майдың орта кезі еді. Шалқардың қара қыртысы жарты кез құйқалы жеріне шыққан қалың бетеге мен селеуге жатқан құлын жасырынғандай.

Көкшетау жерінің әжаздығунгі тымық кештерінде қойдың шарпы майындай селдіреген «маса бұлты» болады. Будақтаған тұтіндей тұтаса үшқан сары маса-ны жүрт осы «бұлттан» жауады деп ойлады.

Алтынсары жылқысын жинап Ақшоқы тауына беттеткен кезде, «бұлттан жауар» сары маса атын да, өзін де булықтырып жүргізбеді. Былай да жүрдек жылқылар масалағаннан кейін пысқырынып, тыпрышып, ез құйрығымен өзін өзі айдал жортып жүріп оттайды. Астындағы атының ауыздығын алып аяқдай шалдырып келе жатқан Алтынсарының өзі де масадан қашып, желге қарсы ара-тұра жортып алды.

Малға да, жанға да мазасыз масаны жаратузы сыйылды тентектігімен қатар, табиғаттың өз тентегін өзі

тыятын мейрімі де мол. Оның осындай мейрімді мінезінің біреуі — мазасыз масаның қанатын дымдал жерге еркесіз қондыратын ышық түсіру.

Алтынсарыны да, оның астына мінген биесін де, алдағы жылқыларын да қалың сары маса бұлықтырып, інірде тишиң кетірді. Алтынсары масадан қорғанып, көзін ғана жылтыратты да, басын орамалымен шырмап байлад алды. Бірақ, жылқының бір елідей жая терісін тесіп өтетін масаның тұмсығына, оның жазғы кештік женел киімі бегет бола алған жоқ.

— Қап, ерегескенде күпі киіп алмаған екем! — деп өкінді Алтынсары.

Осы кезде, малды да, Алтынсарыны да есіркегендей, мейрімді табиғат жер бетін бусандыра ышығын қалыңғып тессеп еді, масаның әндектекен даусы жымжырт бола қалды. Содан кейін тишишызданып пысқыруын, желдел жортып кетуін жылқы да қойды; масаның тұмсығы тиіп қышыған жерімен арпалысыуды Алтынсары да қойды. Жылқының аяғы бәсендеп жалқау жүріспен оттады. Тебініп, пысқырынып мазасын алған биесі дамыл тапқанынан кейін Алтынсары да дамыл тапты.

Тұн ортасы жақындай аспан ашылды. Ол тұні он төрт жаңасын жасаған ай суға қалқытқан алтын та-бақтай, жұлдызды мақбал қара тұнді белуарлап жүзе бастады. Бұл — шала-шарпы күндізге беріспейтін тұн.

Ақшоқы тауы нар түйедей деңқиіп, қараган адамның қасында тұрған сыйылды көрінгенмен, масалаған жылқысы іңірде одан ұзаңқырап кеткенін, тауға көзін тіккен Алтынсары оймен шамалайды.

Ол араның ышықты тұні, сағымды күндізге ұқсанықырайды. Күндізгі сағым алыстағыны тартып, отыз шақырымнан артық жердегі Ақшоқыны, қырық шақырымдай жердегі Бурабайды мұнарландырып ауылдың іргесіне алып келгендей болса, ышықты, жалтаң тұн де осындай. Тұнде де ышыққа малшынған тау, тенізде жұақ келе жатқан кемедей, қараган адамға бері келе жатқан сыйылданады.

Сағымды күндізде де, ышықты тұнде де Қекшетау тауларының ежелгі ағасы Қекше. Ішіне: Азат, Сырымбет, Жалғызтау, Айыртау, Имантау, Ақан, Сандақтау, Екіжыланды, Зеренді, Бұқпа, Шортан тауларын қосқанда, «Қекшетау» атты таулардың бар үрпағына өз атын ие қылған Қекше «Мен ағамын» деп

қашан да кеудесін көтеріңкі үстайды. Осы тақаппартығынан ол сағымды күндіз де, ышықты түнде де жаңылмай, маңындағы қай тауға қарасаң да, тәбесінен аса қарап, өз төбесін өзгеден бұрын көрсетеді.

Жылқысы Ақшоқының шығыс жақ бетіне жайылған Алтынсары, масадан мазасы кетуі басылған соң, ышық үстінде кемедей қалқыған Ақшоқыға қарап еді, «Эуелі мені көр!» дегендей, аржағынан Көкше басын қылтита қойды. Оған мойынын соза қараған Алтынсары бар денесін тұтас көргісі келіп еді, «Менің де тауатым бар, белімді бастырып Көкшеші неге түгел көрсетейн!» дегендей, Ақшоқы Алтынсарының көз алдына перде боп керіле кетті.

Бірак, Ақшоқы переделегенмен, Көкшешің бар денесі, бар сұлулығы Алтынсарының жүрегінде жазулы. Көкшешің қай жерінде нендей тамаша барын ол өз алаканындағы біледі.

Көкшешің өзін де, балапан тауларын да, балды бұлақ, барқынды көлдерін де түп-түгел көзімен көріп, көкірегіне ұмытластай ғып жазып алған Алтынсарының ендігі құмары Көкшешің астын көру.

Оның ұғымында: Көкшешің асты шалқып жатқан алтын көл; бетінде ұшан-теңіз сексен көлі болса, астында да суы алтын сексен көлі бар!.. Олай деуіне өз аты куа.

— Атымды неге Алтынсары қойдыңдар? — деп сұрағанда, әке, шешесі оған:

— Сен туар жылы Көкшешің жерінен көп алтын тауып, ырымын, жақсы бала болғасын Алтынсары қойғамыз, — деген.

Алтынсарының аулы Торайғыр тауының Бурабай жақ бетінде, таудың етегінде. Ауылдың маңы құлаған апандай үнірейген көп шұқыр. Алтынсары:

— Бұл не? — деп сұраса:

— Алтын жуған жер, — дейтін үлкендер.

Біреулер: «Таудан аққан бұлаққа бақыраш тосып ек, құмға аралас алтынның үгіндісі акты» деген кеңесті айтады. Бұл кеңескес Алтынсарының қызынқаны сондай: бала кезінде тауды кезіп кетіп, талай бұлаққа бақыраш тосып алтын күтті. Оның еңбегі де еш болған жоқ: ұзақтың сары күні құм жуған оның бақырашына, алтынның үгіндісі кейде ілікпеген, кейде аздағ ілікти. Мұндай ұнтақ табылғасын Алтынсары «Көкшешің астында алтын көл бар» дегенге бала кезі

түгіл, жігіт болғасын да сенетін еді. Сондай көлдің біреуін, қайткенде табуды жатса-тұрса арман ететін еді.

Жігіт бола, алтын іздеуге оның құмарлығы тіпті үдеді. Сол кезде «аққумен аспандагы ән қосатын» Біржан Салдың моласының қасынан ағатын «Біржан бұлагының» маңынан көп алтын шығыпты, ол алтынды алуға қазына кісі жіберіпті» деген сөз дүнк ете түсті. Бұл—1915 жылы еді.

Алтын табуды, алтынның көлін табуды арман еткен Алтынсары «ата-бабаң іstemеген кәсіп» дег әркім тоқтау айтқанмен, Біржан бұлагынан шыққан алтынды қазысуға кете барды.

Алтын қазушылармен ол екі жылға жақын шахтыда жұмыс істеді. Сонда оның ұққаны: Көкшениң астында алтын көбі, бәрін жинап ала алса көл болатыны рас. Бірақ, Көкше сараң... Бай алтынның ол «мә!» дег ұсына қоймайды. Ұсыну былай тұрсын: күлдей гып үгіп, жеті қабат жер астындағы тасқа, балшыққа араластырып шашып жіберген. Ондағы ойы: «Ерінген қойсын, ерінбеген алсын!» Сол сараң Көкше: «Егер тым ұсақ үгіп оңайлықпен таптырмасам, алтынды іздеушінің көнілі қайтар» дегендей, кейде кесек алтынны да кездестіріп қояды. Алтынсарымен бірге істеген старательдер ондай кесектің талайын тапты...

Тапқанмен не керек!.. Жұмыс көп, ақы аз. Жұмыс үшін емес, алтын көл табу үшін старатель болған Алтынсары бір жылдан кейін өзі мен өзі есептесіп еді, еңбегіне шаққанда алған ақысы оннан емес-ау, жузден біріне тұрмайтын сыйқылды. Сонда да алтынды сүйгендіктен ол тағы бір жыл істеді.

Алтын іздеу жолында жүргенде оның тағы бір алған сабагы: старательдің кейбіреуі тапқан алтын өзегін, егер заводшы бай ақшаны мол берсе айтады екен де, аз берсе жасырады екен.

Екі жыл старатель бол істегеннен кейін, сондай бай өзектің біреуі арман ғып жүрген Алтынсарыға да кездесті. Бұл кезде Алтынсары алтынды құм түгіл, тастан да айыра алатын болып еді.

Табиғаттың мінезі қызық: алтынды тасты ол тілген тақтайдай жап-жалпақ қып жасайды да, алтынның оңай суырып ала қоймасын дегендей, тақтай тастың бір басын жердің бетіне көлбей қойғанмен, екінші басын қалың қыртысына кесіп сұңғитіп жібереді. Бұндай тақтай тастың қалындығы жарты кезден, кезге жа-

қын; жалпақтығы саржаннан, уш саржандай; ұзындығы кейде келте, ал кейде бес-алты шақырымға кетеді. Осындай ұзын қалақ тастардың бергі басы кісі бойы жерден табылса, екінші басы бес жұз метр жерге шейін тереңдеп кетуі мүмкін.

Алтынсарыға бұндай тас, алтын көлдің бетіне қаткан қабыршық — алтын мұзы сияқтанады. Сондай мұздың біреуін Алтынсары 1917 жылдың күзінде тауып, заводшының тамырын басып көріп еді, құнға тұрар еңбек бермеуі байқалды. Аз пұлға көп еңбегін сатқысы келмеген Алтынсары, пайдасыз еңбекте салпылдан жүре беруге жалығып, жұмыстан шықты да, ауылдағы үйіне қайтты.

Міне, оған аттай он жыл. Содан бері, жұмыстан кеттерде тапқан тасы Алтынсарының оянса есінен, үйкетаса түсінен кетпейді.

Жылқы күзетінде жүріп Көкшениң астын көруге құмартқан Алтынсарының есіне тапқан алтын тасы түсе қалды.

«Апырау,— деп ойлады ол,— советке де алтын көрек қой осы. Ол неге осы Көкшетауға кеп алтынын актармайды!»

«Советтен кісі келсе жасырган алтын өзегін айтар ем!— деп ойлады ол —...соның іздел келгенін күтпей, езім барып айтсам қайтеді!..»

«Қой сөйтейін,— деп бекінді ол,— сол араға алтын заводын салуга басшы болайын!.. Өзіміздің өкімет!.. Оған да, маған да пайдасы тисін!»

«Өзіміздің» деген сөзді ол өзімсініп шын көңілден айтты.

«Бұл өкіметтен бұрын,— деп ойлады Алтынсары өткенді еске түсіріп,— біздің ауылға, маған осындай мал бітіп пе еді? Қазір тамақ тоқ, кейлек кек. Бұрын жердің асты түгіл, үстіне ие емес-ек. Жердің астындағы алтын түгіл, үстіндегі оты, суы аталықты, малы кеп адамдікі еді. Жарлы жалғыз қарасына азық таба алмай соры қайнайтын еді. Жердің үсті біздікі, енді астын да иеленуіміз керек!..»

Таңды Алтынсары алтын ойымен атырды.

Қамшаттың құндызымен жиектеген торғын шымылдықтай, айналасына жасыл қылышқыты қарагай есken, Көкшениң дария көлінің біреуін жағалап жай-

дақ тараптасқа жеккен атта екі кісі келе жатты: біреуі Алтынсары, біреуі оның құрдасы — Шауыпкел.

Бұлардың жүріп келе жатқан жолы — жалпақтығы бір гана арба сыйярлық есікі сүрлеу. Сүрлеудің бір жағында егер арба ауып кетсе көлге тура құлайтын биік жар, жардың астында жалтыраған көлдің екінші қабагы сағымданып әрең көрінеді. Сүрлеудің екінші жағы жерден тік қызылдың шыққан шың. Шыңдың текшеленген тастары адамның көзіне қатарланып жиналған әдемі кітаптардың этажеркасын елестетеді.

Сүрлеу жүрген сайын жоғарылай береді. Оның бір үшін арқандай шубатылдың көлдің етегіне түсті, екінші үшін жыландай иіріліп кел жағасындағы аласалау таудың беліне асылды.

Сүрлеу таудың тікшілдеу жерінен асуға айналғанда Алтынсары аттың басын тартты.

— Осы араға тоқтайсың ба? — деді Шауыпкел.
— Тоқтайык.

Алтынсары үйден шығарда Шауыпкелге «сол арада бүркіттің үясын көрдім, балапанын алайық» деп алайп шығып еді.

— Эй,— деді ол Шауыпкелге, таудың етегіне аттарын ағытқаннан кейін,— осы тауда алтын көп деген сез бар, соны күрекпен шұқып қарасақ қайтеді?

— Бүркіт ше?

— Балапан қайда барап дейсін. Әуелі алтынды қарайык.

Алтынсары үйінен балапан үшін емес, алтын үшін шыққан еді. Оның бағызыда жасырып айтпаған алтын тасының тақтайы осы таудың етегінде. Бұл ойын ол Шауыпкелден жасырды.

— Уа, қойши соны! — деді Шауыпкел — қайтесін алтынды!.. Осындай ыстықта қазып, азабым құрысын!.. Онсыз да ындыным кеуіп келеді. Сусын қайда?

Сусын ішіп отырып Алтынсары сөзін тағы қайтады.

— Рас айтам деймін,— деді ол,— іздейікші! Табылмаса қалсын. Бізден ешкім айып алмас.

— Керексіз іске күмарың-ай!..

Ол ертеде осы арадан алтынның тасын тапқаның Шауыпкелге айтуға бір оқталды да, тағы да «әуелі қойған белгімді байқап алайын, таба алмай үят болар» деп ойлады.

Сол оймен, ерінген Шауыпкелді арба қасында қал-

Дырып, өзі белгісін ізден кетті. Бірақ, қанша шарлағанмен, белгі табыла қоймады.

— Қап,— деп өкінді ол арбасына қайтып келе жатып — бай өзек еді, табылғаны абырой еді!..

Арба астында, көлеңкеде тынығыш жатқан Шауыпкел Алтынсарыны:

— Иә, Сарым! Неше бұт алтын әкелдің?..— деп ажуалады.

— Құлме, құрдас,— деді Алтынсары,— асықпа!.. Үмітсіз сайтан деген.

— Құлгенім емес, сұраганым: атың Алтын болғасын алтыншыл шыгарсын деп ем, қырында жезшіл де болмай қалмасаң не қылсын!..

— «Асықпа» дедім гой, егер алтын табылса, сен де қаша қоймассын, атыңа үқсал шауып-ақ келерсің.

— Қашамын. Олда-білдә қашамын. Нанбасаң бір қапшық алтын тауып әкелші! Қызығар ма екем?

Алтынсары жеңілгендей болды.

— Саған ерекескесін алтынды таппай қоймаймын!— деді ол, арбадағы темір күрегін алып жөнеле беріп.

Алтыны бар жерді Алтынсары жер бетіне шыққан шебінен де жобалайтын еді. Сол жобасына сүйеніп құмы есліген бір жерді ол шұқылап қаза бастады.

— Ә, іске сәт!— деді Шауыпкел, Алтынсары қазған шұқырды кіндік түсінә келтірген қездे қасына барып.

— Айтсын-ақ!— деді Алтынсары белін жазып, тेңін суртіп,— осы арада алтын бары анық. Тез шығады. Нанбасаң қазып көрші.

Тыныққан Шауыпкелге алтыннан көрі ермек кепек болды.

— Жарайды, шық бері! Бер күректі маган! Мен де біраз шұқыын, меселің қайт болмасын,— деді шұқырға түсуге онтайланып.

Расында шаршаңқыраган Алтынсары күректі шұқырда қалдырып, өзі сыртқа шықты да, Шауыпкел ішіне түспіл қаза бастағанда шұқырдың жиегіне жүресінен отырды.

Тың тегеуіріммен Шауыпкел кезге жақын қазып тастап, ара-тұра, құм балшықты әдейі Алтынсарыға лактырып тұрды да, бір кезде қалшип тұрагап, Алтынсарыға елеусіз көзбен бір қарал қойып, өңкейіп аятының астынан бірдемені алды.

— Ол не? — деді елегзіген Алтынсары басын кете-
ріп. — Не алдың аяғының астынан?

— Ештеме де алғам жоқ.

— Жоқ, бірдеме алдың? — деді Алтынсары орны-
нан түрегеп.

— Немене, алтын тапты деп тұрмысың?

— Не де болса көрсет!

Шауыпкел қойнына бір нәрсені тыға қойғандай
болды. Алтынсары қадалған сайын оның кескіні құ-
была бастады.

— Кескінің неге құбыла қалды?! — деді Алтынса-
ры шұқырға бір, Шауыпкелдің кескініне бір үні-
ліп — қарау кәпір, бірдеме тауып, қызғанып тұрсын-
ау деймін! Көрсет қойныңа тыққаныңды!

— Түк те тыққан жоқпын! — деді Шауыпкел кү-
ректі балшыққа қадап мықшындаپ — саған ерекіске-
сін кісі бойына шейін қазам осы шұқырды, бірдемесі-
не жетпей қоймаймын...

— Эуелі тапқаныңды көрсет. Көрсетпесең зорлап
көрем.

Алтынсары Шаупкелдіден күштірек еді. Сондық-
тан, алыса кетсе жеңілетінін білген Шауыпкел:

— Ал, тінтем! — деп Алтынсары шұқырға тұсуге
ыңғайланғанда:

— Сенбесең көр! — деп сыртқа шығуға ыңғайлан-
ды да, Алтынсарының көзін алда, қойныңдағыны
сырғытып түсіріп жіберіп, аяғымен балшыққа аралас-
тыра қойды.

— Ал, тінте! — деді ол тыскә шыға ерленіп, омыра-
уын ашып, — қашаннан бері маған мұндай күдіктене-
тін болып ең?

— Мен сені емес, шұқырды тінтем.

— Е, шұқырдың жазығы не? Тініткің келсе мені
тініт!..

Алтынсары қазылған шұқырдың қасына барып тұ-
сейін деп жатыр еді, сыртынан кеп оны оң жағына
аударып тастап Шауыпкелдің өзі түсे қалды да, Ал-
тынсары тұрганша аяқ, астынан бірдемені алып қой-
нына тағы тыға қойды.

— Енді алып шық! — деді Алтынсары.

— Нени?

— Тапқан алтынды.

— Үө, тәйірі алсын сені! Өзің рас айтып тұрсың

ба? О, не қылғаның! Сені әдей ерекістірейін деп түстім. Ал, кәне қарай гой!

Шауыпкел шұқырдан шықты. Оның аяқ астынан алтынды алғанын көрмей қалған Алтынсары шұқырга бір түскелі тұрды да:

— Эй! — деді тағы, — Рас айтам, қойныңды көрсетші.

Шауыпкел ашуланған болды.

— Өзіңнің денің ڈұрыс па? — деді ол қабағын түйіп, — мазақ қылғың келе ме? Осы араның тауын көшіріп әкетсең де еркің. Ал, мен кеттім арба жаққа!

Шауыпкелдің кескін құбылысы Алтынсарының құдігін тағы күштейтті. Сондықтан ол ойнаған бол кеудесіне қол салайың деп еді, анау итермелеп маңайлатпады. Екеуі алыса кетті.

Олар ұзақ алысты. Шауыпкел де тірі жан, сондықтан Алтынсары карулырақ болғанмен берісе қоймады. Екеуінің де киімдірінің пәрә-пәрәсі шықты. Екеуі де ентікті. Бұлардың бұл алыс-жұлысына: қиядағы күн, асқар тау, шалкар көл, қалың тогайдан басқа, сол араның аны мен құсығана күа болды.

Тишиң тогайдың ішінде жапырақ жамылып жем іздей шоқандап жүрген қоянның құлағына бұлардың ырсылдаған дауыстары шалынып, селк ете түскен қоян «не?!» дегендегі құлағын қайшыландыра, алдыңғы аяғын көтере, тұрқын соза қарады да, алысқандарды көре салып, бетін бұтаққа остыра қалың шытырман арасына жып берді.

Қалқия қойған қоянды көзі шалған қарагай басындағы ителгі алысқандарга алданам деп жемінен айрылды.

Тауда екі жәндік таласса, біреуінен өзіне жем түсіп дағыланған аш бүркіт бұлардың тәбелерін торлай ұшып, аспанда шарықтал жүрді.

Күмістей сыңғырлаған даусы орман ішін сұлу үнге блеген бұлбұл да дауысынан жаңылды.

Ағаштың жапырағы мен көлдің жұқа бетін дірілдеткен әлсіз жел тына калды. Дауысын бәсендепеген жалғыз-ақ таудан акқан бұлақтың сылдыры.

Осылардың бәрінің тындағаны Алтынсары мен Шауыпкелдің алысы, алысқаннан алқынған әкпеден шыққан ырсылдаған демдері.

Адамның, денесіндегі күш, мүшесінің бәрінде бір тегіс болмайтынына Алтынсарының көзі Шауыпкел-

мен алысқанда жетті. Алыса кеткен жерден алыш-
ұруына қараганда Шауыпкелді ол тез жеңе қоям той
деп еді. Күш сынasa келе, Шауыпкелдің бар қаруы
ұсында екендігі байқалды. Оның денесін шопақ құр-
лы көрмей көтеріп алыш, жерге оңай құлата салған
Алтынсары, қанша қару жұмсағанмен, жұмған ұсын
жаза алмай қойды. Ұсыы винтеп тастаған темірден
бір кем емес.

Шауыпкелдің алысуын басында ойын шығар деп
ойлаған Алтынсары, шынға айналғанын көргесін, уы-
сын жазуға әлі келмейтінін байқаған соң, басып жат-
кан Шауыпкелдің көзіне көзін оқтай қадады да:

— Эй, ақтық рет айтам, рас бермеймісін! — деді
дікіленіп.

— Немді берейін! — деді Шауыпкел алқынып —
түгім де жоқ беретін.

— Қолындағыны.

— Қолымда да түк жоқ.

— Ендеше неге жазбайсын? Кәне, жазшы, алақа-
ныңды!

— Жазбаймын.

— Неге?

— Эдейі, ерегескесін!..

Алтынсары қабагынан қар жаудыра түсін сұтынып
алды да, Шауыпкелді жерден көтеріп құшақтаған қал-
пымен, көлдің биік шынды жарқабагына алыш келді.

— Менің мінезімді білесің той! — деді ол Шауып-
келге қадалып — қолыңды жазбасаң көлге лактырам.

Алтынсарының құшағында өзін жонқадай көрген
Шауыпкел кескініне қарап еді, лактыратыны рас сы-
қылданып кетті. Сондықтан, Алтынсарының «өлтің
келмесе әкел, жылдам!» деген сезіне шыдай алмай:

— Мә,— деп ұсындағыны сыртқа лактырып жі-
берді де,— босат! — деді ақырын.

Алтынсары разы болғандай түсін жылдытып Шауыпкелдіңі жерге ақырын түсірді де, лактыраң затты
алыш көріп еді, айнала құм топырақ жабысқан, жұ-
дырықтай тұтас тума алтын екен. Қуанып кеткен ол
алақанымен салмақташ көріп еді, қолын жерге алыш
түссе жаздады.

— Қызғанғаның осы ма? — деді ол Шауыпкелге
қарап құліп — сен қызғанба! Бұл алтынды мен өзім
алмаймын.

— Енді қайтесін? — деді наанбаған Шауыпкел кекі ті кескінмен.

— Үкіметке берем.

— Үкімет саган несін береді?!.. — деді Шауыпкел кекен.

— Екеуміздің еңбек ақымызды береді. Бұл алтын халық қазнасына түседі.

— Одан басқа пайдан?

— Алтын іздеу кәсібіне қайта кірем, старатель артелін үйімдастырам. «Алтының шыққан жерін белден қаз» демей ме, аталарымыз. Осы араны тағы да қазып, тығылған алтындарын түгел аламыз? Сені де шақырам, бұл абыройлы іске.

— Оны кезінде көрерміз, — дей салды кесек алтыннан айырылуға іші құйген Шауыпкел. Алтынды үлесу жайын Алтынсарыға айтпақ бол бір түрді да, көнбесіне көзі жеткен соң үндемеді.

Алтынсары атқа кетті. Осы кезде арба касына барған Шауыпкелдің ойына Алтынсарыны өлтірсем қайтеді деген жамандық ой тұтанды.

— «Қару қайда?»

Оның есіне арбаның кіндік темірі түсті. «Байқаусызыда блектей темірмен қарақұстан персем, — деп ойлады ол — жаны тас деймісін!»

Осы ниетпен ол кіндік темірді суырып алып, Алтынсары атты әкелгенде ту сыртынан екі-үш рет айналды. Оның неге айналғанын Алтынсары сезген жоқ.

Бінғайы келгенде қарақұстан кіндік темірмен салып жіберуге Шауыпкел қолын көтерді де тату өскен құрбысын қимады.

3

Олар қыстау жолымен қайтты. Үйден шығарда:

— Қайтарда егіншілерге сога кетейік, — деген еді Шауыпкел Алтынсарыға.

Ат Алтынсарынікі еді. Шауыпкелдің сөзін есіне сақтаған ол, қыстау маңындағы егінге тұра тартты.

— Неге тұнжырап келесін, әй? — деді Алтынсары Шауыпкелге, даңғыл жолдан егіннің жінішке жолына бұрылған шакта.

— Маган не қыл дейін деп ең? — деді Шауыпкел қабагын түйе қарап.

— Да, тәйірі алсын сені, тәйірі алғыр! Оның не, қарап отырып араз бол? Алтын керек болса, мә!.. Ойын-

026976

Северо-Казахстанская
ОБЛАСТНАЯ БИБЛИОТЕКА
город Петропавловск

күлкімнің садағасы!.. Осы жұдырықтай тас үшін, бұның әкесіндегі тасқа бермейтін тату көнілден айрыла-
мыз ба?

Алтынсары алтынды алдына тастап еді, Шауыпкел алмады.

— Сен қоңырауды қой! — деді Алтынсары — бір жыл туған төл емеспіз бе, антүрган!.. Бұл алтын екеу-
мізге пайдасын бірдей тигізеді... Сына осы сезімді!..

— Көрсек көрерміз — дей салды Шауыпкел.

Егіншілерге жақындал қалғасын басқа сөз кеңес-
пей, Алтынсары алтынды қалтасына тықты.

— Іске сәт! — деді ол, соқа айдаған егіншілердің алдынан кеп тоқтап.

— Айтсын! — деді беттерін шаң басқан екі жігіт.

Ауылдың адамдары егінге төрт-бес үйден бірігіл шықкан еді. Бұл қоста Алтынсарының да, Шауыпкел-
дің де сыбағасы бар.

— Бес күннен бері жыртқандарың осы ма? — деп сұрады Алтынсары егінші жігіттен — қалай аз жырт-
қансындар? Тіфу!.. Осылай да жер жырта ма екен?.. Бұл ней... Жердің бетін айғыздап тайыз айрып?.. Ара-
сынан жыртпаған тың тастап отырысындар гой!.. Егін шыға ма бұған?..

— Енді қайтейік. Эдейі солай жыртып жүрген жоқпыш. Қелік журмейді, соқа өтпейді, — деді егінші-
нің бірі кейіп.

— Өтпеуіне тағы бір себеп, — деді екінші жігіт, — әлті көзі шыққыр Қирабай қаладан соқа ала барғанда,
доңғалағын ауыстырып әкетіпті. Міне, көрші, біреуі улкен, біреуі кішкене, бұл қалай түзу жүрсін!.. Құр қе-
лік қинау!..

Алтынсары шегі қата күлді.

— Неге күлесін? — деді жігіт.

— Кулгеним... соқа осылай болмай қалай болушы
еді?.. Оның доңғалақтары осылай ұлылы-кішілі бола-
ды.

Соқаға өгіз жегілген еді, — төрт пар өгіз... ауыздарынан көбігі бұрқырап, тілдері сала құлаш шықкан,
бүйірін соқсан өгіздерге Алтынсары жақындал еді, мояндарын жарма соғып қан аққан қып-қызыл жара...

— Обал-ай, — деді Алтынсары, — қелік бүлінген екен.

Бұл ел бұрын егін салмайтын, салса: байлары орыс жалдап салғызып, кедейі кетпеммен еgetін. Ол кезде

кедейлер «эттең... қолымызға жер, көлік, соқа тисел!» — деп кіжінетін.

Міне, қазір оның бәрі бар: жер тұп-түгел кедейдікі, қанша ексе де еркі; бұрын кедейде көлік жоқ еді, со-вет өкіметі келгелі шаруасы көтерілген олар елбесін-сельбесіп жететін көлік те жасап алды. Бұрын кедейге соқа табылмайтын еді, қазір ауылшаруашылық коопе-рациясы арқылы оған да қолы жетті.

— Ендігі жетпейтін — Алтынсарының ойынша: «Егін жұмысына жаттықпағандық».

Ол егінші жігіттерге осы ойын айтып еді:

— Жаттықсан да осы соқа, осы көлікпен көп егін сала алмайсын,— деді жігіттер.

— Сендерше не істеу керек?

— Егінді өзі жыртып, өзі еgetін машина шығару керек.

— Асықпасаң ол да болар,— деді Алтынсары.

Осы кезде егіншілердің қосы жағынан жіңішке жолмен заулатқан бір пар атты көріне кетті. Ат-арба-сы, сайманы бұл аранікі секілді емес.

Егіншілер жақындаған жолаушыларды қарсы алса, қалаша сәнді киінген қазақ жігіттері екен. Жөндерін сұраса, біреуі тау кенинің инженері, аты Таубай, екін-шісінің аты Таспай, ол Таубайдың жәрдемшісі.

Амандастып тұрып, олар әзілдесіп қалды.

— Егінді нашар жыртады екенсіздер! — деді Таубай, соқа жүрген жерлерді көріп ап,— көлікті де айдай білмейді екенсіздер, өгіздерініздің мойнын алдырып тастапсыздар ғой!.. Обал-ай, жануарларға.

Жат жігіттің алдында егін жырта білмеу намысы-на өзі де ортақ болған Алтынсары, әзілден жығылғысы келмей:

— Жер жыртатын машина шығарып берсендер, біз сендерге қой деген жоқтыз,— деді.

— Бірақ, сол машинаны шығаратын біз емес, өаде-риң,— деді Таубай.

— Біз шығарамыз? — деді егінші жігіттің біреуі, Таубай қылжак қылып тұр деп ойладап.

Әзіл сөзге шын жауап берген Таубай, қазір партия мен үкімет отанды ірі көсіпті елге айналдыру саясатын жүргізгелі' жатқанын, осы саясат егінге хажетті ма-шиналарды мол ендіруге жағдай жасайтынын айтты.

— Бұның бәрі дұрыс,— деді Алтынсары,— сол істі еркендету үшін, мына біздің жәрдеміміз не болады?

— Алтын табысу болады! — деді Таубай.

Өз сырын ол енді ғана айтты: ол революция жылдары жабылып қалған Степняк алтын ошағын қайта ашу жабдығына шығыпты.

— Бұл жұмысты, — деді ол жігіттерге, — біз, тең, жергілікті халықтың жәрдемімен ғана іске асыра ала-мымыз. Сол халыққа сіздер де жатасыздар.

Бұл сөздерді құлак қоя тыңдаған Алтынсары да шынына көшіп:

— Өзің керегі алтын ба, құрбым? — деді Таубайға, — егер алтын болса, осы Қекшетау жерінің астында ол бұлақтай қайнап жатыр, қанша алсан да таусылмайды.

— Қекшетаудың бойында алтын көп екенін біле-міз, — деді Таубай, — бірақ, соны тауып беретін кісі ке-рек, қой.

— Өңгені білмеймін, — деді Алтынсары, — мен өзім сол алтынды іздесуге өзірмін. Менің мына жолдасым Шауыпкел де өзір. Солай ма, достым? — деп ол құрда-сына қарап еді, «меселі қайтпасын» дегендей, Шауып-кел басын изеді.

— Іздесіл қана қоймассыз, — деді Таубай күліп, — табысарсыз да.

— Таппайтын нәрсені іздең жақеті не? — деді Алтынсары жымыши.

— Мүмкін, тауып та жүрген боларсыз? — деді Таубай, «осы жігіт ескі старательдің бірі болмагай» деп ойлад.

— Мүмкін! — деді Алтынсары сенімді дауыспен.

— Қоста дәм бар ма? — деп сұрады Алтынсары егінші жігіттерден.

— Әлгінде қымыз келген еді, — деді жігіттің бірі.

— Ендеше дәм татыңыздар! — деп қосқа алып бар-ған Таубайға, Алтынсары бүгінгі талқан олжасын ай-тып еді:

— Кәне, ол алтының? — деп қуанып кеткен Таубайдың екі көзі шарасынан шыға жаэдады.

Табылған тума алтынды Таубайдың кезіне ғана көрсетіп, қолына ұстаптаған Алтынсары:

— Асықпа, құрбым, — деді Таубайға — бұл алтынды завод кеңесінің есігі ашылған күні қолымнан апа-рып берем де, өзім бірінші старатель болып қызметіне кірем.

Электр сәулесінен іші ашық аспанды күндіздей жарқыратқан штректі бойлай, сыртында брезент сулығы, аяғында улкен етігі бар Алтынсары келе жатты. Беті — инженердің кабинеті. Шахтының төбесіндегі порода тастардың жігінен шалшыған су оның жалбайына кейде тырылдаپ тамшылады, кейде фонтандай атқылады. Шахтаны бойлай салынған жіңішке темір жолдармен кен тасыған электр вагонеткаларызырылдаپ ерсіл-қарсылықтада Алтынсары ығысып жол береді де, тағы да ілгері жүреді.

Аяғын аттаған сайын оның көзіне ескі замандағы қараңғы шахта, тар шахта елестеді, сол қараңғы тар шахтада қолына ұстаған кәрәсін лампасының өлсіз жарығынан алдындағы екі адым жер еркін көрінбейтіні есіне түсті. Міне, ендігі электрлі шахта, ертегілерде айтылатын, іші самаладай жарық кен алтын сарай сияқты...

Алтынсары білегіндегі сағатына қараса түскі үш екен. Үште шахтадағы кабинетіне оны инженер Таубай шақырылты. Неге шақырғанын білмейді.

— Бүгінгі норма? — болды, Алтынсарыны кабинетінде қарсы алған Таубайдың бірінші сұрауы.

— 120. Кешкे шейін 180 ге апарармын, деп ойлаймын.

— Жоқ, оны істей алмайсын! — деді Таубай күліп.

— Неге?! — деді Алтынсары таңданған кескінмен.

— Горкомнан звонить етті. Сен өз колхозың «Алтын таңға», сайлаушылар арасында үгіт-насихат жұмысын жүргізуге барып қайтпак болыпсын.

Степняк алтын өндірісі ашылған күннен бастап жұмысқа келген Алтынсары, алғашқы күндерден бастап сауатсыздар мектебіне түскен еді де, аз уақытта жаза, оқи білуге халы жеткен еді. Содан кейін іле партия қатарына өткен оны, қалалық партия комитеті үгітшілер тізіміне қосып қойған. Қазір жергілікті советтің сайлау науқаны жүріп жатыр. Осы жұмысқа Алтынсары да белсene катынасып жүр. Лифтпен көтерілген Алтынсары тыска шықса, «М—1» түр, шофері Шауыпкел.

— Қайда барамыз? — деді Шауыпкел оған.

— «Алтын таңға».

— Құп болады! — деп Шауыпкел айдай жөнелді.

Олар «Алтын таңға» ілездे келіп қалды. Колхоз

таудың етегіндегі бұлақты жиектей салған алпыс шакты үй еді. Үйлердің бәрі де сұрыпталып қылған жаңа қарағай. Кеңсеге мен мектеп орталығында.

Кеңсеге келсе күзетші әйел ғана бар екен. Басқарма бастығын сұрап еді:

- Егін басында,— деді әйел.
- Мүшесінен кім бар?
- Олар да егін басында.
- Бәрі не алады егін өасынан?
- Жиылыс бар деп кетті.

Алтынсары мен Шауыпкел таныс токтің басына келсе, тау-тау бол үйіліп жатқан бидай, бидайды жиенау мен соғу жұмысында сапырылып жүрген көп адам...

Машинадан түскен Алтынсарыны, құрбылас жігітері мен әйелдер «качайттаймыз» деп, тырмысуына қарамай қаңғөбелек ойнатып, көтеріп алды да кетті. Біраз қақмақылдан ентіктірген Алтынсарыны жерге туғырған соң:

- Кәне, айт!— деп шуласты олар, қоршаған Алтынсарыға,— алтын сенде көп пе, бізде көп пе?
- Сендерде де, бізде де көп,— деді демін алқына алған Алтынсары.

Олай демеуге болмайтын. Колхоз бастығының айтуынша, «Алтын таң» биыл еккен 1300 гектардың алдынан қырық, артынан жыырма центнерден түсіп жатыр. Бұл шығым тек, егінді трактормен айдаپ, сеял-камен сеуіп, комбайнмен орудың арқасындағы ғана түсім.

— Алтын көбейсе, машина да көбейеді,— дейтін еді Алтынсары.

Сол айтқаны келді: дәл есебін айтпағанмен, Степняқ отанға алтынды ай сайын қадактап емес, бүттап беріп жатқан сияқты. Сонша мол алтын машинаны көбейтпей қоя ма!..

Отанда қазір алтын да, машина да көбейген түрі бар. Бұған байыған тіршіліктің бар саласы да куа. Осынша зор жетістіктің ауыр жүгін сүйреп, алдыңғы катарда келе жатқан еңбек ерлерінің ішінде Алтынсары да бар. Ендеше, колхозшылар оны «хан көтеріп» качайттамағанда, кімді качайттайды?..

Ток басында, ішінде мындаған кісі сиярлық астық сарайы бар еді. Соган жиналған колхозшыларға, отаның ірі өндіріске ие болуынан тапқан пайдасы туралы

Алтынсары баяндама жасап тұрганда, босағаға сүйенген Шауыпкел ойлы кескінмен қадала қарады да тұрды. Алтынсарының туғаннан бергі өмірі оның алақанында: екеуі бір жылда туған төл, бірге өсті, біте қайнады...

Шауыпкел бала кезінде Алтынсарыдан пысық еді. Алтынсары сөзге нанғыш, уәдешіл, момын бала болатын. Өзін одан қу санайтын Шауыпкел бала кезінде де, жігіт кезінде де алдап, талай рет «тақыр мұзға отырғызған». Алтынсары оның біріне де ашуланбай көне беретін..

Ақырында, «бәрінен қой бағып қойыртпақ ішкен озар» дегендей, еңбек сүйгіш Алтынсары, Шауыпкелдің ұғымында шырқап аспанға кетті де, пысықсынған еңбексіз ол, жерде қалып қойды.

«Көкке шыққаны емей немене?— деп ойлады босағада тұрган Шауыпкел — пойызға да, автомобильге де, аэропланға да мінетін осы; Алматы, Мәскеуді арайлайтын осы. Қиім осында, тамақ осында... абырой, атақ осында!..»

Алтынсарының бұндай шат тұрмысын Шауыпкел бұрын күндейтін еді, бұл жолы, босағада сүйеніп тұрып, бірінші рет ол құрдасына сүйсінді.

«Дұрыс!— деді Шауыпкел ішінен, 1927 жылы туынды алтынға таласқанын есіне түсіріп,— сондағы мұның сөзі расқа шықты. Алтын көбейіп еді, машина да көбейді!..»

Шауыпкелге де осы машиналардың бәрі Қекшетаудың алтыннынан жасалып жатқан сияқтанды. Сол алтынды табушы да, қазушы да Алтынсары сияқтанды оған. Ендеше, ел бұны ардақтамағанда кімді ардақтайды?!

«Егер мен де сол кезде белсене алтын қазсам, бұлай боп жүрмес едім!» деп өкінді Шауыпкел.

Олай дейтін себебі: колхоз жұмысына да жалқау ол, Степняк ашылған жылдарда ауылда жатты да, жалқаулық қарның ашырғасын алтын қазудан шоферлікті женіл көріп машина руліне отырды. Қазір ол айна сегіз жұз сом алады. Оның көбін «бәрібір байымын» деген оймен ішіп қояды. Сондықтан оның өзі де жүдеу, үй іші де жүдеу... Ал, Алтынсары ше... Оның шамалауында, бұрынғы байлар да мұндай тұрып көрген жоқ... Ендеше, жақсы тұрудың тетігі, тек еңбектеғана...

Митинг біткен кезде ымырт жабылып, қас қарайды. Жиылышқа қатнасқандардың қартаң жағы грузовикке мініп, қалаға кетті де, жастар жағы ток басында ойын-сауық жасауға қалды. Олар Алтынсарыдан бірге болуын етініп еді:

— Тұнгі сменага барушы едім,— дег босанды.

Заводқа қайтуға тысқа шыққан Алтынсары төніре-гіне көз салып аз уақыт тұрды.

Тұн айлы, жұлдызды жарақ екен. Ол ара, жан-жағы еркін көрінетін адырлау жер еді. Адырдан заводта айқын көрінеді екен. Завод қаласында жанған электр шамның жиыллығы аспандағы жұлдыздан кем емес. Әлдеқайда, Шортан жақтан кетіп бара жаткан пойыз паровозының үні естіледі. Энел.. Көкте екі қызыл жұлдыз ұшып барады. Ол жұлдыз емес... Қызылжардан Қарағандыны беттеп тартқан самолет!..

Алтынсарының көзіне айлы түнде аспанды белуар-лаған Қекше түсті... Баяғыда, жылқының күзетіне барған түні Қекше туралы ойлаған ойы есіне түсіп кетті оның...

— Pac! — деді ол ішінен мұнартқан Қекшеге қадала қарап тұрып,— сенің сыртыңы сұлулығың Грек, Рим көркеменершілерінің ойланып қолдан жасаған шебер шығармаларынан да әлдеқайда сұлу!.. Жерден текшеленіп аспанға шашыла шыққан сенің Оқжетпесінді, сырлы тостаганға құйған қымыздай, құшарғыца алған суы меруерттей мөлдір көлінді, етегіне ұстаган күміс оқадай дөңгелене сыртынды айналып жатқан шабагынды, сенің сұлулығынды еліктей жаралған бытыранды үрпактарынды; ...солардың бәрін қаусыра құшақтап, колын күзеткен батырдай, бәрінен басынды асыра қарап, «бұлттың сүтін ішіп ержеткен» өзінді,... қандай суретші осы қалыптарында сала алар еді?!

Жоқ, сала алмайды ол!.. Шебер табигат миллион жылдар бойы салған суретінді жасы жүзге жетпейтін суретші қалай салмақ сенің?..

Сен Қекше, сыртың сұлу бол қана жаралған жоқсың. Сенің ішің де сұлу. Сенің «қақырығың қайыма алтын, түкірігің түйме алтын!.. Сен ертегіде айтылатын алтын сандықтың қабысың!.. Сенің астында алтын дария!.. Сенің сол алтын дариянды ақтарып ташқан кім?.. Ол, тек, советтің үлдары мен қыздары!..

— Жаса, советтің үлдары мен қыздары!— деген даусы шығып кетті Алтынсарының.

Бір орында көп тұрып қалғаны сонда ғана есіне түскен ол, аяңдап машинасына келсе, Шауыпкел кабинада отыр екен.

— Эй, Алтынсары! — деді ол, қасына отыра берген құрдасына, — саған бір серт айтайын ба мен?

— Айт!

— Айтсам, алтын табу жұмысына мен де түсем де, езгемен емес, сенімен жарысып, шамам келсе басып озам!..

— Оған мен тілектеспін,— деді Алтынсары,— бірақ, есінде болсын, мен де саған оздырмауға тырысам.

— Эрине,— деді Шауыпкел,— озу-озбау тәуекелдің ісі гой. Ол қалжыңым. Ал, шынымды айтсам, жалқаулықтың тақсиретін тартып болды мен. Бұл албастыны үстімнен түсірем енді!..

— Расың ба, эй? — деді Алтынсары, Шауыпкелдің сезіне енді ғана мән беріп.

— Растығына әкел, қолыңды!

Екеуі қол алсты.

— Ала білген қолға Қекшениң байлығы жетеді,— деді Алтынсары,— біз екеуміз түгіл талай мындаған адам жүздеген жылдар қазып тауыса алмайды.— Бұның асты алтын дариясы екені рас. Бұл алтын аймақ!.. 1934—1937 жылдар.

АЗҒЫН

1

Н... қаласында анда-санда қойылатын сауық-кештерінде Мырзабек тақпақ сөйлемей қоймайтын.

Қарапайым кісімен Мырзабектің тақпағы бір емес. Тақпақ сөйлеуге келгенде оның көзі де, аузы да, қаслен қабағы да, денесінің қимылды да бұрынғы Мырзабек болып шықпайды, бақырайып алдында қарал отырганыңмен көзіңе әлдекімді елестетіп жібереді.

— Қалай еді? — десеңіз... — Былай:

Сахнаға шыға келгенде ол дөңгелек қара көзін қысыңырап, сопақтау келген үрт етін үрген көріктей желдендеріңкіреп, біресе аузын ашып ақситыңқырап, маңдайының терісін жиырыңқырап жылмия қояды. Минут етпей шошыған адамдай селтең ете түседі де, аузын томпитып, мұрның шүйіріп, қабағын түйіп, түсін суытып, көзін әлденеге қадалтып, денесін кірлідей

жырып алады. Мырзабек ол қалпында да ұзақ түрмай, борандай түтеген ашулы кескіні, жылжып аққан бұлақтай бәсендеп келіп, дағдылы қалпына туседі. Мының бәрі тақпақ сөйлер алдындағы құбылысы.

Сөйлерден бұрын дағдылы қалпына түскен Мырзабек, сөйлегеннен кейін тағы да өзгереді. Оның әдеттегі даусы мәңіреген сиырдай барылдалап, аргы жағында жетім қақырық түрган сықылды болатын. Бір сөзге бір сезді қоспай жыпынданып кететін мына даусы ол емес, сыйызығынан нәзік, жібектей созылғақ.

Мырзабектің бұл көріністері әуелгі кезде тыңдаған, көргендерге таңсық болғанымен, артынан үйреншікті әдет болып кетті. Көшедегі балаларға шейін «Мырзабек болайын ба?» деп бет-аузын, денесін қиқандатуға айналды. Басында бұны қызық көрген жүрт кейін «белгілі қиқаң» деп, неміқұрайды кескінмен тыңдауға айналды.

Жүрттың бұлай деуіне тағы бір себеп,— Мырзабектің қайда болса да бір өлеңді айта беретіндігі еді. Ол:

«Махабbat біr тікенек,
Жүрекке барып қадалар.
Бакытсыз ғой ол жүрек,
Сорғалап одан қан агар!..»

Мырзабек «барлық өмірдің шешілмеген жұмбағы, әлемге біткен шындық, тілдің барып-барып жеткен шегі, осы өлең ғана» деп біледі. Бұл өлеңді айттарда құлімсірейтін себебі, көз алдына: шашы тізесіне түскен қара, оң жақ бетінде дәңгелек қара мені бар, қыр мұрын, дәңгелек жұз, қызыл шырайлы, қара көз, қара қас, ұзын кірпік, қаз мойын, оймақ ауыз, қыпша бел, сүйрік саусақ, орта бойлы, талдырмаш денелі бір қыз елестей қалады. Қыз әуелі құшағын жайып, көзін жұмып, басын шалқытып, шашын желкесінен жерге төгіп Мырзабекке жақындаиды. Мырзабектің сейлеп тұрып бір аттап қалатыны — алдындағы аруды құшақтай алғысы келеді; бірақ, құшағына әнен ілікті, міне ілікті деген кезде қыз шошыған киіктей ыта жөнеліп, Мырзабектің қолын ілектірмейді. Қенеттен ашулы кейіпке түсе қалатыны да осыдан. Осының бәрін елестететін жоғарғы бір ауыз өлең. Бұл өлеңді айтса-ақ оның ойына талай сұлу елестейді. Мырзабектің бір қызды осылай сүйгісі, жан-тәнін бергісі, өзі ойлағандай бір арудың құшағында ләzzәтті өмірін өткізгісі келеді. Сүймеген

жүректі, сүйіспеген көңілді, Мырзабек ақылына сыйғыза алмайды. Сүйіспейтін, сую жолында құса болып еллейтін жан болуға мүмкін емес деп ойлады.

2

Мырзабек бүгін қызметкер әйелін шаршатты. Талай жағалар, көйлектер, галстуктер, костюмдер әлдеп неше өтектелді.

«Ол ең кемінде уш сағаттай
Айна алдында сөнденді..»

деген Пущиннің өлеңі ойында тұр. Айна алдында құбылды. Жүрді. Түзелді. Иісмайланды. Бұл да айна алдында кеміне екі-үш сағат тұрды. Қиімін киініп болып, білек сағатына қараса, қызына жолығатын мезгіліне 45 минут бар екен. Құн қыс, әрі сұық еді, далада тоқазығанша үйде отыра тұрайын деп, ілулі тұрган мандалинін алды да, әлде не әнді шыңғырлата ойнап, тесегіне қисая кетті.

Төсекке жамбасы тимей-ақ көз алдында топталған ойлар тізбектеле қалды:

Шоқшалау сақалы, таңқы мұрты бар, үстіне қой жүні күпі киген, мұрнынан сорасы ағып, жұмыс соңында жүрген алпыстағы әкесі Семпек елестеді.

Мандаудында жасында жылқы тепкеннен тұсқен таңбасы бар, беті жолақ-жолақ әжімді, беліне өгіздің бел жібін байлаған, түтінге булығып біреудің жұмысын істеп жүрген елудегі шешесі Домалақ елестеді.

Бір мүйізі қисық, қортық, алабел өгізі, сабалақ құйрық қара иті, тарғыл мысығы, арық көк байталы, мыжырайған қора-қопсысы, құрым үйі елестеді.

Шашы дударланған, жыртық киімді, башпайы жұлдығынан жылтырап шығып, байдың баласын ойнатып жүрген он төрт жасар қарындасты Әлима елестеді. Ауыл-үй, тамыр-таныс, ілік-шатыс бәрі де бір-бірлен өтіп жатты. Бір уақытта қолында жетектеген жеті жасар баласы бар, көзінен от шашыраған қарасұрлау бір жас әйел елестей бергенде, шошыған кісідей Мырзабек мандалинін тастай беріп теріс қарал кетті. Қарасұр әйелдің қараганы көкірегінен атып жібергендей болды.

Ол әйел Мырзабектің бір кездегі әйелі болатын. Аты Дәметкен. Дәметкенде Семпек Мырзабекке бесігінде айттырған. Екеуі түйдей жасты. Семпек өзі қарақасқа

кедей болғанымен, Мырзабекті кімнен де болса кем қылып есірген жоқ та. Орыс поселкесінің малын жаяу бағып жүріп Мырзабекті ол орысша оқытқан. Мырзабек он алтыға келгенде қызық көремін деп Сөмпек келінің қолына алмақ болған еді, әкесі Сағынай айнып кетті. Өйтептің себебі, Сөмпек алғаш құда болғанда Сағынай да сінірі шыққан кедей болатын. О да орыс селосында мал бағатын. Артынан Сағынай, кенет тез байып кетті. Жүрт оны «орыстың саудагерінің түсіп қалған ақшасын тауып апты» деген қауесет шыгарды. Қалай байыса да Сағынай үстіне ақ үй тігіп, алдына үйрелеген мал тұліктерін салып, еліне көшіп кетті.

Бірақ, Дәметкеннің көңілі Мырзабектен кетпеді. Намысын жоқтаған Мырзабекпен ол оңашада ретін тауып жолықты да, малын емес, басын, жігітшілігін сыйлаш, дүшпанына мерт қылмай бір тұнде жоқ болды. Әкесі қызының бұл қылышына әкпеледі де, «өлмесең жаңың шықсың» деп, қарада бойын көрмей кетті.

Мырзабек Дәметкенмен екі-үш жыл отасты. Арапарынан бір ұл туды, аты — Серік.

Бұрын орыстың бастауыш мектебін бітірген Мырзабек, Колчак тұсында бір қыс оқып, онан кейін советтік дәуірде екі жыл оқып, орта дәрежелі білім алды. Бұл жылдарда Мырзабек Дәметкенді, Дәметкен Мырзабекті шын жүректен сүйді. Дәметкен кейде ойнап «сен оқып жүрсің ғой, бір күні мені тастанап оқыған әйел аласың ғой» дегенде, жорта ма, болмаса шыны ма, Мырзабек ашууланып қалатын еді.

Бір күні Мырзабек үлкен мектептердің біреуіне барам деп құзге қарай жиналды. Бұрын ондай алыс жолға шықпаған Мырзабекті үй іші де, Дәметкен де жібергісі келмей көп әуреғып, ақыры Мырзабек жеңді де бет алған жолына жүріп кетті. Ол жолы оқуға іліге алмаған Мырзабек, орталықтағы бір қызметке тұрды. Сол бетімен ол жоғарылап, ақырында «үлкен» бір қызметтің бігінде шықты. Бұл жолда бес-алты жыл жүрген ол, «жұмыстан қолы тимей» үйіне оралмады.

Сөмпектің баяғы күні күн. Сақалынан жасы шұбырып, әлі де байдың малын жаяу бағуда. Шешесі Домалақ та сол күйде. Күйеуі бес-алты жыл келмей безгенімен, Дәметкен Серігін ермек қып, бұзылмай-жарылмай өлі отыр. Мырзабек Сағынайға хат жазып «маған байдың қызы керегі жоқ, Дәметкенді алып кет» деп хабар айтты. Сағынай бұл сезді ести сала шауып барып Дә-

меткенді алып қайтайын деп еді, Дәметкен: «менің мандаійма жазған үй осы үй, келмесе кетсін, Серік бар, ата-енемді күтіл стырамын» деп әкесін қайырып жіберді.

Аударылып жатқан Мырзабекке елестеген Дәметкеннің үшқынды кішкене қара көзі қадалып «имансыз, үждансыз, неге тастадың мені? Не кінәм бар еді алдыңда? Мен сенің басынды, жігітшілігінді сыйласп, бай әкемнің азғырғанына қарамап едім ғой, ұятың, адамшылығың қайда? Жұдырықтай баланды, бейнеттегі сорлы әке-шешендеңді неліктен тының құрлы көрмеді?...» деген кісіше аржағынан тесіп өтіп кете жаzdады. Мырзабек шыдай алмады, өкпесі алқынып аузына келді. Ұяttan қызған беті өртке шарпылғандай дуылдалап кетті. Өзінен езі ұялып түрегелді. Сагатына қараса, мезгіл өтіп бара жатыр екен, ішінен күбірлеп «Ойы құрғыр қайдан келді, уақытты өткізіп ала жаzdаппын ғой!.. Лөля өкпелеп жатқан шығар» — деп, үстінен басқан ауыр ойды лактырып тастады да, кілтін жауып үйінен шыға жөнелді.

Лөля X... мекемесінде қызмет қылатын әйел еді. Онша асып тұрган тур-тұлғасы жоқ: мұрны ұзын, шықшыты қысыңқы, көзі үңгірлеу, саусақтары қысқа-лау быртыңқ, кемиек, жауырыны құшыңқ, сирағы ұзын, кеудесі қысқа, бойы арықтау талдырмаш. Бірақ, сол қалпында Лөля барып тұрган кербез, барып тұрган тақаппар. Бойына бітпеген сұлулықты ол қолынан жасап алады: құқыл ернін қызыл далаппен қан-қызылғып бояйды, қою қоңыр қасын қылдырықтай жіп-жіңішке ғып асты-үстінен қырғызады, ұзын кірпіктерін қайши жақтарына қарай қайқайтады, сүрме тартқан шегірлеу көздері қарауыта мәлдірленіп кетеді, ақ опаның үстінен қызыл өңділік жағылғанда, сүрғылт беті қызылшырайланып кетеді, екі шықшытынан бүйраландыра түсірген самай шаштары, сопақтау бетін, қара бүйра бұлт арасынан сығалаған айдай жарқыратып жібереді, күрең қасқалай бояған тырнақтары сүйрие ұсталады...

«Ағаш көркі — жапырак, адам көркі — шуберек». Бұл қалада Лөлядан сөнді киінетін және асыл тас, асыл металдармен безенетін әйел жоқ. Оның үстінен «іісі қундік жерге мол жететін» исімаймен бүркырай-ды да жүреді.

Мүнша сөнденетін қаражатты Лөлянің қайдан таба-

тынын жұрт айтпай-ақ біледі. Ол осы қаладагы атақты мал саудагерінің және ірі байдың қызы. Бойжеткен оны әкесі өлдеге бір офицерге бергелі жүргенде азamat соғысы басталды да, ақтарға жақтас болған әке де, күйеу де әммиграцияға кетті. Лөля езіне тетелес апасымен, туған жерінде қалып қойды.

Ақылды және көрікті апасы тез күйеу тапты, және «анау-мынауды» емес, «топтан таңдағаткан текедей» совет қызметкерінің дыңдай біреуіне тиді. Бұл үйлену. Лөляға да уш жактан әмір жолын ашты: бірінші — «комиссардың балдызы» болғандықтан, енді оны «жатсың» деп ешкім көзге шұқы алмайды; екінші — тіршілік жағынан қамтамасыз етілген ол, ерді асықпай-ақ іздеп, аptyқпай-ақ таңдайды; үшінші — сырт пана-сына апасы мен жездесі де жарайды, өзі өлгенше ки-ніп-ішініүне, өзі тығып ұстайтын алтын-күмістері мен асыл тастаның артығы да жетеді... Ендеше, күйеуді шекеден шертіп жүріп таңдау керек...

Н... қаласындағы шекшығар бозбалада Лөляға қызықпайтыны болған жоқ. Біреулері көргеніне, біреулері сейлескеніне, біреулері жұғысып кеткеніне мәз болады да журеді. Қолы жетпей ме, болмаса расы ма, кейбір бозбалалар «кәрі екен, бетіне әжім кіріп қалыпты, әуелде сұлу көрінсе артынан жоламай кеттім» деп қомпиып қалады. Соның бірі Мырзабек.

«Таласқан бозбаладан жеңіп әкеттім» деп Мырзабек бір кезде мактануга айналды. Онысы өтірік. Мырзабектің ауыз байлығы болмаса, қызды ұршықтай тез үйіріп әкететін өнері болмайтын. Лөляға оның қолын жеткізген адам — құрдасы Қасым. Әне ол бір көргенде-ақ; қызды құйындаі үйіріп әкетеді.

Мырзабектің жақын танысқаннан кейін Лөлясіз ішкені ас болмады. Оны көрмей отыра алмады. Лөля сықылды адам баласы сейлей алады, сакылдан күле алады, белін бұралтып, бексерін ыргалаңдатып жүре алады, көзін төңкеріп қарай алады деп Мырзабек уш үйқтаса ойына алмады.

Лөлясы құрғыр да мұның ырқын таба білді. «Мой киргизонок» деп Мырзабекті, арқаға қағып, аузын жақындаға беріп, Мырзабек сүйейін деп ернін тосса, «нет извините, еще рано» деп құмарланырыды да жүрді.

Көп күндер осылай өткеннен кейін, бір күні Лөляның аузынан, — «мән сені сүйемін, менің бақытым жалғыз саған ғана байланысты, менің жүрегім сенің жүре-

гіңмен үйлеседі, ендігі түйін,— тәк ЗАГС-те ғана» дегенді айтты. «Оның күні қашан?» деген сұрауга, «өзім айтам» деп жауап берді Лөля.

Лөлянің күткен күні тез туды: Мырзабек наркомың бірі бол тағайындалды да, газет арқылы бұл хабар тез тарай қалды. Қуанған топтың бірі бол, газетті Лөля да оқыды. Оның күтіп жүргені осы хабар еді.— «Наркомша» болу оның ең зор арманы да. Мырзабекке де ол осындаи «дәрежеден» үміті бар жігіт деп қызыгатын. Өмірбаянына қараса, егер Мырзабектің колы наркомдікке бір іліксе, тез тәмендей қоймайды, «баты» үзаққа созылады... Мінезіне қараса, Мырзабекті ықпалына көндіріп алу оңай... Ендеше, құшагынан өмірлік босатпайтын бүндай «бакытқа» неге қызықпайды ол?..

Мырзабектің нарком болғанын ести сала, Лөля жездесінің үйінен телефон арқылы құттықтап алды, кешке бақша ішінде жолығатын сағатын айтты.

Мырзабектің асыққан себебі осы еді...

4

Үлкен зал. Төрде айна. Ортада үсті ыдысқа толы стол. Жағалай орындық. Есік қағып «мүмкін бе?», оған қарсы «кіріңіз!» деген дауыстар әлсін-әлсін естіледі. Тойға «айылты»— Мырзабек пен Лөля. Мырзабек қонақтарын қарсы алғып жүгіріп жүр. Жаңа түсken жас келіншек Лөля шошандай қоймай, қонаққа келгендерді әдемі кимыл, ойнақы қаспен ғана қабылдады. Той басталды. Айына екі жұз сомға жақын червонец алатын Мырзабек бүгіннен не жанын аясын. Нелер түрлі арақ, неше түрлі жеміс, басқа да дәмді ішім-жемдіктер стол устіне әрек сыйды. Өңшең жастың басы косылып қызғаннан кейін сөз дүкені де қозды. Лөлянің арақ ішетін көңілі жоқ еді, біреу ананың, біреу мынаның құрметіне ішіңіз деп қысталап, о да аз уақытта қызып қалды. Топтың ішінде бойын бағыңқырап отырған Мырзабек. Қанша сүйіп қосылғанымен Лөляні сыншы деп біліп сыр білдірмегелі отыр. Бұл бір. Екінші жағынан Сейіл дейтін жігіттің Лөлямен жақын едім деген сөзін ерте кезде құлағы шалған еді. Егер ол қауесет шын болса, мас күйінде негіп сыр бермес екен деген ой бір бүйірінде тағы жатыр.

Жұрт ерсіл-қарсылык жүре бастады. Біреулер билеу-

те, біреулер өлең айтуға, біреулер сандырақтауға айналды. Думанмен араласып сый көрсетіп жүрген Мырзабектің бір кезде көзіне сып етіп екінші бөлмеге кіріп кеткен Сейіл көрінді. Лөля да сонда кеткен. Күдіктенген Мырзабек көлденен кісілерге сыр бермей, аңсызда есікті ашып қалып еді, Сейіл Лөляні құшактап сүйіп тұр екен. Мырзабектің іші мұздай болып кетті. «Мастығым, менде айып жоқ» деген кісіше Лөля Мырзабекті құшагын жазып жүгіріп кеп бассалды. Мырзабек ішінен «бұғінгі сыйынман түгел өтсөң өмірлік жолдас болдың, болмаса алданым» ғой деді.

5

Кішкене ғана қара домалақ бала Лөляга апылта-
пыл басып «мама!» деп ұмтылып еді, «кет әрі!» деп
қағып жібергенде ұшып түсті. Төрде шашын шалқасы-
нан қайырып, шылымының түтінін дөңгелете ұшырып
стырган аққұба жігіт, бақырып қоя берген балаға таң-
данғандай, үлкен қара көзін тәңкере қарады.

— Неге ұрасын? — деді жігіт Лөляға, баланы қо-
лына көтеріп ап — сен оны, элде сүймеймісін?

— Қарауга жеркенем! — деді Лөля, жігіт ұсынған
баланы қолына алмай.

— Ендеше неге тудың? — деді жігіт жымия қарап
тұрып.

— Тууга ойлаптын ба мен? — деді Лөля кейігей
кескінмен теріс қарап, — тағдырдың мойныма артқан
азабы бұл!.. Құхняға шығарып бер!..

Жігіт баланы құхняға шығарып қайта кірсе, Лөля
шылымды бопылдата катты сорып, құмыға жұтқан ту-
тінді екпіндей үрлеумен, аузы мен мұрнынан бөлшек-
тей ұшырып отыр екен.

— Тынышталдың ба, Лөля! — деді жігіт, сүзіле жы-
мия қарап.

Лөля жауап бермей, шылымын сора түсті...

Оның қазір бере қояр жауабы да жоқ. Бала күннен
досы санайтын бұл жігіт, Лөля Мырзабекке шығуын
ақылдасқанда:

— Өзің білесің, — деген еді жігіт, — менімше бұл
неке ұзаққа созылмайды. Советтік құрылымында сүйенетін
диалектика заңында «бәрі ағады, бәрі өзгереді». Ендеше,
ерте ме, кеш пе, сенің ғашығыңың да наркомдығы
өзгереді. Сонда сен қайтпексің?

— Оған дейін сыбагамды алып үлгерем,— деген Лөля күліп.

Лөля сол мақсатына тез жетті де. Еркін тез билеп алған Мырзабекке ол үй тұрмысындаға емес, мемлекет ісінде де қожа болды. Ең алдымен, нарком қаралмағындағы екі сулу жириен атқа жегілетін әдемі фастонды үнемі Лөля мініп, Мырзабектің өзі жаяу жүрді. Кеңседегі төрт-бес ажарлы кілемнің көбі Лөлянің бөлмелерін сәндеді. Тәуір мебельдердің де көбі сол пәтерге барды. Онымен ғана қанағаттанбаған Лөля Мырзабектің қалтасын қағып, ананы әпер, мынаны әптерден көзін ашырған жок. «Сүйген жардың» көңілін қимаймын деп, кеңсе алдында борышқа белшесінен батқанын Мырзабек сезбей де қалды.

Кеңсе алдында Мырзабек одан да ауыр қылмысқа килікті. «Қызыметке ананы ал, мынаны ал» деп жүріп, Лөля көнілдегі көп адамын өткізіп жіберді.

Совет кеңсесі мұнша өзімінуге шыдамай, тиісті жерлерге сигнал беріп, жұмысшы-крестьян инспекциясы тексеріп қалғанда, барлық мін шодырайып шыға келді.

Қызыметтен босануы анықталған Мырзабектің алдында екі таңдаудың бірі тұрды: не мекеменің борышын төлеу, не сottалу.

Бастапқысын таңдау, Мырзабек пен Лөлянің арасына от жақты: Мырзабекке салса сатыну, Лөляга салса сатынбау.

Жан керек болған Мырзабек, қарсылығына қарамай, ішіне Лөляның да біраз қымбаттыларын қоса сатынып-сұғынып, борыштан әрең дегенде азат болды.

Сол күннен бастап, Лөляның басына үш қайты оралды: біріншісі — уысынман шықпайды деген күйеуінің күрық алып кетуі, екіншісі — олжага баттым деп жүргеңде өз мүлкінің біразынан айрылуы, үшіншісі — күн көрістің шағындалуы.

Бұндай халде, бұрын да сүйіп тимеген Мырзабек пен, енді бірге өмір сүруінде мағна жоқ сиякты. Сондай ойга келгенмен, бірнеше жылдан бері сіңісп қалған жардан айрылу да оңай емес, оған бірталай жағдайлар және себептер керек.

Солайша толқи бастаған кезде, өзінен туған баланы ішіне қоса, Лөляға Мырзабек пәтері түгелімен тікендей көрінді, оның жігіт көзінше баласын сабаган себебі де осы. Ал, оған осы сырыйн айтпай сазару себебі де осы.

бі — жігіт оның бұрынғы сүйгенінің біреуі, мүмкін — ең жақсысы. Бірақ, ол кезде төмендегі қызметтің бірін атқаратын бұл жігіт, Лөлянің есебіне дәл келмеген еді. Сейтіп жүріп алшақтатып алған араларын, енді қалай жақындатуына Лөлянің көзі жетпейді, себебі — жігіт те қазір үйлі-баранды болып қалған адам. Оны жігіттің өзі де жасырмай, соңғы кезде Лөляга жақындастып, оның халін түсінген, аяган болғанда айтар есіркеуі — тағдырыңың бізге ендігі жазғаны астыртын сырлас болуғана. Лөлянің өз ойы да осы. Мырзабектің көзі тайса-ақ, бұл үйге жігіттің келе қалу себебі де, екі көңілдің осылайша бір жерден түйісуінен...

6

Ұзаққа созылады деген бұл арамдық көңілдің өрісі, ойда жоқ бір себеппен қысқара қалды. Бар арамдықты ішіне жинап алған Леля, Мырзабекті бетінің жалған бояуымен алдағы жүрген күндердің біреуінде, бұл үйдің есігі шиқылдай қалды. Мезгіл — жаз. Құн ыстық.

— Мүмкін бе? — деген дауыс естілді сырттан.
— Кіріңіз! — десті Мырзабек пен Леля қосынан.

Кеудесінде бектерген бұлғары қоржыны бар почта тасушы үйге кірді де, бір жапырақ қағазды қолына ұстал:

— Сөмпеков осында ма? — деді.
— Иә, менмін, — деді Мырзабек.
— Сізге телеграмма.

Қолына алған телеграмманы Мырзабек ашып оқып жіберіп, қуқылдана қалды.

— О, қайдан? — деді Леля.
— Жәй.

— Жәй телеграмма бола ма? Қайдан?

Мырзабек телеграмманы үндеместен терезеге қоясалып еді, Леля жылдамдата басып барды да, оқып жіберіп:

— Бұларың кім? Сөмпегің әкең бе? Ол неге келеді?
Шақыртып па едің? Шешең де бар депті гой. Маган айтпай шақыртуға қандай хақың бар?! — деді Мырзабекке төніп кеп.

«Үндемеген үйдей пәледен құтылады» дегендей, Мырзабек сейлемей женеңін деді де төр үйге кіріп, тесегіне жантая кетті. Желді құнгі тұндіктей кеудесі басылып-көтеріліп, танауы желпендерген Леля, сейлеуге

шамасы жоқ адамдай, барқыт диванның жұмсақ жастығына арқасын тіреп, қолдарын қырына арта, шалқая отырады.

Лөлядан қорқып жұмған Мырзабектің көзіне: алыстағы көшпелі ауылдан түйемен шыққан кемпіршалдың бұл қалаға қалай жету картиналары елестеп кетті. Сол ойға шомған оның құлағына, әке-шешесі есігінің алдына келіп қалғандай сезіліп, жұмған көзін ашып алды.

— Мырзабек! — деді Лөля сол кезде, — кім бұларың?

— Экем мен шешем...

— Олар неге келеді?

— Баласына келеді де.

— Мен оларды бұл үйге кіргізбеймін, — деді Лөля, — басқа бір үйге түссін. Бірақ, өзің қарсы алмайсың.

— Кім қарсы алады?

— Жұмса біреуді...

— Кімді?

— Оны өзің білесің.

Ол күнгі кеңес сонымен бітті. Ертеңіне пойызды қарсы алады-ау деген шақта, Лөля Мырзабектің кеңесіне барды да, оңаша шығарып ап, бұйрығын айтты:

— Бармайсын деген соң бармайсын, — деді ол, — егер бұны істемесең, не асылып, не у ішіп өлем де, жаласын саған жауып, басыңды абақтыда шірітем.

Мырзабек қорқып қалды, мінезіне қараганда оны істейді деп ойлады.

— Егер, — деді Лөля, — басыңда жамандық шақырың келмесе, өзің қозғалма да, әке-шешенің алдынан кісі жіберіп, таныс біреуіңің үйіне түсір. Өзің кешкес бар. Жыныма тимей тез қайтар оларды. Маған көрсетпел...

Мырзабекті ол осыған көндіріп, уәдесін алды...

Қолпырайған үлкен қой жұн күпісі бар, аяғында байпақты бастама етігі бар, басында тыстама лақ терісінен істеген көне бәркі бар, белінде, ширатқан мата жіп белбеуі бар, буырыл сақал, денелі, еңкек бір шалмен, өнірі жамалған қара-тозбас қамзолы, шажамайынан басқан кебісті, кір жауалықты, қолына кішкене қап-

шық көтерген бір кемпір,— Мырзабек үйінің алдына келіп сағат екіде түсे қалды. Бұлар Мырзабектің әкесі мен шешесі еді.

— Осы үй ме? — деді Сөмпек алып келген жігітке.

— Осы! — деді жігіт.

Мырзабектің жұмсаумен вокзалдан қағыс алған бұл жігіт, келген кемпір мен шалды әлдекімнің үйіне апармақ еді, жолаушылар: «баламыздың үйі түрганда басқаға түсүші ме ек?» деп көнбеді, жігіт оларды амал-сыздан Мырзабектің үйіне алып келді.

«Балаңның үйі осы» дегенде көптен сағынган ана-ның жүргегі шыдай алмай көз жасы домалап кетті. Даусы шығып кете жаздал еді, Сөмпек «неге жылай-сын? Қазір баланды көресің. Ұят болады!» деп білгр-сіді. Шәрлі жердің үйіне кіргенде есігін қағу керек дегенді Сөмпектің құлагы шалған еді, сондықтан, көше жақтағы есіктің басқышына шықты да есік қақты. Бұрын мұндай басқышты көрмеген кемпір,— құлап кетпе деп шалына ақыл айтқан болды.

Сөмпек әуелі ақырын қақты,— үн жоқ. Қаттырақ қақты,— үн жоқ. Сөмпек ызалаңған кісідей сінірі шық-кан жуан жұдырығымен есікті періп-періп қалды. Есік-тің топасасы шығып кете жаздады. Лөляның қыңыла-ған күшікте жіңішке даусы аржағынан шаңқ ете тусти:

— Бұл кім? — деді ол.

— Мен Сөмпек.

— Кім керек?

— Мырзабек осында тұра ма?

— Осында. Бірақ, өзі үйде жоқ.

— Сен кімсің?

— Онда сенің жұмысың жоқ.

— Есікті аш! — деді Сөмпек.

— Жоқ, ашпаймын! — деп Лөля ішке кетті.

— Бұл кім өзі?! — деді жігітке Сөмпек — жөнін де айтпайды, есікті де ашпайды!..

Лөляның қылығына іштей ыза болған жігіт, одан өрі не боларын күткендей үндемеді.

— Кім болса да баламның үйінде не ақысы бар? — деп кемпір ашумен есікті тартып қалғанда, ілгешегі үзілді де ашылып кетті. Шашы урпиген Лөля, ентепел кіре берген кемпірді итеріп қалып еді, басқыштан до-малай жығылып, бет-аусын қарагай тіліп кетті, әжімді кәрі кескінінен қан шашып шыға келді. Кемпір «өл-

дім!..» деп бақырып қоя берді. Жігіт оны ұстай ап, сүйемелдең тұрғызыды.

— Бұл кім өзі? — деді, бетінен қаны сорғалаган кемпір, денесін сүйеген жігітке.

— Келінің! — деді жігіт.

— Не дейді?! — деп кемпір шошып кетті.

— Келмейік деп құдайдың зарын қылдым, — деді ызага булығып тұрған Сәмпек. — Інтың құрыды да тұрды. Сыйынды алдың міне!

— Өз обалым өзіме! — деп кемпір кішкене қашықшасын арқалап көшемен келген жағына қарай бет алды. Сәмпек те соңына ерді. Қабақтарың қайғы жауып, шал мен кемпір жыласып келе жатыр еді, анадайдан сидаңдаған біреу көрінді.

— Балаң! — деді Сәмпек.

Мырзабек жақындағанда кемпір жаулықты жұлдып қолына алды. Екі бетке тырнақты салып жіберіп тіліп тастады. Мырзабек «апа, не болды?» деуіне қарамай, омырауын жыртып жіберіп, тоғсан торсықтай екі емшегін шығарып алды да, көкке сауып:

«Кек кекаршыны, кекаршыны.
Көкке жаяр құлашыны.
Мені бүйтіп жылатқан,
Мендей болып жыласын!»

деп даудың қылышын көшемін басына көтерді. Сөзін «тумай кет, тумай кет, ақ сүтімнен садаға кет, кешпеймін ойбай, кешпеймін».

«Тогыз ай, он күн кетергем,
Кетерген екем бекер мен!
Сүйткен құлышын мынадай,
Енді қалай етермін!»

деп жылады ол. Екі емшегін қолына ұстап, сүтін кекке атқан кемпір, жалынған баласының сөзін құлағына ілмей бозарып талып кетті.

Сәмпек қап-қара тұнектей қатты да қалды.

— Жылама! — деді ол есін жинаңызған эйеліне, — ақ сүтің ұрар, азғын баланды!.. Жүр, қайтайық!

Талықсыған кемпір сүйретіліп түргелді. Қоршаған жүрттап біреу күлді, біреу жылады... Сәмпек бір бет, айтқанынан қайтпайтын адам еді, сондықтан, жалынған Мырзабекке айтқаны:

— «Жақсы ит те өлімтігін көрсетпей өледі». Неше

шық көтерген бір кемпір,— Мырзабек үйінің алдына келіп сағат екіде түсे қалды. Бұлар Мырзабектің әкесі мен шешесі еді.

— Осы үй ме? — деді Сөмпек алып келген жігітке.

— Осы! — деді жігіт.

Мырзабектің жұмысауымен вокзалдан қағыс алған бұл жігіт, келген кемпір мен шалды әлдекімнің үйіне апармақ еді, жолаушылар: «баламыздың үй тұрганда басқаға түсуші ме ек?» деп көнбеді, жігіт оларды амал-сұздан Мырзабектің үйіне алып келді.

«Балаңың үйі осы» дегенде көптен сағынған ана-ның жүрегі шыдай алмай көз жасы домалап кетті. Даусы шығып кете жаздал еді, Сөмпек «неге жылай-сын? Казір баланды көресің. Ұят болады!» деп білтір-сіді. Шәрлі жердің үйіне кіргенде есігін қағу керек дегенді Сөмпектің құлагы шалған еді, сондықтан, көше жақтағы есіктің басқышына шықты да есік қақты. Бұрын мұндай басқышты көрмеген кемпір,— құлап кетпе деп шалына ақыл айтқан болды.

Сөмпек әуелі ақырын қақты,— үн жоқ. Қаттырақ қақты,— үн жоқ. Сөмпек ызланған кісідей сінірі шық-кан жуан жұдырығымен есікті періп-періп қалды. Есік-тің топсасы шығып кете жаздады. Лөляның қыңыла-ған күшіктең жіңішке даусы аржағынан шаңқ ете тусти:

- Бұл кім? — деді ол.
- Мен Сөмпек.
- Кім керек?
- Мырзабек осында тұра ма?
- Осында. Бірақ, өзі үйде жоқ.
- Сен кімсің?
- Онда сенің жұмысың жоқ.
- Есікті аш! — деді Сөмпек.
- Жоқ, ашпаймын! — деп Лөля ішке кетті.
- Бұл кім өзі?! — деді жігітке Сөмпек — жөнін де айтпайды, есікті де ашпайды!..

Лөляның қылығына іштей ыза болған жігіт, одан ері не боларын күткендей үндемеді.

— Кім болса да баламның үйінде не ақысы бар? — деп кемпір ашумен есікті тартып қалғанда, ілгешегі үзілді де ашылып кетті. Шашы урпиген Лөля, енгелеп кіре берген кемпірді итеріп қалып еді, басқыштан до-малай жығылып, бет-аузын қарагай тіліп кетті, әжімді көрі кескінінен қан шашып шыға келді. Кемпір «ел-

дім!..» деп бақырып қоя берді. Жігіт оны ұстай ап, сүйемелден тұрғызыды.

— Бұл кім өзі? — деді, бетіңен қаны сорғалаған кемпір, денесін сүйеген жігітке.

— Келінің! — деді жігіт.

— Не дейді?! — деп кемпір шошып кетті.

— Келмейік деп құдайдың зарын қылдым, — деді ызага булығып тұрган Сәмпек. — Ынтың құрыды да тұрды. Сыйынды алдың міне!

— Өз обалым өзіме! — деп кемпір кішкене қашық-щасын арқалап көшемен келген жағына қарай бет алды. Сәмпек те соңына ерді. Қабақтарын қайғы жауып, шал мен кемпір жыласып келе жатыр еді, анадайдан сидаңдаған біреу көрінді.

— Балаң! — деді Сәмпек.

Мырзабек жақындағанда кемпір жауалықты жұлдып қолына алды. Екі бетке тырнақты салып жібеп-ріп тіліп тастады. Мырзабек «апа, не болды?» деуіне қарамай, омырауын жыртып жіберіп, тоғсан торсықтай екі емшегін шығарып алды да, көкке сауып:

«Кек кекаршы, кекаршы.
Көкке жаяр құлашын.
Мені бүйтіп жылатқан,
Мендей болып жыласын!»

деп дауыс қылышп көшенні басына көтерді. Сөзін «тумай кет, тумай кет, ақ сүтінмен садаға кет, кешпеймін ойбай, кешпеймін».

«Тогыз ай, он күн кетергем,
Көтерген екем бекер мен!
Сүйткен құлымын мынадай,
Енді қалай етермін!»

деп жылады ол. Екі емшегін қолына ұстап, сүтін көкке атқан кемпір, жалынған баласының сөзін құлағына ілмей бозарып талышп кетті.

Сәмпек қап-қара тұнектей қатты да қалды.

— Жылама! — деді ол есін жинаңызраған әйеліне, — ақ сүтің үрар, азғын балаңды!.. Жүр, қайтайық!

Талықсыған кемпір сүйретіліп түрегелді. Қоршаған жұрттан біреу құлді, біреу жылады... Сәмпек бір бет, айтқанынан қайтпайтын адам еді, сондықтан, жалынған Мырзабекке айтқаны:

— «Жақсы ит те өлімтігін көрсетпей өледі». Неше

жыл асырағам. Құткем. Қанаттыға қақтырып, түмсықтыға шоқытқам жоқ-ты. Табанымды шөгір тіліп, жаяу мал бағып жүргенде де сені тең құрбынан кем қыл-мағам. Мың шақырым жерден әдейі ізделеп келдім. Пойызға мінерде телеграмм бергіздім. Неге алдынан шықпайсың? Неге танымай кеттің? Жаман да болсам әкең емес пе едім? Мынау шешең емес пе еді? Бетін далаңай қан қылған келінге бұл кемпір енді қалай барады? Сыйың жетті. Құттің. Өзің осындау сыйға жолық! Сен менен тумаған екенсің. Ниетің қарайған екен. Өзім аш жүріп, сені тоқ қылған құндерім, жетілген соң есің, нең шыққан екен! Кезінен шықсын, ниетіңен таш Енеңнің ақ сүті ұрсын! Жур, қатын, елде өлейік. Салынған жүрек адыра қалсын, бекер сағынған!

Семпек кездескен бір көлікті жалдады да келген ізімен бір-ақ тартты.

Алдын-ойламай алаңғасарлық істеген Мырзабек, өмірдің не шыңырауына түскенін енді айқын түсінгендей, әкесінің аузынан әлгінде шыққан «азғын» деген сөзді даусын шығара қайталап:

— Іә, мен азғынымын! — деді өзіне өзі, — өмірдің жүрер жолын білмеген маған осы керек!..

Оның басы айналып, жүрегі лоблып кетті.

Күн түсте айнадай жарқырап, баласын көре келе жатқандардың қуанышын құттықтаған сықылды еді. Енді жер де емшегін колына алып, назаланған кемпірдің даусына сілкінгендей болды. Бұлт қоюлана қалды. Кемпірдің іштегі жалынымын дегендей, әр жерде бұлты жарып наражай оты жарқ-жүрк етті...

Декабрь, 1927 ж.

АСПАЗ

1

Таң қарандысынан тұру Дәметкеннің өмірлік дағдысына айналған еді. Келін кезінен «қазаншы қатын» аталған ол, биыл елу төрт жаста. Осы жиырма тоғыз жылдың ішінде, қандай, жағдайда жүрсе де, онын ат-қарғаны бір гана аспаздық қызмет. Оны таң қарандысынан тұруға үйреткен кәсіп осы.

Бүгін де ол дағдылы кезінде оянса, бір гана бөлмелі

агаш үйінің іші әлденеге сөулеленіп тұр. «Бұ не?!» деген ой келді Дәметкенге. «Ай сәулесі» дер еді, — ескі ай таусылып, жаңа ай өткен кештің іңірінде гана тұган да, сирек қара бұлттың арасына сұңгіп жоғалған. «Таң атты ма» дер еді, жиырма тоғыз жылға созылған аспаздық өмірінде, бір күн де таңды атырып тұрмаган оны, бүгін таңды атырып тұратын, — не қара басылты?!

Тағы да бір таңқаларлық жағдай бол тұр оған: найзағайы жарқылдай, жер-көкті сілкіндіре күркірейтін күнге де мыңқ етпейтін мынау агаң үй, безгек болған адамдай, әлденеге дірілдеп барады. «Жер қозгалды ма» дейін десе, Солтүстік Қазақстан өлкесіне жататын бұл манда, ондай өқиға болғанын ешкім естіген емес. «Енді не болды?!

Осы оймен, үйдің салқындығынан ба, әлде белгісіз бір хауілті күткендіктен бе, — денесі дірілдеңкіреген Дәметкен, киінбестен терезеден қарауға төсегінен тұра бергенде:

— Дәметкен! — деген дауыс шалынды құлағына. Күтпеген дауыстан денесі сelt ете қалған ол, кім екенин біле қойды, — бөлменің екінші бұрышында, жылы пештің қасына тақтайдан жасаған төсегінде жатқан әкесі — Самалық.

— Бұ не, үйдің дірілдеп бара жатқаны?!

 — деді әкесі.

Дәметкеннің есіне түсе кетті: тың көтеруге келе жатқан көп трактор, жуық арада осы тұстан өтетінін, ол әуелі немересі — Құнжаннан, сдан шайин МТС директоры Ержанов Байназардан естіген. Сол адамдармен механизмді қарсы алатын адамдардың тобында Құнжан дә аттанып кеткен.

Осы жайды білетін Дәметкен, жер-көкті тітіреткен гүрілдің не екенін әкесіне қысқаша түсіндірді де, өзі қызметіне баруға киіне бастады. Оның қызметі — осы ауылдағы МТС-тың тракторлар ремонтын жасаушыларға ас пісіру.

— Иә, қайда баrasын?

 — деді Самалық қызына.

— Жұмысыма.

— Қоя тұр оны!

 — деді Самалық бұйырған дауыспен. — Кіндір мені, далага шығам. Қереметті көрем!

Әкесінің соңғы сөзі Дәметкенге ұғымды да: олардың тұган жері қазір колхоз бол отырган мекеннең алыста. Ұзын түркы үш жұз километрдей, көлденеңде екі жұз километрдей ол жерге, будан жиырма бес жыл.

бұрын, жаз айларында жүздеген көшпелі ауылдар барып қонатын. Қара қыртысы метрден артық құнарлы жайлауга белуардан шалғын шығатын. Кең жайлаудын тұла бойы тұнған, сұы тұщы қөлдер болатын. Соншалық құнарлы жерді жайлаган малдарға, малшылардың тілімен айтқанда, — «қарыстан артық қазы, сүйемнен артық сұбе» бітетін. Жазық, кең жайлаудың тек қана айыбы — ағашы болмайтын. Кейін ауыл шаруашылығы колхозданған кезде, көшпелі ауылдар орманды өлкелерден жеткілікті жер алып, кең жайлау босқалған. Жүзден асқан жасының сексен шақты жылын жайлауда еткізген Самалық, туған-ескен жеріне сагышының айтып, «со жерге де ел орнап, қызығын көрер ме екен?!» деген...

«Жұық арада жайлауга совхоз орнайды, оның тыңды түгел көтеріліп, тұтасымен егін себіледі» дегелі Самалық қуанышта. Оның жатса да, тұrsa да, «керемет» дей беретіні сондықтан. Енді, Дәметкең, сол кереметтің алды көріне бастағанын айтқан соң, жүртпен біріншарттың да қарсы алғысы келді. Киінем деуі содан.

Әкесінің осы жайын үққан Дәмәткең, бірақ нәрседен қысылды: МТС-тың асханасында жиырма жылдан бері қызмет атқарып келе жатқан ол, әлдеқалай ауырып қалған күндерінде болмаса, не сәскелік, не түстік, не кештік астың біреуін де мезгілінен кешіктіріп даярлаган емес. Қазір әкесін киіндірсе, қызметтінен кешігеді.

Осы оймен ол әкесінен рұқсат алмақ еді.

— Бар, жүре бер, өзім де киінем! — деп ақырып қалды.

Айтқаның іstemей қоймайтын шалдың тыңда шығуға бекінгенін үққан Дәметкең, «өзі киінсе жазым болар» деген хауіппен:

— Жарайды, киіндірейін, — деді.

Ол екеуі киініп тыңда шықса, желі тымық далада жапалақтап қою қар жауып тұр. Тұтасқан үні жеркекті тітіреткен тракторлар тізбегінің алды ауылға кіре бастапты, арты, алыстағы фарлардың жарығына қарғанда, бұдан он бес, жиырма километр жердегі «Путь Ильичаның» маңында сияқты...

— Ойпырм-ой, құдай-ай, не деген көп трактор еді бұл! — деді, жасаураган көзіне көп фардың жарығы шағылсып, моторлардың тұтасқан гүрілі құлатын тұндырығанда. — Ұшы-қиырсыз көм!..

Бұл кезде көшеге әке мен қызы ғана емес, ауылдың бар адамы тегіс шыққан еді. Сапырыла жүріп, шулай көсескен олардың арасында қасынан өте берген Ержановты Дәметкен бөгеп, қысқа амандықтан кейін, жұмысынан кешігуіне кешірім сұрайын деп еді:

— Оқасы жок,— деді Ержанов.— Барлық жұмысшы осы манда жүр.

— Оларда да трактор таңсық па?

— Трактордың оларға өзі емес, саны таңсық. Біздейдің жайлалаудың бір езінде, жақадан жиырма совхоз ұйымдастқан екен. Солардың әрқайсысына орта есеппен елу трактор келгенде,— бір мың трактор гой ол!

— Ойпыр-ой, не деген көп еді!..— деді Дәметкен.

2

Дәметкеннің үйіне беттеген тракторлар тіпті тақалып қалды. Артқы тракторлардың жарығынан, жұрт енді ғана шамалады: әр трактордың артында, кіші-гірім үйдегі бол, ұбақ-шұбақ сүйретілген бірдемелер келеді.

— Шана!— деді біреу.

— Қайдағы шана?— деді екінші,— үлкендігі үйдегі гой мұның!..

Өзге сезге уақыт болмай қалды: тақалып кеп тоқтаган бірінші трактор «С—80» екен. Оның устінгі күймесінен әлдекімдер түсе бастады.

Дәметкеннің жүрегі бұл кезде ерекше тулап кетті, ейткені, оның ойынша, осы тоқтаган тракторда немесе Күнжан болуға тиісті...

Бұл есім Дәметкеннің әрдайым жан жүрегін жарап шығатын сез болушы еді. Өйтпегенде ше!..

Ол Есентай атты кедей жігітпен сүйіспін қосылған еді. Бұл — олардың туған өлкесінде, совет өкіметі орнап жатқан шақ еді. Келер жылы олардан ұл туғанда, жарқын өмір басталған кезде туған нәрестенің атын Жарқын қойды.

Жарқыннан кейін Дәметкен бес құрсақ көтерді де, үшінші өліп, алғашқы екеуі ғана тірі қалды. Бірақ, бұл үлдардың қызығын, әкесі — Есентай көрген жок. Ауылдық советтің председателі бол қызмет атқарып жүрген оны, ауыл шаруашылығы колхозданда бастаган кезде, байлардан құралған бандылар өлтіріп кетті.

Табысы өзіне мол жететін Дәметкен балаларына же-

тімдік көрсеткен жоқ. Аз жылда Жарқыны ержетіп, әуеле жеті жылдық мектепті, одан кейін жақын қалалардың біріндегі ауыл шаруашылық техникумын бітірді де, туған ауданына келіп, участкелік агроном болды. Сейтіп жүріп үйленді.

Жарқынның әйелі баладан қайтыс болды. Дүнияға шырылдаш шыға жетім қалған немересін Дәметкен бауырына салды да, күндей сөулесі көріп, атын Құнжан қойды.

Құнжан бес жасқа шыққанда ұлы Отан соғысы басталып кетті. Соғыстың алғашқы күндерінде Дәметкен екі ұлын бірдей майданға аттандырып еді, екеуі де үйіне оралған жоқ...

Егер қолында кішкентай Құнжан болмаса, осынша қайғыны қалай көтерерін Дәметкен білмеген болар еді... Арманда өлген сүйікті ері, арманда өлген сүйікті балалары есіне түскен шақта, қабыргасы қайыса қайғыратын Дәметкеннің көзіне күндей нұрланып есіп келе жатқан Құнжаны түссе, көңіліндегі ойлардың бәрі жойылағап, тұла бойы түгелімен жарқырап кете-тін еді...

Әжесінің көңілін осылайша аулап жүріп, Құнжан ержетіп те қалды. Жеті жасынан сабакқа барған ол, он үш жасында ауылышдағы жеті жылдық мектепті бітірді де, әкесінің жолын қуам деп, сол оқыған техникумға кетті.

Откен жаз техникумды бітіріп ауданына келген Құнжанды, Ержанов арқылы Дәметкен МТС қызметіне алдырыған еді. Сол қызметті жаңа ғана бастап жүргенде, партияның тың көтеру туралы қаулысы жарияланды.

Қаулыға бұл колхоздың жастарынан бірінші бол Құнжан үн қосты. Ол колхоздық комсомол комитетінің секретары еді. Комитеттің жиналышында Құнжан өзге жастарды да тыңға баруға шақырды. Оннан астам комсомол сол арада ризашылық білдірді де, тағы он шақты адам жиналыштан кейін, туыстарына ақылда-сып ап ризашылық берді.

Құнжан әжесіне ақылдасқан жоқ. Егер ақылдасса, оның ризашылық бермеуіне үш себеп бары Құнжанға мәлім: бірінші себеп — «бүгін бе, ертең бе» деп өлмелі әкесі отыр, оны тыңға ала кетуге болмайды, тастан кетуге және болмайды; екінші себеп — МТС-та үйренген және ғақсы көріп алған қызметін тастағысы келмейді,

егер тастағысы келсе, МТС-тің жібермеуі де мүмкін, ейткені, ол, МТС-қа қызметі жаққандықтан, жыл салын сыйлық алыш, құрмет тақтасынан түспейтін қадырлы адамның бірі; үшінші себеп — егер өзі МТС қызметінен кетпесе, немересінің кетуіне еш уақытта ризашылық бермейді.

Күнжан әжесін қулықпен көндірмек боп, колхоздың комсомолдары тыңға барғалы жатқанын баяндап алды да, өз жайында:

— Комсомол комитеті таңдауды маған береді: «не тәртіпке көніп, тыңға бар» дейді, «немесе, тәртіпке көнбеймін деген сөзінді айт» дейді. Бұған не деймін? — деп ақылдақсан болды.

— Көнбесе не істейді? — деп сұрады Дәметкен.

— Комсомолдан шығарады да! — деп Күнжан күрсінген болды.

— Жөтек, — не дейді?! — деп сасып қалған Дәметкен есін тез жинады да, — жоқ, өйтпес, комитетін. Егер өйтем десе, өзім барып сейлесермін, — деді де қойды.

Күнжан әжесін қалай көнірудің жолын таба алмай жүргенде, тыңға келушілерді қарсы алатын комиссияга мүше боп, темір жол станциясына аттанып кетті.

Ауылниң беттеп келе жатқан тракторларды көргенде, біреуінде Күнжан отыр деп жорыған Дәметкеннің жүргегі кеудесіне сыймастай қуанды.

Оның жорамалы тұра шықты: трактордан түсे қалған екі-үш кісінің ішіндегі қысқа тоңды, тұлқі құлақшынды, белін сылтығырдай тас қып байладап алған ықшам денелі, жылдам қымылды біреуі Күнжан екенін Дәметкен айтпай-ақ таныды. Дәметкенді көрмегендей ол трактордан түсे, тіркелген күймеге қарай жөнеле беріп еді:

— Күнім! — деп қалды Дәметкен.

Күнжан ол дауысты естімегендей, жүгіре басып күймеге барды да, есігін ашты. Оның ішінен әлсіз жарық жылтырады, күбірлеген адам үндері және жылаган бірнеше кішкене баланың даусы шықты.

— Қалай келесіздер? — деген дауысы естілді Күнжанның.

— Жақсы, — деді, бірнеше әйел мен еркектің дауысы тутаса.

— Қазір, жолдастар! — деп күйменің есігін тарс жапкан Күнжан бері қарай беттей беріп еді, қарсы келген Дәметкен, — «Күнім!» деп құшақтай ап, қардың үш-

қындары жабысқан сұп-сұық бетінен өбе сүйіл-сүйіп алды. Әжесі құшағын жазғанда:

— Тез шам жағайық, үйге түсетін кісілер бар... — деді, Күнжан үйге кірді де, электр шамының включателін тез бұрап қалды. Үй іші жарқыраС кетті.

— Дәдем қайда? — деді Күнжан, сонынан ере кірген әжесіне, Самалық қарттың төсегіне тез қарап ап.

— Сендерді қарсы алам деп далада отыр, — деді Дәметкен.

Тыска шығып, бабасын бетінен сүйген Күнжан күймеге қарай жүгірп кетті. Дәметкен әжесінің қасына кеп, үйге кіргізбек болып еді:

— Қонақтарыңды түсіріс! — деді ол.

— Тоңған жоқпышын? — деді Дәметкен.

— Жоқ! — деді қарт нық дауыспен. Енді өлсем де арманым жоқ!..

Қарт көп кешікпей қайтыс болды. Сол күні күнгей жақтан тұрған бір жылы самал, қарды құрт ерітіп, қартты жерлеуге барған жұрт, белуардан суға малшынып келді.

Күнжан бұл кезде үйде жоқ еді. Ол «Коммунизм сәулесі» аталған жаңа совхоздың мекенін белгілейтін комиссиямен жайлауға, «ДТ—50» тракторына тіркелген күймелі шағамен кеткен.

Қарт жерленген күннің ертеңінде Күнжан келіп қалды. Әжесінің жасы жетіп өлгеннен, бұл қазаны ауырлап жүрген Дәметкен дауысын шығара жылап, әжесін біраз жоқташ алды да, мауқын басқаннан кейін, Күнжанның тыңға баруына, оған қоса өзінің де тыңға баруына көнгендігін айтты.

Оның бұлай көнуіне екі себеп болған еді: Бірінші себеп — ауылнина келіп жатқан қонақтар, «Коммунизм сәулесі» аталған жаңа совхоздың әзірге өз үйі болмағандықтан, оған туысқан республикадан келген адамдар, көктем туып, күн жылынғанша осы колхоздағы үйлерге орналасқан. Келген адамдар мен тұрғын адамдар жата-жастана танысса, әлдеқайдағы алыстан келген, әлденеше үлттың әкілдері бар, біразы қыс іші де мей жас балаларымен көшіп келген. Бірақ солардың ішінде, жол азабына ренжитін біреуі жоқ.

Дәметкенің өз үйіне орналасқан бір семьяда шал, кемпірі бар, үйленген бес ұлы, ерге шыққан екі қызы бар, олардан тұған балалар бар, барлығы он жеті адам бол шықты, солар да қыс ішінде түгел көшіп келген.

Ал, бұрынғы тұрмыс жайын сұраса, Москва маңындағы бір ірі совхоздың жұмышшылары екен, орі, бәрі де алдыңғы катардағы стажановшылар екен. Дәметкен олардан «сонша рахат тұрмысты тастанап неге келдіңдер?» десе, «тың көтеру туралы отан шакырган ұранға үн қостық!» дейді. «Сонша алыстан бұлар үн косқанда, тыңың ортасында отырып мен неге үн қоспаймын?» деген ойға келеді Дәметкен.

Оның тыңға баруына бір себеп осы болса, екінші себеп — ауылға уақытша орналаскан тыңға барушылар тамақты МТС-тың асханасынан ішті. Көп жылдық тәжірибесі бар Дәметкен, астың кай түрін болса да өте дәмді пісіретін, сондықтан оны, осы асханадан азықтанатын адамдар аса құрметтеп, атын қазақтар «Дәме апай», орыстар «тетя Дуся» қойып алған. Үйренісіп алғаннан кейін, тыңға келушілер Дәметкенге «сізді ала кетеміз» деген сез шығарды.

Дәметкен МТС-тың директорына және жұмышшыларға ақылдастып еді:

— Барыңыз!— десті олар,— Бұл сезді, сізге біз құтыла алмағандықтан емес, қымбат көргендіктен айтамыз, өзге колективтер де тыңға сіз сияқты қымбат адамдарын жіберіп жатыр, біздің де қымбатымызды жібергіміз келеді.

Кешікпей, тыңға аттанатын кексе аспаздың көп жылдық жақсы еңбегіне МТС ұзақ мінездеме жазып, жергілікті комитеттің жиналышында бірауыздан бекітіл берді.

3

Совхоз адамдары «Алғабас» колхозынан тыңға көшперде, шатырды қайда тігу сез болған еді.

— Эрине, Жалтырша көлінің жағасына тігеміз,— деген еді жер жайын көріп қайтқан совхоз директоры Меликян.

— Оnda,— деген еді Дәметкен,— шатыр менің туған жеріме тігілсін. Қазіргідей ылайсан қезде, Жалтыршаның жағасында одан қолайлы жер жоқ.

— Хүп болады,— деді Меликян,— Бірақ, туған жеріңізді таба аласызғой?

— Кезімді жұмып отырып...

— Таба аласыз ба, әже?— деп сұрады Күнжан.

— Кезімді жұмып отырып...

Сонғы жиырмада бес, отыз жылдың ішінде жайлауға

ешкім бармагандықтан, бұрынғы көш жолдардың бері тозып, кейде білінер, кейде білінбес торабы ғана қалған еді. Биыл жайлауға барған совхоз адамдары, жерді мөлшерлеу мақсатымен жайлауға тұра тартпай, тыңға айқыш-үйқыш жол сала, қигаштай жүрген. Дәметкен ол жолдардың біреуін де білмейді.

Жол жайы осылай болғанмен, шофердің қасына отырған Дәметкен, колхоздан шыға, «шырағым, олай жүр,... былай жүр!» деп нұсқай отыра, бұрын жайлауға көштін жолдың жобасынан аумай, нысаналы орынға тұра әкеп түсірді. Ерген жүрт, оның мұншама жершілдігіне хайран қалысты. Бұл араны Дәметкеннің ұмытарлық та реті жоқ еді: әкесінің айтуынша, балалары өліп-өліп, өлім сарқытындаған бол Дәметкен туган соң, ол жалғыз тайын сойып той жасайды да, етін асуға, үш таған ғып жерошак қазады.

Осы жерошак, Жалтырша басынан Дәметкеннің ауылы соңғы рет көшкенге дейін қаз-қалпында сақталып келді. Тіпті бертінде, реті кеп, Дәметкен Жалтыршаға барып қайтса, жерошак та, кигіз үйінің іргесін көмген шымның сақинасы да со қалпында жатыр екен.

Осы араны ойлаган сайын оның есіне бейғам балалық шағы, қыз бол бой түзеген шағы, со кездегі тату-тәтті достары, әке-шешесі, ержетіп тұрмысқа шығуы, сүйген жарымен сыйласып өткен шаттық күндері, балалы-шагалы болуы, оларға деген аналық махаббаты түседі...

Дәметкен туган жерін дәл тапты да, қадалары қатылған алғашқы шатырларды, аса зор қуанышпен тігісті. Әжесіне қосыла қуанғанмен, осы совхозға агроном бол орналасқан Құнжанның қоңліне бір хауіп туды. Дәметкенде «белімнің құяңы» деп ататын сырқат болатын,— егер денесі салқынға тисе, шойырылып жатып қалатын. Кейде тіпті қатты шойырылып, қимылдауға мұрша бермей, құлышнда-құлышны шығатын...

Қар кетіп болғанмен, жер әлі ылайсан. Қада қағып көрсе, беті іріп жатқанмен, жердің астыңғы тоны әлі еркін жібіген жоқ. Теріскейден ескең желдің салқындығына аспанда жиылана торланғанда, мүмкін, қар да жауып қалуы... Құнжанның хауіптенетіні «Жылы орын жоқ осындай жағдайда, әжесі ауырмай-сырқамай қызмет атқара алар ма екен?!!»

Вірақ Құнжан босқа хауіптенді. Не ғажабы барын

кім білсін,— ояу уақытының көпшілігін ашық жерде ас пісірумен өткізсе де, ызгарлы жел біразга дейін ба-сылмаса да, алғашқы күндері әуеле қар, артынан жаң-быр жауып, жердің дымқостығын ұлғайтса да — Дә-меткеннің құяны ұстамауы былай тұрсын тымау да тиғен жоқ.

Жұмысты ол жеңіл киіммен істеуді жақсы көретін еді. Осы дағдысымен, күн райын сұық кезде де үстіне жеңіл фуфайкеден басқа киім ілген жоқ, басына ша-шын ғана жабатын жеңіл орамалдан басқаны тартқан жоқ. Жердің сазына қарап, аяғына, тек, қалың шұл-гаумен керзальық етік киді.

Оның ас қып беретін адамдарының көпшілігі трактористер. Олар екі сменамен қызмет атқарады: таңер-теңгі алтыдан кешкі алтыға дейін, кешкі алтыдан таң-ертеңгі алтыға дейін. Жұмысшылардың және оларды күтушілердің бұл бригадада саны елу шақты адам, соның бәрін үш мезгіл азықтаандыруға, жалғыз Дәметкеннің, әрине, күші келмеген болар еді.

Совхоздың директоры оған жәрдемшіге екі қызы берді. Қыздар күн мен түнге кезектескенмен, Дәметкен кезектеспелі. Ол күндіз де, түнде де ас пісірген қыздардың қасында болды. Қай кезде үйқатап, қай кезде да-мылдайтының кім білсін,— қашан көрсөң де ас пісіре-тін қыздың қасында. Оның бір мінезі — өзі пісіргеннен басқа асты жактырмайды, өзі пісіретін астың дәмді болуын, өзінен басқа ешкімге сеніп тапсырмайды.

Алғашқы күндері Жалтырша көліне жақын жердің тыңын жыртқан тракторлар, күн өткен сайын алыстай беріл, тамақты машинамен таситын жерлерге кетті. Та-мақ оларға жабық, жылы ыдыстармен тасылды. Трактористер қанша алыста болғанмен, үш мезгіл асты да Дәметкен өзі апарып таратты.

Бұл қызметіне Дәметкен мейлінше риза... Өйтпеп-гендеше?.. Жер жарапгалы соқа тимеген оның туған-ескен өлкесінде, мыңдаган гектар тың көтерілді. Дә-меткеннің бір қызығы — есепке шорқақ еді. Көп мың түгіл, ол бір мыңның өзін де санап жеткізе алмайтын. Мынау көтеріліп жатқан тыңның жайын сұраса, біреу емес, әлденеше мың!.. Соншама санға ойы жетпеген-мен, Дәметкеннің көріп-біліп жүргені — көтерілген тың ұлан-байтақ кең. Бұл тыңды бір ғана совхоз емес, жайлалауда іргелес орнаған әлденеше совхоз көтеріп жа-тыр. Солардың бәрі қанша тың көтерілгенін көргісі

келген Дәметкенді Меликян машинасына мінгізіп әлденеше рет аралатты. «Не деген көп көтерілген тың!..» деп хайран қалды Дәметкен.

Бірақ, Дәметкен үшін бір ғана өкініш бар: оның еркіне салса, көтерілген тыңың бәріне егінді 1954 жылдың жазында себу керек, ал, Құнжаның, тағы басқалардың айтуынша, бұл жылды азғантай жерге ғана егін себіледі де, өзге кең жерге егін—1955 жылдың жазында өседі.

Болашақ жылдың жалпақ егіні өскенін көруге асыға отыра, Дәметкен, 1954 жылы себілген аз көлемді егіннің тез пісуін, оның жемісін тез татуды шегінен шыққан шыдамсыздықпен күтті....

Ол күткен жемістің ішінде бидаймен қатар овошъ та бар еді. Сол бидайдың себілуін, сол овоштың отырызылының Дәметкен өз көзінен өткерді. Одан кейін көктеуін, сабактануын, дән тартуын, пісуін әрдайым бақылап, мақсатына жақындаған сайын, қуанышы қойына сыймады. Дәметкеннің сол жайын көрген Меликян:

— Комбайннан алғаш құйылған астықты, алғаш жиналған овошты сізге әкеп берем,—деді оған,— содан сіз тамақ жасап, туган жерінде бірінші рет өскен астықтың дәмін, бірінші бол татасыз.

Асыға күткен Дәметкеннің қолы ол күнге де жетті. Комбайнның шумегінен грузовиктің жәшігіне алғаш құйылған бидайды Меликян совхоздың электр қуатымен жүретін дірменіне үктірді де, Дәметкенге жеткізіл берді. Сол күні асхана қасындағы тақтайдан уақытша жасалған сарайшыққа, екі грузовикке тиелген овошъ та келіп түсті: оның ішінде капуста да, картопта, сарымсақ та, сәбіз де, қияр да, помидор да бар.

Ол күні кешкі Дәметкен көзінің шырымын да алған жоқ. Ашытқы құйған тандырды ол үлкен екі бөшкеге белуарынан келтіре салды да, қабарып көтерілгенше, бетін жылы орап жауып тастады. Содан кейін, овоштарды әршып туралауға кірісті.

Ол күнгі түстік, тыңда өскен жаңа овоштан жасалды. Ас қайнал шісуге айналған кезде, ожаумен іліп ал дәмін көру Дәметкеннің дағдысы еді. Бірақ бұрын асықпай, астың пісер мөлшерін күттетін.

Бүгін бұл дағдыдан Дәметкен айырылды. Ошакқа орнатқан казан бусанбай жатып қақлағын ашып көрген ол, тезірек қайнауын тілеп, отты астына баса жақты.

Қазан шала қайнай бастаған кезде-ақ, Дәметі қуанған кескінмен ожауды малып жіберіп, сорпа іліп алды да, шетінен үрлей үрттап дәмділгі тілін үй ген сияқтанған соң, қылқ еткізіп жұтып жіберді. Оны бұрын көрмеген қылышына хайран қалған қыздар, сиғара құмарланған себебін сұрап еді:

— Тұған жердің тоғырағына ескен дән өзге дәнни дәмді болады екен,— деді ол.

Тұған жердің тыңына бірінші рет өнген жемісті ғалынан егіп өсірген, осы совхоздағы жиырмаға тар үлттың ер үлдарымен, ер қыздарына Дәметкен ішпін сансызы альғыс айтты.

Оларға мына тәтті түстікті тезірек татыру үшін, к зан астындағы отты Дәметкен үдете жакты...

Октябрь, 1955 ж.

ӘСИЯ

1

— Жанбайды... мұны қайтем?.. Әжем үрсады-ау. Үй сүйп кетті. Өміртай тоңып қалды-ау. Өзім де тоңдым... Әжем қашан келеді?.. — деді де Әсия жылады.

Отты үргенде тутін толып, күл түсіп, ашып отырған көздерін екі жұдырығымен уқалап онан жама ашытты.

Қарақаттай қап-қара көздері қазір қып-қызыл басып ісіп кетті, қып-қызыл дәңгелек беттері айғызданған кір болды.

Әсия жылаған соң жанында шешесінің ескі күпісін оранып, жылына алмай көгеріп отырган Өміртай жылады.

— Апа, тоңдым... Қайнам ашты... Әжеме баям... — деп қоймай, қоймай жылады.

Үйдің іші ит байласа түрғысыз сүйк. Қазан пештің аузындаған кішкене әйнектен көмексіләніп күннің сәулесі түскен болады, терезенің алдын қар алып қалған, тек сәуле түскендей жері ғана ашық. Екі бала пештің алдында отыр.

Әсия мен-зен. Өміртай қосыла жылаған соң тіпті басы айналып кетті.

Сонда да Өміртайдың қасында Әсия — апа, кәдімгі естияр адам.

Кір-кір жұдырығымен көздерінің жасын сүртіп, бұрынғыдан жаман айғыздал түрегелді.

Бөлесінің қолдарын үқалап, біраз демімен жылытып, көзін, мұрнын сүртіп, күпіге жақсыладап орады.

— Эжең келеді қазір, бауырсақ әкеледі... Жыла ма... қалқам!.. — деп, жүқаяқтың астында тұрган шеті мұжік қара аяқтың ішіндегі тары көжені әкеліп Өміртайға ішкізді.

Көжені қөрген соң-ақ Өміртай жылауын қойды. Әсияның әжесі түнде байдікінен сорпаның майын әкелген, соны қайнатып істеген көженің қалғанын Әсияға «бөлең жылаганда берерсің» деп жүк астына қойып кеткен.

Өміртай көже ішкен соң уайымды да, әжени де ұмытты; апасының бергеніне шыдамай аяқта өзі қолды салды, бет-аузы, үсті-басы, бәрі тары болып, тек күлімдеген екі көзі ғана жылтырайды.

Оны алдандырып қойып, Әсия тағы от жағуға кіресті.

Қалтылдаған кішкене көкірегінің бар демін ішіне тартып үргілеп отырып, біраздан соң отты жандырды.

Отқа жылынып, Өміртайдан қалған көжені ішіп, Әсия да көңілденді. Әжесінің күпісіне орап Өміртайды жатқызып, қасында өзі арқасын қағып, әлдилеп жатып үйіқтатты.

Дала сықырлаған аяз. Терезеден анда-санда жүрген кісінің, малдың сықыры естіліп, терезенің өзі де қалың қыbraудан сыйтыр-сыйтыр етеді.

Өміртай үйіқтап жатыр.

Әсия көссеумен шұқылап, отты қағыстырып отырып, әжесін ойлайды. Өміртайдың жылаганын сылтау қылышп анда-санда байдікіндегі әжесіне барғандары есіне түседі.

Канша үлкенсіп апа болып, Өміртайды ойнатып алдандыруға жараганмен өзі де әжесінің жанында болғысы келді, әжесінің жанында отырғанда төңіретіндегі дүние жылы да, жарық та көрінеді.

Өміртайдың жылаганы да онша білінбейді... Өзі де бала екенін сонда ғана біледі.

Жанабайдың ас үйінде әжесі бәйбішемен бірге бауырсақ пісіріп жатады, ет асып жатады; кіріп барғанда тәтті тамақтың иісі кісінің мұрнын жарады...

Бірақ бәйбіше барда Әсия, ас үйге кіруге қорқады, әжесі де ұрсады. Көбіне бәйбіше Әсияға дым бермейді,

кейде ғана: «Мә, бөпенді алып қайт, әжеңнің қолы ти-
мейді... барындар!» деп, бес-алты бауырсақ береді де,
ашуланған сияқты жаман көзімен қарайды.

Сонсоң Әсияның көңілі сұып, «енди бармаспын-ау!»
деп қайтады. Кейбір кезде бәйбіше жоқта барып қалса,
әжесі қалтасына бауырсақ, малта салып береді.

Онда Әсия өзі де кідірмей үйіне жүгіріп кетеді. Байдың үйіне барғандарын ойлап отырғанда от та жаңын
болды, Әсия мыжырайған жаман етігін киіп, далага
шығып пештің төбесін жауып келді. Пештің қуысынан
ұршығын алып, Өміртайдың жанына бір тізелеп оты-
рып, үлкен қыздарша ұршық іруге кірісті.

Бөлесіне байпақ тоқып берем деп, әжесінен жұн сұ-
рап алып, ііріп жүр. Ылакша секіріп ойыннан боса-
майтын жұдышықтай Әсия, сүйтіп күні бойы жалғыз,
кішкене бөлесін бағып, отын жағып, үйін сыйырып,
тары түйіп, шамасынан артық үй шаруасының бәрін
бір өзі істеп, балалықтың қызығын көре алмай өсе бе-
реді, әлгіндей сұық үйде жалғыз отырып, әжесін іздел
байдікіне барғандағылары есіне түскенде, нәп-нәзік
балбыраған көңіліне табиғат әділсіздік, теңсіздік ыза-
сын өз-өзінен еріксіз орнатып бекіте береді.

Далада сықырлаған аяз, үй ішінде тышқанның ты-
қырынан басқа дыбыс жоқ.

Әсия қазір тоғызда, әкесі Майлабай қырықтың
ішіндегі кісі. Көптен бері Байғабыл байдың қойын ба-
ғады. Былтырдан тамақ асырау қын болып бара жат-
қан сон, үй ішімен байдың бір үйіне кіріп алып, каты-
ны байдың үй шаруасын басқарады, өзі далада малда
жүреді, Әсия әкесін тіptі az көреді. Балалар үйықтап
жатқанда кетеді, түнде тағы бұлар жатып қалғанда
келеді. Тек кейде, әжесі: «Ұйықтамай от жағып оты-
ра тұр, мен кешікпей келемін!» деген сон, от жағып
күтіп отырғанда ғана көріп қалады.

Сақал-мұртына мұз қатып, күпісінің жағасы, ты-
мағы қырауытып, сықырлап келеді. Келгенде үндемей-
ді, кейіп жүрген сияқты. Қайдан келдің, не істеп кел-
дің деп сұрауга да Әсия бата алмайды, корқады.

Әжесі ғой! Ол тіпті босамайды. Құні бойы байдың
үйінде. Балалар үйықтап жатқанда кетеді, байдың
сұын әкеліп, отын жағып, шәйін даярлап беріп, үйге бір
келіп кетеді. Су әкеліп, от жағып балаларға кешеден
түрған байдың үйінен келген аз ғана сарқытты беріп,
болмаса кежесін беріп, Әсияға ол-пұл үйдің шаруасын

тапсырып, бөпендей жылатпа, қарагым, дейді де кетеді..

Сол кеткеннен бесін кезінде бір соқса, болмаса ел орынға отырғанда бір келіп көже-мәжесін істеп беріп, тағы кетеді; сонан байлардың тұнгі тамағын беріп, жатқызып қайтады.

Әсия көбіне әжесіне қарамай Өміртайды да үйықтап қалады. Кейде әжесі ертерек босанып келіп, өздерінің соғымға сойған тайыншасының етінен ет асып, наң істеп салып береді.

Онда Әсия Өміртайды да үйықтатпайды. Әкесі де жазылып, балалары еркелетіп, ойнағанына қарап әжесімен сейлесіп отырады.

Онда көбіне сейлесетіні Әсияның Өміржан деген ағасының жайы.

Өміржан он үш жаста. Екі жұз шақырым жерде қалада оқып жатыр. Екі жыл болды — Өміржан күздігүні елден баратын екі-үш баламен қосылып кетеді, сонан жазғытыры майдың ішінде келеді.

Әуелі қалашылармен қашып кетіп еді. Енді әкесі тсқтатпайды, басқа балалардан қалдырмай жібереді.

Оқыса оқысын, ен болмағанда тамағы тоқ болар, бірдеме біліп шықса оқыған балалардың кебі-ақ адам болып кетіп жатыр гой дейді. Өміржаннан қыстың базында бір хат келді. Өзі жазыпты.

«Әкемізге сәлем, әжемізге сәлем, Әсия қарындастырызға сәлем, Өміртай інімізге сәлем» деп жазыпты.

Байдың молдасы оқып берді. «Окуымыз жақсы, тамағымыз жақсы, ақ наң жейміз, қантпен шай ішеміз, күнде ет жейміз» депті.

Әсияның әкесі — әжесі мен екеуі, әлгіндей көңілденіп отырғанда соны сөз қылады.

— Тағы хат жазамын,— деген екен. Ол хаты қашан келер екен, тек тірі болсын, адам болар қарагым, өзі үттылып еді гой!..— дейді әкесі.

«Әсия қарындастырызға сәлем» деген сөзі Әсияның ойынан кетпейді. Қатарға кіріп қалғандай болып, ішінен мақтанады, көңілінде Өміржан да бір үлкен дәрежелі кісі болып көрінеді.

Бірак мұндай ет асып, үй іші болып мәжіліс құратын күндер Майлыбайдың үйінде тым сирек болады.

Бір тайыншаның еті қаншага жетсін?

Және Әсияның әжесі пәлең қайнага, түген қайнага сыбага сақтағысы келеді, сонсоң ет асқан күндер

санаулы болып, көпке дейін Әсияның көңілінен кетией жүреді.

Әсияның осы күні ойлайтыны Әміржан ағасының хаты қашан келер екен, өзі қашан келер екен деген сол оймен Әсия үйқыға кетеді.

2

Қыс өтіп, жылы, жайлі жаз келді. Күн күлімдеп, дүние жасарып, жан-жануар, қызгалдақ шөптөр ұйықтап оянғандай, жазылып, керіліп, ың-жың болып, жаратылыстың кең шатыры тігілді, кедей де, бай да жаратылыстың құщағына кірді.

Бірақ тоғыз жасар Әсияның қызметі қысты күнгіден артпаса, кеміген жоқ.

Әжесінің жұмысы көбейген сайын Әсияның да міндетті арта бермек. Мал балалап, қыстаудан шыққан соң-ақ әйелдің жұмысы басынан асады. Әсияның әжесі де үзақ күнге байдың үйінен босамайтын болды.

Әсия таңтертең үлкен қыздармен суға барады. Иін ағашқа ілген екі шелек судың ауырлығынан имиіл, үйіне жеткенше неше рет дем алып, бәрінің соңында қалып, жете алмай келе жатқаны...

Жамырап бара жатқан бұзауды енесінен айырамын деп, өлі жетпей, шашы жалбырап, қып-қызыл болып, жыламсырап барынша шірекіп жатқаны...

От жағып, сүтін пісіре алмай, күйе-күйе болып, кездерін түтін шалып, әбігер шегіп жүргені.

Қыстығунгідей емес, ауыл болып аралас-қоралас отырған соң, Әсиялар күні бойы бәйбішениң көз алдында. Бәйбіше титтей бос жүргізгісі келмейді.

— Әсия, баланы тербете тұрши! Әсия, құманга су құйып әкелші! — Әсия қозы устасшы!

— Әсия, ананы істеші, Әсия, мынаны істеші,— деген бәйбішениң бүйрықтары жаздың үзақ күнінде құлақтан кетпейді...

Әсияның үйі өздеріне қосы қонып, қызметіне кірісken соң, бәйбіше Майлышбайдың үй ішін бірін қалдырмай пайдасына жаратқысы келеді.

Кішкене Өміртай көбіне жалғыз, күн жылы болған соң, онша күтуді керек қылмайды, анда-санда бір, Әсия айран құйып беріп кетеді, усті-басы қақ-қақ болып, күлге былғанып, өзімен өзі болып жүре береді.

Бір күні қаладан Әміржан келді. Әміржан былтырыдан да бір тұрлі болып, әдеміленіп, кісі болып кетіп-ті, өзі өсіпті.

Үстінде қара шолақ, кейлек, қара шалбар, бетінде жылтырағы бар қайыс белбеу, әдемі етігі бар, басына солдаттың қалпағын киген.... Қара кейлектің ішінен ақ кейлектің жеңі қорінеді, ішінде тағы бір кейлегі болса керек.

Озі ауылдың, үйдің жайын сұрап, әкесімен үлкен кісіше сөйлеседі.

Әуелі Әсия Әміржанның қасына баруга ұялып, сөз сұраса үндемей тәмен қарап, жүгіріп кетіп қалып жүрді.

Бірақ ішінен қуанып, мақтанып жүрді. Үйінің ішінде ең болмаса бір адам жақсы киініп, түрі байдың балаларынан артық болмаса, кем болмай жүргеніне мақтанады.

Әсия біраздан соң Әміржанға үйреніп бұрынғыдай ойнап, сөйлесетін болды.

Әміржан Әсияға мектептегі балалардың жайын айтады. Оқудың жайын айтады, бір кітаптан неше тұрлі хайуандардың сүгретін көрсетіп, олардың қайда журіп, қайда тұратынын, қалай өсіп, өнетінін, адамға қандай пайда, қандай зияны бар екенін оқып отырып түсіндерді. Қай жерде қандай халықтар бар екенін сүгреттеп көрсетіп айттып берді, қазанның тубіндей қап-қара адам болады екен, оның да сүгретін көрсетті.

Озі қап-қара, ерні қалың, тісі аппақ болып ақсиып тұр.

— Осындаид да адам болады екен,— деп Әсия көргенде құліп жіберді.

Әміржан сүгрет көрсеткенде Өміртай да қарап бір нәрсені түсінген кейіпті болып отырады. Әміржан мектептегі қыздардың жайын да айтады.

Көп қыздар бәрі бір бөлмеде жатады, қастарында үйретіп жүретін бір апасы болады, сабактан бос кездे кесте тігіп үйретеді, үлкендері өз киімдерін өздері тігеді.

— Неше тұрлі ойындар ойнатады, өлең үйретеді,— деп Әміржан өзі ән салып, өлең айтады. Әсия қосылып жүріп «Гүлнарай» мен «Оян қарғысты» үйреніп алды.

Әжесі қолы бір босап кеткен кезде, балалардың сон-

дай тамаша сөздер айтып отырған үстіне келіп, Әмір жанға қарап отырып, «тоба құдай!» — дейді күбірлеп.

Әміржанның бойындағы мектептің салған аз ғана сәулесі Майлышайдың қара үйінің ішінде де бір жарық сәуле түсірген сияқты. Әкесі Майлышайдан бастап адамдарның, бәрінің де бет ажарында разылықтың белгісі бар...

Бірақ Әміржан өз үй-ішінің тұрмысына разы емес. Қалада мұғалімдер, басқа қызметтегі азаматтар кейде мектепке келіп сөз сейлекендеге Ленин атамыздың есие-тінше, еңбекші кедей байға құл болмай, еңбегінің игілігін өзі көруі керек. Жасы жетіге толған балаларды ұл, қызы демей, тегіс оқыту керек; еркек, әйел, үлкендерді оқыту керек деуші еді.

Елдің әлі өзгерген ештеңесі көрінбейді: әке-шешесінің күнбек-күнгі көріп жүрген бейнеті Әміржан ес біл-геннен бері келе жатқан бейнет. Онымен тұрмай кішкене Әсияның қолы босап, бала болып ойнауға шамасы келмейді.

Әміржан мектептегі қыздар мен Әсияның тұрмысын салыстырады.

Әміржан Әсияның осы жап-жас басынан бір үйдің бар бейнеті басында болып, күйе-күйе түрімен ойы да, бойы да өспей әжесі сияқты көзі ашылмайтын күндікке бейімделіп, күн ілгері мойын сұнып келе жатқанын сезді.

— Әсияны мектепке алып кетпей болмайды екен, — деді өзінен өзі Әміржан.

Әсияны қөндіру Әміржанға қызын болған жоқ. Ол өзі де Әміржан айтқан соң қызығып жүретін. Әміржан бір күні:

— Әсия, менің қалаға оқуға баратын күнім таянып қалды... Сен менімен бірге барасың ба? — дегенде көздері жарқ ете түсті...

— Рас апарасың ба? — деді.

— Рас, қалқам! Өзіммен бірге жүресің. Өзіңдей кішкене қыздармен бірге жатасың, бірге оқисың. Бірге ойнайсың... Барам десең өзім осы жолы алып кетем.

«Әжем мен Әміртай қайтіп қалады?» деген ой зымырап ете шықты... Лұпілдеген кішкене жүрегінің соғысы баяулағандай болып, жүрегі бұрып, кимай кішкене тұрады да — барам! — дейді.

Әкесіне Әміржан Әсияның, аш, жалаңаш, өне бойы

бейнетте жүріл бекер кор болатынын айтып, мектеп тәрбиесінің жаксылығына өзін мысал қылыш көрсетіп, және өздеріне тамақ асыраудың киындығын айтып: «Эсияны мен алыш кетейін, сіз әжемді ренжітпей көндірінің», — деді.

Майлыбай қатынына айтқанда:

— Қолғанатым еді, серігім еді, екеуі бірдей кеткен соң қайтіп жүреміз, — деп жыласа да, оның айтқанын шыға алмады.

Және Әміржанның сөздеріне сенбесіне ылажы болмады.

— «Барса барсынышы, бағы ашылар ма екен?» деді ойында.

Сүйтіп Эсия Әміржан ағасымен бірге, және сол болыстағы оқып жүрген балалармен бәрі оқуға жүрді де кетті.

Осы күні Эсия мектепте. Бес ай болыш қалды келгеніне. Араның ұясында шуылдаған еңбекші қауымның бір мүшесі. Бір қарағанда Эсияны танымай қаласың. Устінде қоңыр жаңа кейлек, белін қынай буган, аяғында әдемі етік, шашын шолақ қылыш қырқып, бір қырын жығып тараған... Екі беті алмадай қып-қызыл деп-дәңгелек қарақаттай көзі жарқырап, тәңірегінде-гінің бәрі титтей жәбірлемейтін дос екеніне еш күмәні жок, өзіндей балалар «хор» болыш қосылып өлең айтқанда «біз еңбекшілер таптары...» деп мойнын созып, дауысы күміс қоңыраудай сыйлдырап о да қосылып тұрады. Дауысы тым таза, әдемі, өзі батыл болған соң, өлең үйрететін мұғалім Әсияны Ақтолқын деген бір кішкене қызбен бірге әнді бәлек салғызып үйретіп жүр. Эсия Әміржанның ауылда айтқан қызықтарының бәрін көріп келеді.

Жаңада бір үлкен қыз пионер болдың деп, Эсияның мойнына қызыл шүберек байладап берген. Сонан бері Эсия пионердің тобынан қалмайды, неше түрлі ойындар үйреніп, «Будь готов!» деген басшыларының сөзіне басқа балалардың арасында о да «Всегда готов!» деп, қолын көтеріп, қарақат көзі жайнап, коммунизм бақытын орнатысуға даярлығын білдіріп уәде беріп тұрғанын көреміз.

Тірі болса Эсия Майлыбай қызы кедей бейнетқорлар ортасында коммунизм бақытын орнатуға агаларына кемекші боларына көnlіміз толық сенеді.

Декабрь, 1924 ж.

ӨМЕНГЕРЛІК АЗАБЫ

(Болған бір оқиғадан)

1

Жер үй тerezесінің қарын жамаған сыйнық төрт көзінен белгі берген таң, ала-сәулеленіп, қап-қара тұнжылған тұнді жамылған дала бозамықтау, қаракөленкө түрге айнала бастады. Соқпа пештің түбінде жамаулы жабагы бестекті жамылып бырылдаپ үйқтап жатқан Тілеген сол кезде оянды да:

— Қатын тұр! — деді әйелі Сақыпты оятып. — Қашықтарыңды даярлап па едің? Азынаулақ бидайды қалға апартып үктіріп әкелейін. Атты суарып жегейін. Оған шейін керек-жарапты даярлап қой!

Сақып дударланған шашын жиып, көнетоз кимешегін басына ілді де, аяғына мәсісін киді. Ол тұра беріп еді, неге екенін білмеді, басы айналып, көзі қарауытып кетті. Орнынан шынтақтап тұра берген Сақып буындары дірлдеп құлап қала жаздады.

— Ой, мұның не?! — деді Сақыптың бұл халін сезген Тілеген.

— Басым айналып, жүрегім өрекпіп барады, — деді Сақып маңдайын сипап, — тер де шығып кетуін қарашы!..

— Неге?! — деп Тілеген Сақыптың маңдайын ұстап еді, сүйк тер шыпши қалған екен.

— Жарықтығым, мұның қалай?! — деді Тілеген. — Сап-сая сияқты едің гой, не пәле кеп қалды өп-сэтте?!

— Сураганиң ағасы-ай, білмеймін не болғаным-дыш! Жана оянғанда да сап-сая сияқты едім. Жүрегім әкетіп барады.

Тілеген сасайын деді. Неге екенін өзі де білмей, есік жаққа жүгіре басып барды да, қайта келіп Сақыптың басын ұстады.

— Қалайсың? — деді ол.

— Бойым кішкене жадырайын деді. Құсқым келіп еді, басылыңқырады. Жұмысыңдан қалма, атыңды суарып кел. Мен көжеңді ысытып қояйын.

Тілегениң сасқан жүрегі орнына түсейін деді. Ол жылы қой жүн күпісін киді де, белін буып, басына тымағын киіп тысқа шықты. Атын суарды, өткен күнгі жүрістен денесіне қатқан терін, қырауын қырғышпен қырды. Кішкене сүйн бассын деп аттың басына жарты

дорба сұлы ілді де, шана сайманың жегерлік қып даир лап, қайтадан үйге кірді.

— Қатын, тәуірмісін? — деді ол.

— Тәуірлекпін. Көже ысыды, қазір ішесің бе, атыңды жегіп алып ішесің бе?

— Әкел, қазір ішейін.

Шеті кетілген сары аяққа буы бұрқыраған табан аяқ ұн көжені Сақып құйды да, Тілегенге ұстартты. Алдана майлық орамал жайып, отқа көмгендің нанды әкеліп турады. Тілеген көже мен наңға тыңқия тойып алды.

— Қашан қайтасын? — деді Сақып.

Әйелдің «қанша жүресің?» деп жол жайын сұрауды әдеттінше «ерсі» жұмыс, сол әдеттеп Тілеген Сақыптың сөзін ұнатынқырамады. Дегенмен тату өскен әйелінің көңілін жықпайды:

— Жел болса күндіз үктірермін де, түнде қайтып, ертең ерте келермін, — деді.

— Сен түнде журуді қойсан қайтеді? — деді Сақып.

— Е, маған кім тиеді? — деді Тілеген.

— Кім біледі, «бәрі жок деме, бәрік астында», — деген қайда?

— Тәйірі-ай, жоқты айтады екенсің! — деді Тілеген кейіп, — кім бар дейсін, жол тосып жүрген?..

— Сенің түбіне Салиқа жетеді! — деп, Сақып теріс айналып жылап жіберді.

— Сақып, сен ол сөзді енді қой! — деді Тілеген екіленіп, — бар мал дегенің тыртиған көк ат пен екі бұзаулы сиыр. Жазғы үйінін түрі анау, тоқым қыларлық киізі жоқ!.. Қысқы үйің мынау! Көр!.. Үйінде бүтін бір төсөніш те жоқ. Ақ үйімен, қора-қопсысымен, мал-мұлжімен жалғыз және жесір отырған Салиқаны алсам, қолың жылды суға малынбай ма? Сол мал сенікі болмай ма? Әменгерім деп таласып жүрген Сәденнің жарасы женіл. Аз малммен аузын жабам. Көпті алам десе заңға барап. Онда үтылады, — мал иесі Салиқа.

— Байғұс-ау, мен сені қызғанбаймын. Ретін тап та ал. Бірақ, алды-артынды шамала деймін. Кеше Үркія айтып келді, Сәден: «Салиқаны Тілеген аламын деуін қояр, оңайлықпен жесірімді бермеспін. Егер, қоймаса, ол келімсекті үйретермін!» — депті. Олар жауыз адамдар. Ана жылды жолаушы алты орысты өлтіріп, олжа қылғанын естіп жүрсің. Өзің сойдауыттай бес ағайынды жігіт. Сен жалғызсың. Өзің бұл ауылға кірмесің. Малы құрсын! Баяғыдан бері жалғыз ат, жалғыз сиырдан

басқа мал бітіп көрген жоқ қой. Сонда да аштан өлмей, көштен қалмай келеміз. Тілімді алсаң қой осыны.

Тілеген бірбет, өз дегенінен қайтпайтын жігіт еді, сондықтан Сақыптың сөзін құлаққа аспай, көжесін ішіп, мұртын сүртті де, киініп шығып атын жегіп, уйіне келді. «Ал, мен жүрдім» деп ол есік жаққа бара берді де, бесікте ұйықтап жатқан Сұрағанын сүйгісі келіп кетті. Бесіктің үстінде жабулы тұрган шапаның өңірін көтеріп, бырылдаپ ұйқтап жатқан Сұрағанды оятып алармын деді де, сүймей, мұрнының ұшын гана тақап, женіл иіскеді. Жыбырылатқан мұрттан Сұрағаны оянып кетті. Тілеген бойын енді тежей алмай, Сұрағанды шопылдата сүйіп-сүйіп алды. Сол кезде неге екенін кім білсін, көnlі қимагандай болып, жайдан жай жылагысы келді. Екі шекесі торсықтай, аппақ сазандай Сұраған үйқысын ашып, таңғыштан шығып жатқан кішкене саусақтарымен Тілегеннің мұртын ұстап, жымып күлді де, көзін уқалады. Тілеген тағы да сүйіп, алақанынан иіскең, маңдайынан бір сипады да, далага шықты.

Күн шықпаған мезгіл, үскірік сұық. Ағаштың бұтактарын женді білектей жуандатып ііп тұрган ақ қырау. Ауылдың алды оянып, пешке от жаға бастаған. Сұыққа тонған сияқтанып, қара бұйра тұтіндер бұйыға ұшып жатыр...

Көк ат шириғып тұр екен. Шанаға Тілегеннің аяғы тигенде желе жөнелді, Тілеген аппақ кебіндей далада жыландаі ііріліп, сарғайып жатқан қысқы жіңішке жолға түсіп, ауылдан шыға берді де, арт жағына бір қарап: «осы Сақып неге сонша ренжіді?!» деп ойын оның сөздеріне аударды. Құлген Сұраған елестеп кетті оның көзіне. «Алым-ай өз жүрегім де өрекпіді. Тек қайырлы сапар болғай-ак та!» деп, атты құнтпен бір шықпыштып, мойнындағы бөкебайына тұмсығын тығып қалың ойға шомды...

Мақарілкенің Құшікпай аулына қарай созылған са-рытап қысқы жолының үстінде тұн жамылдып біреу келе жатыр. Тұн аяз. Қалың қырау. Ай жарық. Шанаңың даусы сырылдайды... Қар сықырлайды. Анда-санда «ішіт-ай, но» деген дауыс, ара-тұра:

— «Базардан алып келген темір астай,
Сұрасаң біздің қалқа қигаш қастау.
Алғыстан ат терлетіп келгендімде,
Әзілге жарамайды қалқам жастау».—

деп аяғын баяулатып қайырган ән естіледі.

Бұл ұнын үктіріп алып, түнделетіп қайтып келе жатқан Тілеген еді. Қыраудан тон жамылған ағаштың бұтақтарын желпігөн әлсіздеу азырақ жел бар. Жолдастырып түнгі жүріс адамды жалықтырады гой. Шанада отыра беруге жалықкан Тілеген, біраздан кейін тоңзынын деді. Ол шанадан түсіп, аттың божысын қанатқа ілді де, соңында жаяу аяндады. Орта жолда шырпылау қалың ағаш бар еді. Жол кесіп өтетін, сонда ит-құс кез келер деп, Тілегеннің сақтыққа алған жолдағашы бар.

Жол қызылдың ішіне кіре бергенде, Тілеген секіріп шанаға мінді де, қолына жолдағашын алды. Жайдан жай үрейленген ол жан-жағына алақтап қарай бастады. Салбыры түқыра аяндад келе жатқан аты бір заманда құлағын қайшыландырып, ағаштың алдыңғы жақтағы қойнауына қарады да, кісінеп қоя берді.

Тілеген селк ете түсті. Жүргегі дүрсілдей бастады. Алдында бір көтер күтіп тұрган адамдай, жолдағашын онтайланып, аттың божысын жинап қолына алды. Сейткенше болған жоқ, ағаштың бір қалтарысынан әлденелер қараң ете түсті. Тілеген әуелі ағаш шығар десе де, артынан көзін тоқыратып салттың кіслер екенін керді. Ә, дегенше болған жоқ, төрт салт атты Тілегенге лап койды. Тілеген атты айдай жәнелді...

Бірак, салттылар шаналыны жібере ме? Құып жетті. Біреуі қабыргаласа келіп, Тілегенді сойылмен қарастын салып кеп өтті. Тілегеннің көзі жарқ ете түсті. Сойылын сермеп, кайрат қылышп еді, салт атты ағып өтіп, тигізбеді. Екінші рет бір сойыл емес, төрт сойыл ұдайымен келіп тиді.

— Өлтір, онбаган құлды! — деген дауыс құлағына сап ете түсті. Сәденнің белгілі барылдақ даусы!..

Төрт салттыға шамасы келмеуін көрген Тілеген, жалынсам жаным калар ма екен деген кісішіе «Агатайларай, киындар, қасыктай қанымды! Не айтқандарыңды істейін», — деп жылап қоя берді. Талай қанды үрттап, талай кісіні қолынан бауыздаган Сәденнің рақымсыз жүргегі бұл сөздерге босаған жоқ. Төрт сойыл тағы да тұс-тұстан ұдайымен келіп, Тілегеннің басына шақ ете түсті. Тілсген шанадан ұшып кетіп жолдың жиегіндегі

қарға етбетінен жүгілды. Жаудың көнілі өсті. Сәден мен інісі Бәден аттан тусе қалып, Тілегеннің тымағын жұлып алды да, қыл шылбырды мойнына салып қылқындыра бастады. Тілеген жанталасып алысты. Бірак, көп қол шыдата ма,— шиыршиқтанған қыл шылбырдың тұзагы мойнынан қайта шықпады: сегіз қолға екі қол бөгет бола алмады, Тілеген секіртпе болған қойдай ышқынып бір секірді де, дірілден барып сылқ ете түсті.

Өлімге үйренген Сәдениң бұған бүйрекі бұлк еткен жоқ: «атты алып жөнел!— деді ол серіктериңін біреуіне,— өзгеміз мынаны ағаштың ішіне апарып, қарға көмейік!».

Сәдендер Тілегенді ақ кебінді, қалың орманның ортасына алып барды да, белдеріндегі қалақтарымен күртікті ойып, Тілегенді тыға сап, бетін жауып журе берді.

Ұзақ уақыт қар астында жатқаннан кейін Тілегеннің тоңазыған денесіне жан кіре бастады, аздан кейін ыңырысып қимыллады. Үстін жапқан алbastы күртік тырп етуге шамасын келтірмей, өзі тұншығып жатқан сорлыны, біразға дейін басып жатты. Сол кезде оның көзіне Сақып елестеді... Оны да әлдекім өлтіріп жатқан, ол шыңғырып жатқан сияқтанды...

Жан ұшырған Тілеген қарды қопарып түргелді. Бірак, мас болған адамдай тұрып-жығылып, аяқтарын баса алмай-ақ қойды. Әлсіздігіне көзі жеткен ол, «уа», кім бар, жанымды сақтайтын?» деп даусы жеткенше айтай салды...

Сәден сүм «тіріліп кетер» деген қауіппен маңайда андып жүр еді. Дауысты естігеннен кейін жүгіріп келсе, Тілеген тыпырлап жатыр екен. Сәден қонышындағы сары кездікті алды да, Тілегеннің жана шыққан шокша қара сақалынан ұстап, иегін кетеріңкіреп, кеңірдектен орып кеп жіберді...

3

Інір болғаннан-ақ Сақыптың таңертең қобалжыған жүрегі тағы да өрекпіп, құсқысы келген адамдай бір жерде отыра алмады. Басы айналып, көзі қарайды. Домалақтау шойын құманға шай кайнатып, алдына орамал төсеп, наинан бір сындырып алып, шайын ішешін деп еді, аржағынан бірдеме итеріп тұргандай ас батпады.

Сұраған Сақыптың алдында отыр еді. Аналық мейірімі ұстап кетіп, Сұрағанды ол біресе құшырлана сүй-

ді, бірсек бауырына бағты. Сұрағанды ол күнде бесігіне бөлеп үйқтататын еді. Үрейленіп отырған Сақып, сегіз айлық құлнының ес көріп, қойнына салды да, қасына қисайды. Жатар алдында есіктен өткізген ызба жілкес арқан жалғап, ортадағы ашаға сірестіре байлаш қойды.

Сұраған тез үйқтатағаймен, Сақып, көпке дейін үйқтай алмады. Қозған жұмайын десе алдына сөмпейіп, шашын жайған қара «албасты» келіп тұрған сықылданды. Жүргегінің дүрслі ме, немене, үйдің айналасы дүбірлекен сықылды болып кетті.

Аз уақытта есік алдына бірдеме тықырлап келген сияқтанды. Сиырларын қорага қамаған. Шығып кетеңін емес те.

«Тілеген келді ме екен, есік ашсам қайтеді» деп орнынан тұра берді де, «ол болса дыбыс берер еді ғой» деп ашпады. Есікті біреу бірер рет жұлқыды да кетіп қалғандай болды. Аулында Сейтақ дейтін қылжақбас жігіт болатын еді, оңаша қалған жас әйелді әурелей беретін. Тықырлағанды Сақып сол Сейтақ шығар деп орнына отыра бергенде терезе салдыр ете түсті, әлдекім басын сұғып кіре бастады. Сақыптың жан даусы шықты. Ұшып есіктің алдына барды; сол кезде сіреңке жарқ еткенде артына жалт караса Таңқы дейтін өзіне таныс жігіт. Оның артында Жанабыл! Екеуінің қолында да балта. Бұлар Сәденнің жан аяспас достары және жесір дауында соның сойылын соғып жүргендер... Халының неге айналғанын Сақып сезе бастады... Таңқы Тілегенде құрдасым деп, Сақыппен ойнай беретін.

— «Құрдас-ай, мұның не!» деп Сақып жылап қоя бергенде, «мә, саған құрдас!» деп, Таңқы Сақыпты балтамен шауып кеп қалды.

Үйқтап жатқан Сұраған у-шу дауыстан шошып бақырып түрегелді. Ауыр жааралы Сақып шырылдаған құлнының бассалып, «осыны паналасам жаным қалар ма екен?» деген кісішіе оң қолымен көтеріп ала бергенде, Жанабыл келіп тағы шапты. Көтере берген Сұраған Сақыптың қолынан ұшып кетті. Сақып та құлады...

Одан кейін халының не болғанын Сақып білмеді. Тек қана білгені,— есі шала-шарпы ене қалған бір шақта төсінде бір нәрсе жыбырлағандай болғанға караса, Сұраған мамасын сорып жатыр екен... Үй іші ала-көлеңке — тегі таң біліссе керек...

Сақыптың көз жасы іркілдеп, Сұрағаның құшақтағын деп еді, шамасы келмеді. Мейірімді ананың қанды

сүтіне қоса, балапаны оның жанын да сорып алғандай болды,— Сақып тез жан тәслім қылды.

Таңертең көршілері қызыл жоса қан болып жаткан Сақыпты, төсіне жабысын қан аралас сүт аққан мәмәсін еміп отырган Сұрағанды көрді. Ауыл састы. Кімнен болғанын ешкім біле алмады. Қастаскан адамын үрпағымен құртпай тынбайтын бай Сәденнің, мықты Сәденнің, батыл Сәденнің, қанішер Сәденнің сол түні екі ұрысын жұмсап Сақыпты жайратқанын, өздері дала да Тілегенді жайратқанын ешкім білген жоқ.

Бір үйлі жанинан бір түннің ішінде, өмірлік бақытсыздыққа ұшырап, қанды сүт аққан мәмәсін еміп Сұраған-ақ қалды.

Апрель, 1928 ж.

БАТЫР ҚЫЗ

Бұл әңгіме — әңгіменің кейін-көрі Совет Одағының батыры Мәншүк Мәметованаң өзіне арналады.

Жазушы

Қалың қарағайлы орманның арасында шытырлап жанған бұтақтарды айнала отырган жауынгерлер, айсыз түнде Мәншүктің бетінде ойнаған жалынның сәулесіне қарағаны болмаса, оның кішкене денесін айнала бұрып, жіңішке, жұмсақ даусымен айқын айтқан сөзін тыңдаған жоқ. Несін тыңдасын, дағдылы үгіт; «өзің өлме, жауды өлтір! Егер қапыда өлсөн, сенің атыңды халқың өз тарихына алтынмен жазады!..»

— Айтайын дегенім осы, жолдастар,— деді Мәншүк сөзін аяқтап.

— Кімде сұрау бар?

Ешкім үндемеді.

— Міндетті түсінікті деп санаймызда онда?

— Түсінікті!— десті жауынгерлер бір ауыздан.

Расында түсінікті еді: бұдан он бір күн бұрын, 1943 жылдың 6 октобрінде генерал-лейтенант Галицкий басқаратын үшінші ұрғыш армия шабуылымен немістердің қорғанын қиаратып, 30 шақырымдағы Невель қаласын алып тоқтаған. Қапыда қырылған немістер есін тез жинап, ұрғыш армияны қоршау қамына кіріскең. Кезеңін тапса, немістің қоршауына мүмкіншілік жоқ

еместе: ұрғыш армияның алды ілгері кеткенмен, көршілес армиялар кезінде жәрдем бере алмағандықтан, екі бүйірі қысыңқы қап, немістер сыртын ораңқырап кеткен.

Ұрғыш армияны қоршау үшін неміске кеңдігі 5—6 километрдей жерді ғана қасыру керек, ол үшін ең қолайлы орын Қаратай және Үлкен-Иванова дейтін екі шалқар көлдің әрасындағы — қылды. Отан соғысының алғашкы кезінде шегінген біздің армия жауды бөгөу үшін, Заиванье дейтін поселкенің тұсында қылныны жырып, екі көлді каналмен қосып жіберген, сол канал әлі сақтаулы. Еніңің ең кең тұсы жүз метр, ұзын түркү шақырымдай, түйенің мойнындай ирендереген бұл сопақ қылның теріскей жақ бүйраратты белесінде бекінген немістер, құнгей жақ бетіндегі орманда біздің армияның қазакстандық, жүзінші бригадасы жатыр. Қылның өзі немістердің колында. Жері қайқан, жазық келген мойнақтың өн бойында төсөлген минадан ат тұяғы сияр жер жоқ. Миналардың әрасында аралары алшақ құрылған үш кабат сым тор.

Ажалдың осы араны жол бермейтінін көргең біздің тәрт разведчик: Раисов, Мырзабаев, Нұрлыбаев — Қаратай көлінен салымен жүзіп өтіп, октябрьдің он екісі күні немістің Битке дейтін обер-лейтенантын ұрлап әкелді. Биткенің баяндауынша немістер октябрьдің он бесі күні каналдан жиналмалы көпір арқылы өтіп, шабуылға кіріспек те, біздің армияның қысыңқы бүйірін сыртынан құшқастай қасырып, қамауда қалған үш дивизия мен екі бригаданы қырмак.

Разведка тағы да алып келген «тілдердің» сезінен және қолға түсken неміс документтерінің ыңғайына қарағанда, Биткенің мәліметі дұрыс.

15 октябрь күні немістердің осылай шабуыл жасауды анықталғаннан кейін, үшінші ұрғыш армияның соғыс советі кеңесті де, кимылға немістерден бұрын кіруді үйгарды, бұл үйгару бойынша шабуылды қылның аузында түрган жүзінші бригада, онын ең алдындағы 2-батальон бастамақ. Мәншүк осы батальонда. Бұл мақсатты орындау үшін Исин Мәуленнің құрылышы батальоны 15 октябрьге қараған түні, түн бойы жолдағы миналарды тазалап, сым торларды қияды. Ажал араны тазаланып біткенін Мәулен қызыл ракета атып білдіреді, сол кездे артиллерия «ойнап» жағау ескерге

жол ашады. Шабуылдың мақсаты: немістерді Изочка станциясына шейін сырып тастау.

Командованияның осы планын октябрьдің он үшінен бастап жұзінші бригаданың әрбір белімшесіндегі үгітшілер жауынгерлерге ұғындыруға кірісті, солардың бірі — бірінші ротаның партия үйімдастырушысы — Мәншүк Мәметова.

«Осылай да, осылай» деп бұл мәселені Мәншүктің ез ротасындағы жауынгерлерге айтуы бір емес, бірнеше рет. Әр айтқан кеңестің сөзі басқа болғанмен, мағынасы бір. Сондықтан, бастап бейілдеңе тындаған оның сезін, кейінгі кеңестерінде жауынгерлер соғыс тәртібі қатандықтанғана отырды, егер босаң тәртіпті жиналыс болса, олар алдақашан «несін қайталай бересің соның» — деп тарқасып кетер еді: «Кеңесін аяқтаған Мәншүктің «түсінікті ме?» деген сұрауына, жауынгерлердің бір ауыздан «түсінікті» деп шу ете түскен себебі де осы.

Соғысты басынан кешкен кісі, — шабуыл болардың алдында сол шабуылға қатынасатындардың жан-жүйесін жақсы біледі. Бұл кезеңде, бұрын соғысқа қатынасқан адамға да, қатынаспаған адамға да өмірден керегі бір ғана зат, ол — қай ретпен болса да езу тарту, құлу, реті келсе қатты құлу, шегі қатқанша құлу. Адамның өмірінде шабуыл алдындағы құлқіден тәтті, рахат құлқі жоқ. Шабуыл алдында осы тәтті құлқімен рахаттанғысы келмейтін не жауынгер, не командир болмайды.

Бірақ, құлдіретін кім? Ертеңгі шабуылда өлем бе, жарапанам ба, әлде тірі қалам ба деген сезімнің толқынына бір батып, бір қалқып жүрген адамды құлдіру оңай ма? Егер, осы отырған топта шабуылға қатынаспайтын адам жоқ болса, қайсысы ерігіп, қайсысының құлқісі кеп отыр дейсін?

«Көре-көре көсем болады» деген қазақ мақалы соғыс майданында да шындықтың айнасы. Оnda да соғысты басынан көп кешкендер өлім хаупінің түйігіна кеп иірілген көвшіліктің құлқі толқынына жол ашып жібереді. Жұзінші бригада мұндағы «көпті көріп көсем болғанның» бірі Сүлейменов Ыбырайым, 43 жылдың 14 октябрі күні оның есебінде өзі дәлдеп атып жыққан 370 неміс бар.

Мәншүк сөзін аяқтағаннан кейін жауынгерлер «түсінікті» деген жалғыз ауыз сөзден басқа ешиэрсе айт-

пағанын бақылап отырған Ыбырайым, көпті көңілдендіру, күлдіру ниетімен әзіл бастады.

— Сізге бір сұрау беруге бола ма, жолдас үгітші қызы,— деді Мәншүкке.

— Айтыңыз!

— Міндет түсінікті және оны орындаймыз да. Сізден сұрайын дегенім: үгіттеуге жақсысыз, сонда сіз, осы майданға келгелі неше неміс өлтірдіңіз?

Мәншүк үндемей қалды, несіне үндесін, дауласар дәлелі аз, армияға өзі тіленіп кірген Мәншүктің көп уақыт қызмет атқарған орны — штаб. Сол штаб қызметінде жүріп ол пулеметті меңгеру кружогіне катынасты да «озат атқыш» деген баға алды. Бірақ, еткініш сияқты женіл-желпі бірдемелерге қатынасқаны болмаса, атқыштық өнерін сұрапыл қырғында қолдану сәті әлі түскен жоқ. Сондықтан, онымен әзілдескісі келген жігіттер «біздің Мәншүктің атқыштығы сондай: «хануаның қай жерін көздесе де оғы мұлт кетпейді» десе-тін, Мәншүкпен осылай қалжындарасатын бір жауынгер, Ыбырайымның сөзін қостай кетті:

— Бәсе, десейші,— деді ол — осы әйелдер сөзді ерлермен бірдей сөйлегенде, жауды неге бірдей өлтірмейді екен?

— Әйелден ерлік шыққанын қашан көріп ең? — деп даурықты біреуі.

— Неге ер жоқ? — деді Мәншүк, — Зоя Космодемьянскаяны қайтесің?

«Әйелден ерлік шықпайды» дегенді андаусыз айтып қалған жауынгер, сөзді бұрмалағысы келіп:

— Ол рас,— деді Мәншүкке,— Зоя батыр қызы. Сен сондай қазақ қызын тауып берші бізге!

Мәншүк тағы да кідіріп қалды. Оның қасында отырған, батальондық партия ұйымдастырушысы Диқамбай Қосанов Мәншүкке қарап ақырын жыниди да:

— Қазақтың бүгінгі қызын сұраймысын, бұрынғы қызын сұраймысын? — деді жауынгерге.

— Қайсысы болса да?

— Бұрын талай ер қыздары болған қазақтың,— деді Диқамбай.

— Мәселең?

— Батырлар туралы айтылатын жырларды естідіңіз бе? — деді Мәншүк дәлел таптым дегендей қосарла на кетіп.

— Естімек түгіл оқыдым да...

— Қобыландының серігі Құртканы, Тарғынның серігі Ақжүністі қайтесің?

— Қайтем оларды? (Жауынгерлер ду құлісті). Біллем, батырдың сенімді жарлары. Еріне жан-тәнмен бे-рілген әйелдер осы күні де аз емес. Менің сұрап отырығаным: найза алып жауға шапқан, ту көтеріп қол бас-таған казак қызы. Сен сондайды тауып берші!

Сөгден тосылғандай болған Мәншүк кідіргенде, бригаданың соғыс қимылын басқарушы полковник Баймұлдин Әбілхайыр мен батальон командири капитан Ушаков келіп қалды.

Баймұлдиннің бұйрығы бойынша басталғалы тұрған шабуылдың тәртібі былай болуға тиісті: қылышың бергі бетіндегі даланы минадан тазалауға капитан Исаан Мәуленнің құрылышы батальоны тұнгі сағат «нуль, нуль» ден кіріседі. Тазаланған даланы Ушаковтың атқыш батальоны жылжи еріп бекітіп отырады. Құрылышы батальонның алды «тәрт, нуль-нуль»-де каналға жетеді де, қызыл ракета атады, сол кезде артиллерия ойнап, жаяу әскерге неміс қамалын басып алуға мүмкіндік береді.

Осы бұйрықпен іске кірісken батальонның Мәншүк оң жақ қанатында еді, қасында автоматчиктер ротасы және станкалық пулеметтің кезегіндегі екі жігіт.

Тұн. Аспанды қоршаған қою бұлттан шырышық қар үшқындарды. Қызыл армияның қимылын жау естіmesін дегендегі немістер жақтан есken ызғырық салқын жел әрбір жауынгердің құлағына «еппен қимылда,— жауың сезімпаз; тез қимылда,— уақыт аз! Сақ бол, айналаң ажалдың араны! Қырағы бол,— қапыда өлмел!» деп сыйырлағандай болады.

Бұл сыйыр желдің ғана бұйрығы емес, жердің де, елдің де бұйрығы екенін үққан әрбір жауынгердің деңесі дағдылы қалпынан жұз есе епті сияқты. Дәл осы минуттерде сақ құлаққа желдің жылжуын естуге боллады, олардың қимылын естуге болмайды. Олардың тәнірекке тоғе қараған көздерінен ұшқан ұшқын бронды бауырдай тілетін термиттік оқтан да өткір: термиттік оқ бір қарыс бронды ғана тіліп өтсе, бұлардың көз ұшығына тұннің қалындығы бір емес, жұз емес, мың да, миллион да емес, нелер миллиард қарыс бронын тіліп өтіл, аспан мен жердің қабысқан жиегіне шейінгі жер бетіндегі барлық затты көріп тұр. Тіпті жер шарының жартысын бүркеген бүтінгі тұннің өзі тұн емес,

тұнді тесе қараган жүзінші бригада жауынгерлерінің қара көзі сияқты.

Құрылышты батальонның жауынгерлері қолдарына ұстал жер бетін сипай жылжытқан мина тапқыш құралдың тұмсығы жаудың жерге жасырган миналарын тінте бастады. Істапқанда жер тырналап қыңылаған тазыдай мина тапқыштар да жерде жасырынған минаның исін сөзсе, жауынгердің құлағына сыңғыр ете қалады. Ажалды құшағын жайған минаның жауынгерлер қол-аяғын қырқады да, дәрменсіз денесін домала-тып тастай береді.

Осы қарқынмен қымылдаған Мәуленнің батальоны сағат «төрт нуль-нуль» де жететін мерзімге сағат «екі, он жеті» де барып қалды. Ушаковтың батальоны да өкшелеп қалмай келеді. Немістер жағынан әзірге сезін-ген белгі жоқ.

Ракетаның қазір айтайын десе, уақыт әлі ерте, артиллерияның даяр болмауы мүмкін; өздері ілтері жылжын десе — жаудың алдыңғы бекініс үялары тым жақын және естілген дыбысқа қараганда ояу сияқты, аспанның батыс жақ жиегіндегі көмескі ақтаңдақтан блиндаж бен блиндаждың арасында ор арқылы еңкеңдеп жүгіргендердің бастары да қараңдалап көрініп қала-ды. Не істеу керек?

Екі батальонның командирлері ақылға отырғанда, тәуекелшіл, ежет Ушаковтың сөзі өзгеден қонымды көрінді.

— Бұл араға біздің жеткенімізді жау сезсе,— деді ол,— шабуылға даяр тұрған қүшін төгіп жібереді де, артымыздан келетін күшті кесіп тастап, бізді жеке мелжемдейді. Мұндай қауіпке көрнеу кезді жұмбай-ақ, басқа айла қолданайық: ең сенімді жігіттерден құрылған екі отряд сал байласп суға түссін де, қылышын орта тұсындағы біккес салынған Заиванье поселкесін алсын. Каналдан жүзіп өтіп бер жағынан біз жетейік. Егер сөті түсіп осы тілекке жете алсақ, екі батальонмен жаудың екі дивизиясын ұзак, уақыт бөгеуге мүмкіншілік бар.

Осы ұсыныс қабылданып, суға жүзетін отряд адамдары іріктеле бастағанда:

— Менің де қосылғым келеді, жолдас капитан! — деп рапорт берdi Мәншүк Ушаковқа.

— Жоқ, сіз мұнда керексіз — деп кесіп айтқан Ушаковтың бүйрығына таласу тәртібінде жоқ Мәншүк,

Мұңайған кескінмен, пысық кимылды денесін баяу ғана қозғап өзінің пулеметі тұрған жерге кеп жамбастай отыра кетті.

Малтуға кеткендерді жөнелтіп сал, кейінге хабаршы жіберіп, құрғақта қалғандардың дайындығын арап жүріп тексерген Ушаков келгенде, Мәншүк жамбастаған қалпында әлі отыр еді. Оның мана жәберленіп кеткенін сезген Ушаков, сол сезімі әлі жадырамаганын абылады да, сөзін жұбатудан бастады:

— Өкпелеп отырың-ау, жолдас Мәметова, маған? — деді ол қасына отыра кетіп, — білем. Бұл жорықта аттанарда жігіттермен қалжындағаның да есімде. Осы арпалыста ең батыр деген жігітпен жігеркайратынды таластыруға іштей берген сертінді кескіннен үқкам. Сен жауға бұрын жеткенді ғана деп ойлама, екіталай күн туғанда бекінісін бермегенді батыр деп ойла. Мениң шамалауымша, қылышың өн бойын біз аламыз. Бірақ соны ұстап тұра аламыз ба, жоқ па — ең зор мәселе осында. Біздің мылтықтың даусынан туршіккен жау барлық қаруынан оқты борандатып жіберіп, артымыздан жететін күшті жылжытпай қойса, осы койнаудағы жаудың шабуылға даяр тұрған екі дивизиясымен біздің бір ғана батальон арпалысуға тұра келеді. Кімнің ерлігі қанша екені сонда көрінеді, қарындастым. Рас па?

— Рас! — деген жауапты ашық, ақжарқын дауыспен қалай айттып жібергенін Мәншүктің өзі де аңғармай қалды.

— Серттесейік, осыған! — деді Ушаков қолын ұсынды.

— Серттесейік! — деп, орнынан атып тұрып, жінішке, нәзіктеу саусақты алақанын Ушаковқа ұсынған Мәншүктің бойында, мына қалындығы қара бұлттай оралған жәберлену сезімінің ізі түгіл, көлеңкесі де қалған жоқ еді.

Осы кезде, Заиванье жақтан атылған қызыл ракета, жұлындаш шашылып аспанға зымырай жөнелді. Мылтықтан атылған оқтардың нысананаға ұзап үшпай-ақтию қып-қысқа, тық-тық еткен даусынан білініп тұрды. Біздің кісілер жау қамалына жеткенін білгендей, кейінгі артиллерия да ойнап коя берді.

— Шабуылға! — деген Ушаковтың өткір үнмен айтқан бір ауыз сөзі, кемеріне толған өзен суын жарып

жіберген болат кетпен сияктаңып, команда күткен көпшілік лық етіп, ілгері ақтарыла жөнелді.

Командага делебесі қозған жауынгерлер жүгіре ба-сып каналға жетті де іркіліп қалды. Канал жап-жалпак, ені елу метрдей бар.

Разведканың хабары бойынша бұл каналдың тереңдігі орта бойлы кісінің кездесуінен қолуге тиісті. Қараңғы түнде қарамайдай құлпыра толқып жатқан кішігірім езенге жақын суға Ушаков «тусе қалындар!» деп бүйыра алмады. Командованиеяның бүйрығы бойынша бұл каналға жауынгерлер артиллерия ойнағаннан кейін жетіп, арттарынан грузовикпен әкелген көпірді салып өтпек те. Оны күтүге уақыт жоқ, не істеу керек?

«Ол біледі деп ойлады Ушаков, судың тереңдігі разведканың айтқанында болса жақсы, егер болмай, терең суға бөлімшемді гарқ қып алсам, мойныма мәңгі түспестік күнә жүктермін».

Осы күдік ойын толқытқан Ушаков:

— Малти білетеңдер тез суға түссін,— деп команда берді бөлімшесіне,— ауыр құралды солар арқаласын. Малти білмейтіндерден суға әуелі ұзын бойлылары ту-сіп көрсін, қалғандары соларға қарап өтсін. Егер, су терең болса, малтынындар малтымайтындарды алыш шықсын.

Команда берілгеннен кейін, малтымпаздар шеті қа-быршақтаңып қатуға айналған мұздай суды шопылда-та күп бергенде, олардың артынан бойы ұзындар түсे қалғанда:

— Тереша!— деді елеңдеген Мәншүк, пулеметтегі кезектесі, ұзын Терентийге,— түс сен де!

Терентий басын шайқады. Оның бұл қылышына ке-йіген Мәншүк каналдың кемерінен жылжып суға қа-рай түсे берді.

— Маша!— деді Терентий,— сен де малтымақпы-сың?

— Эрине!

— Малти білмейсің ғой, сен?

Мәншүк ұнде mesten суға таяна түсті. Несіне ұнде-сін бұрын малтып көрмегені рас та.

«Ат басына күн туса, ауыздықпен су іshedі, ер басы-на күн туса, етігімен су кешеді» дейтін атасы қазақтың мақалын жақсы білетең Мәншүк, мынадай тай-талас кезенде малти білмеймін деп тұрып қалса, өзгелер өте бастаса, —тал бойына мін, таудай талабына төмендік,

шүк, оның бетіне бетін тақап, дірілдеген дауыспен «Те-рр-р-реш-к-кааа-а!» деп еңіреп коя берді.

Осы қалпында ол ұзақ жататын еді, егер сол жақ иығы ара шаққандай ду ете түспесе. «Не болды» деген оймен Мәншүк оң қолын омырауына тығып сурып алса, саусактары қып-қызыл қан. «Бұл не?» деп ойлағанша болмай, арқасынан да, жауырының астынан жып-жылы бірдеме жорғалағанын сезген Мәншүк, омырауын ашып жіберіп караса, оқ бұғана мен топшысының аралығынан тиген; аркасына қолын тықса, жауырын астының еті жалбырап тұр; жаралы иығын қозғап көрсе, сүйегі аман сияқты; жау жаққа караса, жақындал қапты; манағы зор танк жақындағанда тіпті зорайып кетті. Ұсақтары да үлкейіп кеткен сияқтанды. Танктардың да, жаяулардың да оқ шашуы орасан.

Орнынан атып тұрган Мәншүк, көршілес пулеметтің қасынан бір жәшік оқты арқалай жүгіріп, өз пулеметіне қалай кеп жеткенін білмей қалды.

Пулеметін ұстай алған Мәншүк нысананаға ең зор танкты мезгей, оқты жаудырып кеп жіберді. Зор танк-тің шімірікпей шүйіп келе жатуына хайран қалған ол «тие ме, тимей ме» деп күдіктенді. Тимейді дейін десе, осы пулеметтен көзделеп, бұтақта отырған көкекті атып түсіргені бар; тиеді дейін десе, оқ дарымайтыны қалай?

Сасқан белгісін дene әрекеттерінен сездірген Мәншүктің оң жақ құлағына:

— Саспа, қарындас! — деген қазақша сөз сап етє қалды. Ол жалт қараса — кәдімгі Сүлейменов Ыбырайым. Қолында ПРТ¹.

— «Ойh, ағa!» деген Мәншүктің көзінен жас ыршып кетті.

— «Жолбарыстан» жүрегің шайлышты ма, қарындас? — деді Ыбырайым.

— «Жолбарыс?..» Қайдағы?..

— Анау ше? Немістердің «тигр» деген танкін білмеймісің?

— Осы ма?!

— Дәл езі.

«Жолбарысты» Мәншүктің естігені болмаса, көрге-

¹ Противотанковое ружье — танкке қарсы мылтық.

ні жоқ еді. Естуінше оның мөлшері біздің «КВ»¹ тәрізді. Мына келе жатқан «дәудің» түрі де «КВ»-га ұқсайды, айырмасы,— бұл «КВ-дан» сопақтау және тікшілдеу сияқты.

Міне, енді сол «жолбарысты» Мәншүктің өзі көруге тұра келді.

«Жолбарыс» жақындал қалды. Мұның пулеметтеннегі ағытқан оғын «жолбарыстың» шыбын шаққандай елер түрі жоқ.

Не істерге білмей сасқан Мәншүктің жан-жағына алақатаган көзіне оң қанатындағы тасты, бетке ұстай, қолындағы ПТР сын «жолбарысқа» безен тұрган Ыбырайым ұшырай кетті.

— Аға!— деп қалды Мәншүк ышқынған дауыспен,— ат!

— Нені?— деді Ыбырайым жымия қарап.

— «Нениңіз» қалай?— деді Мәншүк, бұл жөнсіз жымиуды жек көрген пішінмен — «жолбарысты»!

— Өз андарынды сонарла. Менде жұмысың болма-сын.

Танк тіпті таянып қалды. Оның пулеметтерінен бұріккен оқтары, Мәншүкті тастың ығына еріксіз бұқтырды. Ол бұға беріп Ыбырайымға қараса, манағы қалпында әлі тұр! Шыдамы шындалып біткен Мәншүк тағы да «аға!» дейін деп еді, кескініне көзі түскенде аузын алақанымен баса қойды: жобасы ұқсағаны болмаса, бұл Ыбырайым бұрынғы көріп жүрген Ыбырайымы емес, бұның бұрынғы құлқішіл жұмсақ, майда кескінінің еті кәзір түйір-түйір бол бұлшықтанып, толқынды судың бетіндей қимылдаш кеткен; бұрынғы қара сұр келбеті күренденіп лаулап жанған жалынның түсіне көшкен; бұрынғы шүңгіректеу көзі қазір сыртына теуіп, жауға атылатын минадай сүйрие қалған; қырыстана тыжырынған бет етімен бірге кейін қарай керілген еріндерінің арасында пулемет лентасындағы оқтай тізілген жалпақ, ұзын, сиректеу ақ тістерінен тасты тасқа үйкегендей шықыр естіледі; тубі батыңды қылау, тұмсығы көтерінкілеу шолақ мұрнының кең танауы, дауылға ұшқан қаршығаның қанатындағы жел-пілдейді; бұрынғыдан әлденеше рет зор сияқтанған денесі қабанға ұмтылғалы жатқан жолбарыстай бұл-кің-бұлкің етеді.

¹ «КВ» — «Клим Ворошилов» — танктың аты.

Ыбырайымның бұл бейнесіне сүйсініп кеткен Мәншүктің бойын бүре басып тұрған хауіп, енді сергіп кетті.

«Шым болаттан құйылған мылқау «жолбарыс» пен адамның жолбарысы жекпе-жек кездесті,— деп ойлады Мәншүк,— екеуінің қайсысы алар екен!»

Әжесі айтатын бір өртегіде «жолбарыс пен айдаһар арбасып тұр екен, сол жағдайда кез болған бір батыр, арты не болуын күтіп тұрып қапыда жөтеліп қапты, сол дыбыстап сескеніп жолбарыс жалт қараганда, айдаһар оны орап алып сығып тастапты», дейтін кеңес есінде жүретін Мәншүк, «қапыда кетірермін» деген оймен, Ыбырайымға көз қызығымен ғана қарап, демін де еппен ақырын алды.

«Ерден ердің хаупі бар» дегендей, алдында ажал күткенін сезді ме өлде, деңгіген тасты қедергі көрді ме,— Мәншүк ықтаган тасқа төрт-бес қана адымдай жер қалғанда, мылқау «жолбарыс» сол жаққа қарай жалт бере бұрылды. Сол секундте Ыбырайымның мылтығынан гұрс ете түскен дауыс естілгенде, «жолбарыстың» арт жағынан жалын аралас қарақошқыл тұтін будақтала бұрқ ете қалды. Бұл оның күюі ме, өлде со-лай тұтіндене қалатын бірдемесі бар ма — оншасын Мәншүк андамады.

«Жолбарыстан» будақтала бұрқыраған жалын мен тұтіннің арасынан киімдері лаулап жанған фрицтер¹ жанталаса шығып қашқаңда:

— Ат! — деген дауыс сап ете қалды Мәншүктің құлағына. Әлгі дауыстың екпінімен, қолы пулеметті үстай алған Мәншүк, кім екен деп қараса,— Ыбырайым!. Бұл әлгінде көрген Ыбырайым емес, бұрынғы өзі біл-тін жайдары кескінді Ыбырайым.

— Ат! — деді тағы да Ыбырайым, дағдылы сыпайы даусымен.

Жалын жамыла «жолбарыстан» қашқаң фрицтерді көздей Мәншүк пулеметтің замогін басып қап еді, де-несі дірілдеген пулемет сапылдан сөйлей жөнелді. Оның сезі «неміс оккупанттарына өлім!». Осы сезді Мәншүкке Ыбырайым да айтты. Бірақ Мәншүк бұл сездің пулеметтікі, я Ыбырайымдікі екенін ажыратта алмады.

¹ Немістер.

Ыбырайымның оғынан ба, басқанікінен бе, «жолбарыстың» үйіріндегі өзге танктер де бұрқырап өртene бастады. Өртенбегендері өрт келе жатқанда ысылдай бытырай қашқан ордалы жыландай жапа-тармағай жалт беріп, қақ жарыла екі бүйірге қарай беттеді. Осы кезде Мәншүктің пулеметінен бұркілген оқтан ба, басқа серіктерінің оғынан ба, жаудың шұбырған жаяулаты танктерден белініп қалды.

КП¹-ден қарағанда да, шабуыл я шегіну кездерінде де Мәншүк жаудың талай жусап қырылғанын көрген еді, бірақ, нақ осы жолғыдай оталғанын ол көрген емес, сол сияқты, жаудың талай шабуылын көре жүре, нақ осы жолғыдай жосықсыз жапырлап ұмтылғанын да көрген емес. Бұл жолы алдыңғы ұмтылуышылары жусап жығылып жатса, артқы жақтан жапа-тармағай жүгірушілер үдеді де отырды.

Жауды қырудың қызығына түсіп оқталған ленталарды шетінен сұрып ала берген Мәншүк, қасына қатар қойтан жәшікке қолын сұғып еді, бұдырмак оқтардың орнынан теп-тегіс тақтай білінді. «Мұнысы қалай!» деген хауіппен, әлі де бетін бұрмай, қолымен жәшіктің ішін шарлай сипап еді, майда тақтайдан басқа түк сезілмеді: жер бауырлап жыбырлай жүгірісіп келе жатқан жаудан көзін бұра алмаған Мәншүк, жәшікті ернеуінен ұстай алдына көтеріп ап қараса, ішінде дәнеңе жоқ, артына қараса, ерімнің таспаларында шұбатыла жатқан бос ленталар. Айналасына құлақ түрсе, алыстан естілген тарсылдар болмаса, нақ осы тар қызыда біздің жақтан атылған мылтық даусы естілмейді. Шамасы бұл жарты аралда ол жалғыз қалған сияқты... Жаудың ентелеуі басым, және жау жақ бүйрараттан осы биікке төккен ұлылы-кішілі құралдардан жауған жуанды-жіңішкелі оқтардың нөсері әлі толастар емес.

Жұлқына ұмтылып келе жатқан жау мың ба, миллион ба, кім білсін — әйтеуір құжынаган құмырсқадай сансыз екенін көрген Мәншүк, оқ таусылғанда қобалжыған жүрегін тез қалпына түсіріп, дірілдеген денесін тез жинай қойды. «Бұл арада бүкіл кеңес армиясы өзіммін, деген такаппарлық ой кеп кетті оған,— егер мен осалдық көрсетіп жеңілсем, армияға сенген ел маган не айтады, мен оларға не айтам?» Бұл сұрау тірі өзімді түгіл, өлі аруағымды да қара жүзді қылмай ма?

¹ Командный пункт — команда беретін орын.

Қара жұзбен бүгінгі замандастарым түгіл, ертеңгі ұрпакқа, тарихқа не бетіммен қараймын?..»

Мана жер бауырлап жылжыған жау, алдыңғы біктен бүріккен оқ басылған соң шуласып тұра жүгірісті. Өлмей беріспеуге бекінген, бірақ жаумен жұлқысуға өз маңында оқ жоғын білген Мәншүк, «ендігі оқ қалса он жақ қатардағы пулеметтің қасында болар» деген оймен еңбектей жүгірді.

Ол пулемет те Мәншүктің пулеметінен он, он бес метрдей жерде еді, екі ара панасыз жазық. Жауған оқтан қорғанған Мәншүк жандармен дегенде ұмтылған тасына жете беріп еді, кездеп атты ма, я қаңғырып кеп түсті ме, бір мина аяқ жағынан жарқ етіп кеп түсіп, шатырлай кеп жарылғанда денесі аударылып түсті. Бұрқыраған шаңың арасында үйпа-түйла бола қалған Мәншүк, мина денесінің қай жерін жарапаса да ауыр жарапасын сезді, өйткені, қай тамыры қырқылса да, жүрегін тартып әкетіп барады...

Сонда да есінен танбаған Мәншүк, жалма-жан тұра берді де, кираң ете құлады. Тағы ұмтылып еді, тағы құлады.

«Апырау, не болған маган!» деген оймен ауырған аяғын ашып көрсө, тізеден төменгі жагы былқылдағ бос жатыр... Жиырылған еттен қан сорғалап ағып тұр...

Жүргегі дір ете қалған ол, жау жаққа қараса, жа-пырлай ұмтылған жау жақындал қапты.

Сасқан Мәншүк, жарасын байларлықтай еш нәрсе табылмаған соң, белдемшесінің он жақ етегін дар еткізіп қаң айырды да, жарапы аяғын шымқай орап, ағытқан қайыс белбеумен тас кып байлады. Содан кейін бір тізе, екі шынтағымен жылжып пулеметке жетсе, айналасында сөреге жайған құрттай қаз-қатар тізбектеле жатқан құтаулы ленталар.

Мәншүктің есінен жарапануы шығып кетіп, жапатармагай жақындал қалған жауға пулеметтен оқ шашып қоя берді. Жау шапқан шәптей оталып кеп түсті...

Оқиғаның ендігі егжей-тегжейін кейінгі күндердің сыбагасына сақтап, қайғылы күйдің қайырмасын ғана ойнайык.

Мәншүктің өңінде жауды қыруы, біраздан кейін түсі сияқтанды. Қызу қымылмен қансырағанын абыламаған ол, талықсып кетті де, атуын догарды. Бірақ оның шалажансар денесінің кеудесі пулеметке асыла сүйеніп қалғанмен, замокке жабысқан қолының сау-

сақтары жазылудың орнына, жігерлеіп сығымдала түсті. Оның басында калған батыр ойдың болмашы сарқыны, денесіне «атуды досгардым» деген хабар емес, «Үдettім» деген хабар жеткізді. Шалағайлау тұс сияқты ғана ойлауга шамасы келетін оның миында «немісті қырыум үдеді» деген мақтандыш, сау кезінен анағұрлым есіп кетті.

...Немістің қырылуы Мәншүктің есі бар кезінен үдеуі рас еді: оның талықсыған қарсаңына, жүзінші бригаданың кейінгілері де, оларға таяна үмтүлған біздің басқа әскери қосындар да жетіп, жауды жосылта отап, Изочка станциясына қарай тықсырып алып кеткен.

Шабуылмен ілгерілеген үшінші ұрғыш армияның белімдерін өкшелей армия қолбасшысы генерал-лейтенант Галицкий де келе жатты, қасында полковник Әбліхайыр Баймұлдин.

Жиналмалы көпір арқылы машинамен өткен Галицкий, Заиванье қаласының бүйіріндегі молалы биікке шыға бергенде:

— Кузьма Никитович! — деді Әбліхайыр Галицкий, — немістің шабуылға әзірленген барлық күшін біздің екінші батальонның бес сағат бөгөген биігі осы.

Олар биікті деңгейлеп кеп тоқтады. Одан жоғары көтерілуге, жусап жатқан өліктер жол бермеді.

— Былайғы жағына жаяу шығайық, жолдас генерал, — деді Әбліхайыр.

— Өйтүге де болады.

Олар машинадан тұсіп, өлік-өліктің арасымен кабақ шыта жүріп келе жатқанда, аржақтан автобустарын шұбатып, санитарлық батальон адамдары да жесті. Олар жаңы бар жарапыларды жинай бастады.

— Жолдас генерал! — деді Галицкийге, оның артын ала келе жатқан адъютанты Качергин, кенет да-уыстап қап.

— Не айтасыз? — деді генерал бұрылып.

— АナンЫ қараңыз!

Качергіннің қолымен нұсқаған жағына генерал каршыға көзін қадай қараса, құндағы тасқа сүйентен пулеметте асылып біреу жатыр.

— Барайық! — деді генерал.

Олар аяқтарын жылдамдау басып, пулеметке асылғанға жетіп келді.

— Қараңыз, тірі ме, өлі ме? — деді генерал.

— Мен қарайын,— деп Әбілхайыр асылған адамды басын көтере берді де, шошынғандай қолын тартып ала беріп, тез қайта үстай алды.

— Кузьма Никитич!— деді ол, асылған адамды тағы көтере беріп,— бұл біздің қызы!..

— Біздің?!..

— Иә біздің!..

Әбілхайыр қыздың денесін жеңіл көтергенмен, пулемет замогіне жабысқан саусағын тез жаза алмады,— қарысып қатып қапты. Мәншүктің қарысқан қолын пулемет замогінен әрең босатып алған Әбілхайыр, денесін көтеріп құшағына алғанда, генерал да тани кетіп,— «Мәншүк Мәметова!» деп қалды.

Мәншүк ышқынды да көзін ашты.

— Тірі!— деді Әбілхайыр қуанып кетіп,— жолдас Качергин жүгір врачқа!..

Качергин жүгіріп кетті.

Әбілхайыр құшағына алып отыра кеткен Мәншүк, тек, ара-тұра кірпігін ғана қақпаса, Галицкийдің ешбір сұрауына жауап бере алған жоқ. Сөйтіп отырып, олар батыр қыздың жантәслім қылғанын сезбей де қалды...

Мәншүктің бүгін қандай ерлік көрсеткенің, генерал Галицкийге, сол араға келе қалған капитан Ушаков баяндап берді. Батыр қыздың ерлік істеріне сүйсінген генерал, жерге жатқызған оның жансыз денесінің қасында қайғылы кескінмен бөркін алып аз тұрды да, Баймұлдин мен Ушаковқа:

— Аянышты қаза!— деді бір кездे,— сонымен қатар қуанышты,— отанымыздың тарихына тағы да бір батыр қызының аты алтынмен жазыллатын болды. Бұл қызды біз «Совет Одағының Батыры» атағына ұсынамыз.

— Олай ұсынарлық еңбегі бар!— десті Баймұлдин мен Ушаков.

— Бұл біздің батыр қызы!— деді Галицкий!..

Апрель, 1944 ж.

ЕКІ КҮН

1

Қарны қабақтай, бұты таяқтай, жілігінің жігін, қа-
бырғасының қатарын сыртынан санап алатын топы-
рыш торы, оған белден жеккен екі доңғалақты — «қа-
зак арба». Аттың арқасындағы жалба-жұлба желқомда
жапырайып біреу отыр, арбаның арысын бойлай біреу
көсліп жатыр. Аспанды қоршаған қою қара бүйра
бұлт. Бұлттың демін ішіне тарта қоюына қарағанда, не
сұрапыл дауыл, не нөсер жауын болатын сияқты.

Артқы аяқтары мен алдыңғы аяқтары шалысқан
топырыш торы, екі аттап, бір сүрінеді; оның сүйегі не-
гізінде пысық жылқы. Сондықтан сүріне бере, «бұным
не?» деп намыстанғандай, оңалуға аяқтарының әлі
келмеген кезде, тұмсығын да аяқ орнына жұмсал, күш-
ті мойнына сала, басымен жерді тірер созыла түре-
геледі.

Өз денесін өзі көтерүмен арпалысқан топырыш то-
ры сүріну-қабынумен әбден қалжырады. Құлағының
ұшынан қара бақайына шейін құйылған тер — оның
бойдағы азғана әлін одан жаман тауысты. Оның жү-
регі жеді күнгі жапырақтай дірілдеп, өкпесі көріктей
кемпііп, танауы делден-делден етті. Сол күйі топырыш
торы жамбастай сылқ етіп құлап еді, серендеғен төрт
аяғын қайтып бауырына жинай алмады.

— Далабай! — деді аттың арқасына жапырайып
мінген бала жігіт, қазақ арбада қисайып жатқанға—
мына жамандатқыр, қолқа-құрт болып, қасқыр жеп
арам өлгір, тұра алмауга айналды, албасты басты итті!

— Мен не шара істейін,— деген сөзді Dalabai
ыңырысып зорға айтты.

— Азырақ оттатып, демін алдырып, содан кейін
жылжимыз ба, қайтеміз?

— Сейтпегенде амал қанша.

Бала жігіт топырыш торының белін шешіп, арбадан
босатып «шу-шу!» деп еді, талықсыған ат тырп етпеді.
Жігіт күйгелектеу еді:

— Мына қара басқыр енді өз денесін өзі көтере ал-
маганы ма? Қап, құлағынды... ай, сені біржолата тал-
дырайын!

— Байтас! — деді бала жігітке Dalabai, оның ая-
ғы резеңке топты тепкендей топырыш торының қампай-

ған қарнына томп-томп тигенде,— обал ғой, теппе малды! Күші сарқылған ғой, әйтпесе аянып жатыр деймісін, еті барда пысық-ақ жылқы еді ғой...

Атты тұрғыза алмайтынына көзі жеткен Байтас, тізгінін басына түріп, Далабайдың қасына келді. Ат жолдан шыға жығылған еді, мезгіл көктем, жердің көдесі көктең көтеріліп қалған. Аз уақыт тыныстаған аттың мұрынын, иек астындағы жасыл көденің жұпар ісі қытықтап, ат денесін қозғамастан, көдені түбінен өткір күрек тісімен қырқып ап көпіршіте шайнай бастады.

— Далабай, қалайсың? Бойың қалай?— деді Байтас.

— Сол қалпы. Қайта денемнің қызыу үдей түскен сиякты,— деді Далабай демін ентіге алып,— қatalап шөлдеп барам, әттең бір сусын!..

— Арба да соғып таставды білем өзінді; жол жайызы екен, тілеуі кесілгір, тым болмаса бос тұрган тарантас арбасын да бермеді ғой, ол жайлышақ болар ма еді, қайтер еді? Мына қазақ арба құрғырдың қикулаған даусы да құлагынды керен қылған шыгар.

Далабай жауап бере қоймады. Онда көп кенесер дәрмен де жоқ еді.

Далабай кедей жігіт. Етінің тірлігімен ол кедей болса да ерте үйленген. Оның үйінде әйелі, үйелмелі-сүйелмелі арасы жасқа толмайтын үш ұлы бар. Оның отауындағы аяқты мал: бір ат, бір лақты ешкі. Осындаш шаруасы шағын болғасын сол жылғы көктемде қазақтың бір байына егін салысуға жалданды. Соқа соңына он шақты құн түскеннен кейін ол кенеттен калпақтай түсіп ауырды да жұмысқа жарамады. Далабайды үйіне апарып таставаға байдың «қолы тимеді». Байдың асқа тіккен құрым үйінің босағасында ол ыңырып екі-үш құн жатты. Байтастың әкесі Далабаймен бөле еді. Байдың жаны ашымайтынын көрген ол:

— Шырағым,— деді Байтасқа,— атыңмен мені үйіме апарып сал.

Байтас «атым көтерем» деп күнкілдеп еді, әкесі үршісты:

— Не оттап отырысың, ат адамнан қымбат па? Болдыrsa жолшыбай шалдырып, амалдаш жетерсіндер, сөзді кой, апар!..

Далабайдың қасында арбага сүйеніп тұрып Байтас әкесін ішінен кінәлады, «мен осылай боларын біліп едім — деді ол өзіне-өзі — айтқаным келді!».

Арбаға сүйеніп тым-тырыс тұрған Байтастың да, арба үстінде ыңқылдаган Далабайдың да көңілін шашуң дауыс бөлді:

- Қос тігілді, неде болса көріп алдық.
- Бар көлікті, бар адамды жинап тез бару керек.
- Қарамызды көрсе өзі де жолай қояр ма екен?
- Жолап көрсін... бәрібір өлім!..

Шулағандар шоғырланып келіп қалды.
Мынау жолда жатқан кім? — деді шулағанның біреуі, Далабай жатқан арбаның қасына жақындағанда.

- Біз, — деді Байтас — өздерің кім?
- «Бізің» кім? — деді екі-үш дауыс.
- Немене, кісің жоғалып па еді, соңша шүкшиып, — деді ызалы Байтас.
- Мынау қалай-қалай сәйлейді? Қисық неме ғой өзі, кері басқан.
- Қисық болсам, тезге сап түзетейін деп пе едіңдер?
- Түзетсек түзетеміз.
- Оңай болмас!..

Сөз жанжалға айналып бара жатқан соң Дарабай дыбыс берді, шулағандар өз аулының кісісі екенін ол таныды. Шулағандар да Дарабайды тани кетті.

— Қабанбайдан егіндік жерді сұрай-сұрай жағымыз талғансын, бүгін тіршілік қып келеміз, тобыр кедей боп, — деді шулағанның біреуі — қосты құйқасы қалың жердің біреуіне апарып тіктік, басында кісі қалды, өзіміз ауылдағы қалған күшті жинап әкелгелі бара жатырмыз.

Дарабайдың түнделетіп келе жатқан мәнісін олар естіген соң, Байтастың аты болдырғанын білген соң:

— Пар өгізге жеккен ридуан бар, — деді олар Дарабайға, — үстінде қорабы бар, ішіне шөп салған — жұмсақ, соған мін.

Байтастан рұқсат ап, алғыс айтып Дарабай өгізге жеккен ридуанға мінді.

— Екі өгіз кімдікі? — деп сұрады ол жолда, өз аулында үлкен өгіз жоғын ойлад.

— Жай, дұспан көзі ғып, серпе сәйлеп жатқанымыз емес пе, — деді ауылдасы, — екі өгіз қайдан келсін, жақадан үйреткен екі құнаншықпа!..

— Біздің кер ат көтеремнен торалды ма? — деп сұрады Дарабай.

— Қайдан торала қойсын, көкке аузы жаңа тиді, сның үстіне, «жығылғанға жұдырық» деп, төккен тәзек арасына үйелеп қалып, өлгелі жатқан жерінен зорға аман алып қалдық. Талпына-талпына сілесі қатып соқтығып қапты. Содан бері үйінің қасында жатады, әйелің көк шөпті алдына жұлдып тастайды.

— Қап, ептеп-септеп егінге жарай ма деп ем, ол болмаган екен ғой,— деп кейіді Далабай.

— Біз де ренжідік,— деді ауылдастары — үй саны көп, көлігі құрғыр жоқ. Қабанбайдың жеріне кезді жұмып қол салып отырмыз, бірақ сол жерді аздал болса да, үй басы бір десетинадан болса да жыртып шығуга жарайтын көлік барлық ауылда жоқ. Бір-бір сауын сиырды жекпесек.

Таң бозара бастады. Екі құнаншықпа өгізге жеккен ридуанды жаяулы-жалпылы қоршаган бір топ адам Далабай үйінің алдына келіп тоқтады. Далабайдың әйелі Құнімжан ол кезде үй қасындағы көтерем аттың маңында еді.

— Ат бүгін оттамай жатыр, өліп қала ма деп күзеттіп отырмын,— деді ол.

Сырқат қорғасындағы ауырлатқан Далабайдың дениесі, «ат өлер білем» деген сөзге сергіп кетті.

— Не дейсін?!— деді ол тұра кеп. Біреулер Құнімжанға Далабайдың сырқаттанып келгенін айтты.

— Жасаған-ай, әқттай көр, үйге үшықтап кіргізе көріндер,— деді шошынған Құнімжан. Әркімдердің сүйемелдеуімен арбадан түскен Далабай атынің қасына барса, төрт аяғы серейіп сұлап жатыр екен. «Мұнысы қалай!» деп ол сезіктеніп, аттың танауына саусағын салып көріп еді — сұп-сұық.

— Өліп қапты,— деді Далабай ауыр күрсініп, қара құрым үйіне арқасын сүйей отыра кетіп.

Осы кезде оның тұла бойына жайылған уайым үйтін еліктегендей, көктегі қара бүйра бұлт сапырыла жөнеліп, тымық ауаны желдетіп кеп кетті.

— Дауыл!.. Үй бастырындар!...— десті жұрт шулап.

Лезде сұрапыл дауыл ышқына кеп соқты. Арқа сүйенген Далабайдың құрым үйінің уығы мен керегесі солқ-солқ етті. Далабай жалма-жан тұра кеп әйелі үйінің сыртқы бауларын байлаганда, үйге кіріп, шаңырақтың екі желбауын шешіп ап, безгек болған кісідей дірілдеген үйді мықшия төмен басты.

...Екпіндей соқкан дауыл үйшіктей үйді шыдатпа-

ды. Сыртқы жақ кереге қаңылтырдай майысып ішке сұғылыңқырап келді де, үй Далабайдың басынан аса төңкеріліп кеп түсті.

— Ойбай, қу шұнақ құдай-ай, енді қайда бара-
йын! — деген жан даусы шықты Құнімжанның.

— Мен мұнда,— деді отыра кеткен Далабай әлсіз дауыспен. Оның қасынан ұяларын дауыл бұзған бала-
пандай шулаған екі-үш баласының даусы шықты. Ол
жалма-жан құрақ көрпемен балаларын қоршап қойды.
Бұл, 1917 жылдың бірінші май күні еді.

2

Далада дабырлаған дауыстан Құнімжан оянып кетті. Олар жатқан қүймелі арбаның есігі жабық еді. Есік-
тің жақтауынан түскен болмашы сәулеге қүйме іші
қүңгіртеу жарық. Құнімжан көрпесінің бір жақ бұры-
шын ақырын түріп, сыйылып шықты да, тұра кеп есік-
тің күршегін ағытып, ептеп сыйырайтып ашты. Ол да-
лаға қараса, таң бозамықтанып келеді екен. Далада ер-
сілі-қарсылы сапырылысқан кісі.

— Үоу, Злиңа мен Жүсінгер, сонша кеп үйқтаған-
дарың не? — деді Далабайға құрдас бір колхозшы қүй-
ме алдынан өте беріп, Құнімжанды көзі шалып қап. —
Пай-пай қызуларың сөнбейді-ау сендердің!. Кәрі мұн-
дар, езің де бүгін хордың қызы секілдене қалған
екесің...

Құрдасының аргы айттар сөзін жобалаған Құнім-
жан, сырмінез болған дағдылы қалжынына тізгін бе-
ріп, ұттырмайын дей еді, аржағынан екінші ұлы —
Тайқошқар кеп қалды; ол — жиырма біргешыққан ал-
памсадай жігіт, ударник. Баласынан ұялған Құнімжан
есікті жаба қойды.

Құнімжан Далабайды «үйқтап жатырға» жорып
қасына келді де, кіршіксіз ақ зонтпен астарлаған көк
сәтен тысты көрпемен қымтады. Далабай Құнімжан-
нан бұрын оянған еді. Қүнде құлқын сәріден қылқыл-
дал, егіншілерге маза бермейтін оның бұлай бейкам
жату — бүгін бірінші май мейрамы, мейрамды той-
лайтын комиссияда ол жоқ, сондықтан бүгін емін-еркін
бір үйқтамақ-та. Осы ниетпен ол қалғып та, шуга еле-
гізіп те селсоқ жатыр.

Далабай бастық болған колхоздың аты Ленин. Оған
іргелес колхоз «Октябрь». Бұлар бірін-бірі бірінші

майға қонаққа шақырған. Ленинде құлдыңды бие 95, құлнының байлағаны—40; «Октябрьде»—68, байланғаны—40. Майдың көкмайса шебін жеп, сүмесі дерткен биелердің сүтіне инеген қара сабалар аузы-мұрынынан шығып, шүпілдеп, ірк-ірк етеді. Комиссиядан Құнімжанға тиген сыбага осы қымызды тойшыларға қандыра үlestіру.

Қалғыған Дарабайды Құнімжан аздаң кейін ояты. Олар бірін бірі еркелетіп, жастары елу, елу бесте болсада «кемпір» «шал» деп атайдын еді.

- Шал, ә, шал,— деді Құнімжан.
- Уә, не болды, кемпір,— деді Дарабай.
- Кісі келді.
- Кім?

— «Октябрь» колхозының бастығы — Байтас.

Дарабай киініп далала шықса, көктің күншығыс жак жиегі тотының қанатындағы құлпырып күн шығуға жақындал қалған екен.

— Иә, егін-жайларың қалай? — деп сұрады Дарабай Байтастан.

— Планымыз — 800, орындағанымыз — 564. Сендер ше?

— 900 дең 585.
— Былтыр бәйгені сендер алып көшпелі қызыл тумен «М—1» ге ие болып едіңіздер, биыл аманшылық болса бәйге біздікі шығар.

— «Сүт көп, көмір аз» асықпайық.
— Ойын гой,— деді Байтас — әйткенмен былтыр егінді кеш сеуіп, кеш соқты демесе, еңбеккүніне Ленинде 4 килодан алды, біз де 5 тен алдык.

— Биыл да жауын көп. Партияның XVIII съезі тапсырмасын орындауга сенім мол.

Байтас Дарабайға той туралы сөзін айта бергенде, көздеріне ауылдан келе жатқан «М—1» шалына кетті. «Парторг — Баянов» деді Дарабай.

Машина келгенше Байтас — Амантайды сұрады. Амантай — Дарабайдың тұла бойы тұңғышы. Жасы биыл 23 те. 17 жасында ол орта мектепті бітіріп, Алматы қаласындағы ВУЗ дың біреуіне түсті. Сонда оқып жүргенде 1938 жылдың басында әскерлікке алынып, Қызыр-Шығыска кетті. Откен жазда болған Хасан көлінің оқиғасынан кейін оның бір жолдасы «Аманай ауыр жарапанды, лазаретте екі ай жатып, тәуірлеу бол, түгел айығуға Кавказдағы курортқа кетті» деп жазды.

Содан Амантай әлі сралған жоқ, тек «аманмын, сауығып, келем» деген ара-тұра хаттар ғана бар.

Осы кеңесті Далабай Байтасқа айтып түрганда, автомобиль қастарына келіп, өскерше киінген денелі, бір көркем жігіт көтеріле берді. Ол жігіт автомобильдің есігін ашып жерге түскенде Күнімжан да, Далабай да құшағын жая ұмтылды.

Күнімжан жігітті Далабайдан бұрын құшақтады. Сол кезде жерді жиектеп алтын нұрын айнала буркіп күн де шығып келе жатыр еді. Далабайға жігіттің Күнімжанның иығынан асқан маңдайы сол шыққан күндей жарқырап кетті, ол кең маңдайдан құшырлана сүйді.

«Амантай жараганды» деген сөзді естігенде, жамандық шақырмайынышы дед. Күнімжан көзіне жас алмауга ант еткен еді. Қазір баласын бауырына басқанда оның денесі қорғасындағы балқып, көз жасы тасқындарап түр, бірақ түскен ант толқыған жасты жарқабақ тастай бетке қағып, кейін ытқытып шегеріп жатыр.

Далабай езіне ондай антты айтып көрген емес. Сондықтан шыққан күннің алтын сөүлесіне себелеген бүй-ра бұлтың маржан тамшысындағы оның көз жасы күн нұрына шагылып домалап-домалап кетеді.

— Үоу қойсандаршы, бала жалғыз сендердікі мем? Болмаса дүйім жұрттікі ме? Егер жұрт баласы болса, мына бізге де амандасуға босатсандаршы! — деген сөзді сол араға түгел жиналған тойшылардың әрқайсысы-ақ айтты.

Хасан қолінің оқиғасы — ел арасында ертегі. Елдің естуінше бұрын-сонды болған соғыста мұндай әдіс-айла, қайрат-жігер жұмсалып көрген емес. Бұл соғыс Советтер Союзын да, оның батыр ұлдарын да жер жүзінегінде әйгілеген. Сондықтан Амантаймен қысқа амандасқан жұрттың ынтасты соғыс кеңесін естуге кетті.

— Шырағым, — деді әркімдер Амантайға, — аман көру арманымыз еді, көрдік, шукіршілік! Ал, енді сен кешегі ішінде езің болған, жер жүзінегін еліміздің батырлық атын жайған оқиғаны бізге баяндашы!

Амантай құлімсіреп кеңеске кірісті... Бұл 1939 жылдың бірінші майы еді.

Май, 1939 ж.

«КЕР» ЗАМАН

1

— Қайынага, салығыңызды кешіктіріп кеттіңіз, не-
ге төлемейсіз? — деп қайқы мұрындау келген, денелі,
томпақ көз, жұқа ерін, сұық шарпыған беті қара қожа-
лақтаныңқыраған, басында түбіт шәлісі, аяғында сап-
тама етігі, қолында тері биялайы бар, үстінде сеңсекмен
тыстаған сары тоны бар Ұлбосын, дәреттен келе жат-
кан Кәдіrbай хажының алдынан кескестей берді.

Шалбарының бауын екшій байлап, аяғымен жерді
тебініп, қысықтау келген қиғаш көзін Ұлбосынға алай-
та қарады да:

— Қайдагы салық? — деді хажы.

— Білмейсіз бе, қандай салық төлейтініңізді, — деді
Ұлбосын, даусын көтере сөйлеп.

— Нені білейін! — деп хажы бір уыс көдедей шоқ-
талып біткен ұзын қасын көзіне түсіріп, қалың қаба-
ғын тыржитты.

— Білмесеңіз айтайын: бір ауылнайдың имамы бо-
ласыз той. Зекет-ғұшырдан, жаназа шығарғаннан, тағы
сондай табысыңыздан 350 сом, салған егін, жылқы,
сиыр, койыңыздың салығы 86 сом. Патент алмай сауда
қылғаныңыз үшін 61 сом, барлығы 607 сом.

— Келін, осы сенің-ақ маған құтың түсті-ау жар-
қыным. Бір жылғы табысымның бас-аяғы 100 сомға
зорға толады. Энеугұні пинэтделге осы мәнінді айтЫП
арыз бергем. Одан жауап алмай төлемеймін. Егінді
жәнді салғам жоқ. Бір-екі десетина сепкен болып едім,
шиқпай қалды. Сауда қылғанымды кім көрген екен? —
деп хажы аппақ сақалын қолымен тарап кейіді.

— Келіндік жолы өзіне басқа. Мен етірік айтпай-
мын. Табысым 100 сомға жетпейді деп жалған сөйле-
меніз. Пітірге жан басына 3 қадақ бидайдан, 612 кісі-
ден 46 пүт астық алдыңыз, ол бір жарым сомнан 69
сом. 218 үй құрбан шалды, оның 210-ы қой сойып, те-
рісін сізге тапсырды да, сіз 3 сомнан сатып 630 сом
алдыңыз, 8 үй сиыр сойып еді, олардың терісінен 80
сом алдыңыз. Бері 710 сом. 13 кісі өлді, ат алғаныңыз
бар, сиыр алғаныңыз бар, лақты ешкі, қозылы қой ал-
ғаныңыз бар, бас-аяғын есептегендеге 324 сом. Жүрт
егінін соққан кезде қабыңызды шанаңызға салып жу-
ріп, ұшырга берген бидайды неше рет тиеп қайттыңыз,

одан 250 сомдай табысының бар. Одан басқа балага ат қою, дін жолымен неке оқу, ауырған-сырқағанды үшкіру-түшкіруден де табысының бар, осының бәрін есептегендегі сізге 350 сом салық түседі. Патентсіз сауда қылмадым деп басқаға айтының. Станциядан 14 бұлгары, 20 кірпіш шай, жұз шақты кез кездеме әкеліп сатқаныңды көзіммен көрдім. Егініңізді сокқанда ішінде болдым, 412 пұт алған жоқсыз ба?

Бұл сездерге айттар дауы болмай қалған хажы, іштей жеңілгенін сездіргісі келмегендей:

— Ендеше білгенінді қыл! — деп үйіне қарай жеңеле берді.

— Жоқ, қайнаға, мен ойнап тұрған жоқпын. Үкімет ойынды көтермейді. Салығыныңды тез төлеңіз, арты қолайлы болмай жүрер, — деп Ұлбосын хажыны тағы да алдынан бөгеп тоқтатты.

— Эй, келін, сен өзің мені сабайсың ба? Неге шаңылдайсың, нысапсыз? — деп хажы Ұлбосының бетіне ажырая қалды.

— Эдеп пен нысапта жұмысының болмасын. Қайсымыз нысапсыз екенімізді көре жатармыз, мен сізге жалынбаймын. Телейсіз бе, жоқ па, соны ғана айтының? — деп Ұлбосын хажыға қадала қалды.

— Аптырай, бетіме ажыраймашы жарықтығым, жүзінен иманың қашқан екен! — деп хажы бетін теріс бүрді.

Аржагынан маң-маң басып, құндігін шалқасынан тастап, иығына бикасалп күпісін жамылып, бет-аузы табақтай, ақ сары бәйбіше шықты.

— Мына қатын не деп тұр? — деді ол Ұлбосынға мұрнын шүйіре қарап.

Хажы үндемей күйбендей.

— Уай, сен не қыл деп тұрсын? — деді ол кердендей баса, Ұлбосынға жақындал.

— Беретін налоктерінді төле деп тұрмын.

— Эй... сен қатын құтырма, — деді бейбіше аш күшкітей шаңқылдан. — Ауылнай болдым деп көкіген екенсің. Адыра қал, адыра қалғыр!.. Зады оңбаган не менің, қараши, хажының бетінен алуын!..

— Жеңеше, аптықпа, сен! — деді Ұлбосын тайсалмай, — Шашынан жұлып сабайтын, мен сенің күнделесің Батиқа емеспін.

— (Ернін шығарып.) Пай-пай, бетің жып-жылтыр кәпір, сенен жақсылық шықпас. Дәмімнен садаға кет.

Ләмім ұрғыр, ұмытқан екенсің, аш күнінде жүргегінді жалғаған асымды! — деді бәйбіше қаймықкан кескінмен.

Ұмытқам жоқ. Неге ұмытайын. Бес жыл сирынды сауып, отыңмен кіріп, күлінмен шыққанда үстімे бүтін кейлек те әндермей қуып жібергенсің. Жалғыз тайнышамды хажы мекеге қаратын жылы ауылнай болып жүріп раматқа алған. Байым арбаңан құлап мертігіп жатқанда бір езім құрт та бермегенсің. Тезегімді соғыса қоймадың деп, мына хажы баламның жаназасына енбеген. Бас жібімді үрладың деп жала жауып, әркімнен сұрастырып алып ескен жалғыз ала арқанымды тартып алып, сұрап келгенімде таяқпен періп қалып көзімді шығара жаздағансың. Ия, ұмытқам жоқ... Бірін де ұмытқам жоқ.

Қырықпа қойдың терісінен істеген жаман тымагын баса киіп, қой жүн жамау күпісінің жеңі шұбатылып, жабағының жалындаі сақалы ұйысып Ұлбосының күйеуі Каракүл келді.

— Эй, жаман сасық неме, мына катынынды алыш кетші, үргізбей! — деп бәйбіше өршеленіп еді:

Каракүл төмен қарады да үндемеді.

— Мен сендермен ұрсысып тұра алмаймын, — деді Ұлбосын, — бағы кегімді алайын деп тұрғаным жоқ, қазынаның, үкіметтің ісін орындағалы журмін...

— Ия, осы ел сен болмасаң өлеңтін еді. «Қатын билеген ел азады» дейтін еді эткем, ендігі күніміз саған қалса, адыра қалсын ол күн, — деп бәйбіше өршелене тусти.

— Қатын билемек түгіл, ретті жерде көзінді желкенен шығарар, — деді Ұлболсын.

Хажы сақалын сипап «астапыралдадан» басқаны айтқан жоқ.

— Аруақ атар! — деді бәйбіше екіленіп.

— Оны кезінде көрерміз...

— Апрай, мынау доңыз екен ғой. Аруақтан да қорықлады ғой садағасы кеткір күң!.. Жаның зәндемге кетсін сенің!

— Зәндем-сәндемінді де, күштерінді де көрерміз. Мықты бол, салықтарынды бермей отыра қойындар. Мұны азынсандар бұдан да зорын көрерсіндер, — деп Ұлбосын жөнеле берді. Бәйбіше құманын жерге қойды да артынан қар шашты. Хажы жалтақтап бірдеме де-

Йін деді де, бәйбішеден бата алмаган кісідей күмілжіп, қақырынып қорага кірді.

2

Терегеден қарды сықырлатып, маңдайына қызыл тақсан, қолдарында мылтықтары бар уш кісі өте бергенде хажы «сұбқаналда-ай, мыналарың кім?» деп қуқылдана қалды.

— Қаңғырган қызметкерлердің бірі шығар. Ұрлығың бар ма еді? Сен-ақ қопаңдай береді екенсін,— деп бәйбіше ұрсып тастады.

— Қайдан білейін, қатын, заман жаман гой,— деп хажы мыңқылдағанша болған жоқ, уйге мылтық, қылышын саудырлатып, арықтау, орта бойлы, талдырмаш, собалақ мұрын, қой кез, қатқан қара жігіт кіріп келді. Хажының жүрегі зырқ етті.

— Кәдіrbай хажынікі осы ма?— деді жігіт.

— Осы. Өзің қазақлысың, қарағым?

— Ия, қазақпын. Хажы қайсыныңсың?

Үйде амандыққа келіп жатқан құдасы Сәлімбай «мен деп үйгарар» деген кісіше, Кәдіrbайды көзімен ишара қылғандай болды.

— Кәдіrbай сіз боласыз ба?— деп мылтықты жігіт хажыға қарап еді, көзі өңменінен өтіл кете жаздал, шыдамай теріс айналды да:

— Ия, ме-е-енмін, шырағым,— деді.

— Күініңіз!

— Астапыралда, неге?!

Үй іші үрпісі қалды. «Бұлдірген сенсін» деген кісіше хажы бәйбішесіне алая қарап қойды.

— Не жұмыс, қарағым, жиылыш бар-ма еді?..— деп хажы жігітті сөзге жұбатайын деп еді:

— Жұмыс сол,— деді жігіт,— қазір сіздің қораны тінтеміз!

— Астапыралда, шырағым, ұрлығымыз жоқ. Құдай деген мұсәпір адамбызы...

— Күініңіз!

Қонышын ортасынан кескен байпақты шолақ етікті хажы аяғына мықшинып зорға киді. Нашар адам көрінгісі келіп, иығына жыртық түйе жұн күпісін жапты.

— Қарағым, мен даяр...

— Жүріңіз!..

Алдымен хажы, оның артынан Сәлімбай құда, оның артынан бәйбіше, оның артынан баласы — Әлімжан, оның артынан келіні және екі-үш бала ере шықты. Құн тұс мезгілі еді. Қақпа ашық. Қораның іші жарық екен. Хажы көзін әр жерге жүгіртпін еді, ағаш сарай-дың алдында бір солдат, бидай салатын сарай алдында бір солдат, шошала аузында бір солдат тұр екен. Бұларға онша саспаған хажы, құлан қораның түкпіріндегі томпиган қоқтықтың қасында Ұлбосын тұрғанын көргенде жүрегі тас тебесіне шықты. Бір минут олардың көзінен таса болғанын жұмақтай көріп:

— Ала өгіз ит шығып кеткен екен, қамай қояйын, — деп қақпадан шығуға ыңғайланған еді:

— Ұлықсат жоқ. Кейін қайтыңыз! — деп бір солдат көлденең тұра қалды.

— Келін, қашан келіп едің? — деді хажы Ұлбосынға. Онысы жағынғаны еді. Ұлбосын үндемеді. Бір қиқудың болғанын хажының іші сезді. Откен туні лайықсыз бір тұс көріп, жүрегі қобалжулы еді. Ішінен «бір пәле келді, құдай өзің жөн бер» деді ол.

Екі мылтықты хажыны жетектеп Ұлбосын күзетіп тұрған қоқтыққа апарып:

— Мына жерді қазір ашамыз! — деді.

— Оnda не бар, қалқам! Ол төгілмей жатқан сиырдың тезегі ғой, — деді хажы.

— Жоқ, ашамыз!

Қоқтықты қопара бастағанда хажының көзі шарасынан шықты. Сиырдың үлкен жапалары қопарылғаннан кейін, астынан ак киіздің шеті көрінді. Үстін әбден аршып болғанда шеккен түйедей аузын бүрген тәрт киіз қап шықты.

— Өрттен қорқып қоя салған қоймамыз еді қарастарым, — деді хажы.

Ішін актарғанда, киіздің біреуінен топталған кездеме, жиырмадан астам үлкен бұлғары, бір жәшік қағаз шай, бір жәшік кірпіш шай шықты. Екеуінен бидай шықты. Біреуінен жылқы, сиыр, қой, ешкілердің терісі шықты.

Мылтықтылар өзге жерден де сатармандық нәрселер тауып алғысты. Хажы құп-қу болып «адал малым, адад малым!..» дегеннен басқа, сураған сезге бір ауыз жауап қайыра алған жоқ. Табылған нәрсөлтерге күзетші қойып, бір мылтықты:

— Үйге жүріңіз! — деді хажыға. «Қолдарына бірдеме қыстырысам қайтеді?» деген ой түсті. Үйге кірген-нен кейін хажы:

— Қарағым, ет асайық, тоңып келдіңдер ғой,— деп жалпақтап еді:

— Рахмет, қазір жүреміз,— десті жолаушылар.

— Құрауыз кетесіндер ғой. Неге асықтыңдар?— деп келе жатқанда:

— Сіз киініңіз! — деді манағы үйге бірінші кірген жігіт.

— Қарағым, қайда барам?

— Болысқа баrasыз.

— Неге, қарағым?

— Қазір айтамыз.

Сол кезде, бұл үйден нелер табылуы туралы жазған протоколын бір жігіт бітірді де, көлкес естірте оқып шықты.

— Осындай үкіметке қарсы ісі үшін,— деп аяқтады жігіт протоколын,— Қадіrbай Қоныспай ұлын тұтқынға алып, тиісті сотқа табыс ету керек...

— Сіз қол қойып, мер басып мына протоколды бекітіңіз! — десті келгендер Ұлбосынға.

Ұлбосын сирткы тонының етегін көтеріп, пенжагінің қалтасынан мөрін шығара бергенде, хажының мандаійнан сұық тер құйылып кетті. «Мына жерге қол қойыңыз» деген жігіттің нұсқаған жеріне, былтыр жаз сауатсыздар мектебінен үйренген әріптерін тізбектей, Ұлбосын протоколға қол қойдЫ да, мөрін бір үрлеп қағазға басып қалды.

Хажыны мылтықтылар киіндіріп алғып шықты. Көзінің жасы ағыл-тегіл болып:

— Сорлы-ай, кәртайғанда не күйге үшырадың?— деп бәйбіше жылап қоя берді. Хажы да теріс айналып көзін сүртті. Бәйбіше Ұлбосынға бірдеме деп бажылдайын деп еді, «сіздің жұмысыңыз болмасын» деп мылтықтының біреуі қайырып тастады.

Терлең тоқазып тұрған аттар, шанаға аяқ тиер-ти mesten ала кеп жөнелді.

Бәйбіше де жөнеле бергендердің артынан көзінің жасын домалатып:

— Кер заман, кер заман! — деп дауыс қылды.

Март, 1928 ж.

ОТТАН ҰШҚЫН¹

1

Тағылы тауынан аса соққан октябрьдің өкпек же-лі, жұмысшылар барагының бүйірін солқылдатып жи-берді. Шіріген тақтайдан жасалған есіктің жактаула-ры дауылды желге төтеп бола алмады. Есікті еріксіз ашып кірген жел, ыскырынған дыбыспен барактың ішін басына қыдырып, каз-қатар тұрган жұмысшылар кейкесінің асты-устін тіміскілей түгел аралап, олар-дың әр жерінде жылтыраған білтелі май шамдарды үрлеп сөндірді. Баракты тымық қараңғылық тұншық-тыра бұркеп алды.

Бұл — күндізгі сменадан келген жұмысшылардың болмашы, інерсіз тамақтарымен жүрегін жалғап, кой-каларына үйқыға жатқан шағы еді. Олардың тыныш-тығын, тұнгі сменага баруга жиналғандар бұзды. Элі киініп болмаған олар, жел шамды сөндірген кезде, топтала жиналып, құңқілдеген кеңеске кірісті.

— Бұл қараңғы көрde отырудың сәні жоқ,— деді Антип Лескин, көптен бергі жұмыстас досы Кемербе-ков Элшайеске, тыска шығып,— жұмысқа жеткенше қимылмен жылтынайық, аяғым мына суық барактан қатып қалды...

Аяғы тоңған тағы біреулер тебіне бастап еді, қа-раңғыда шылпылдаған саздың дыбысы естілді.

— Мұндай ғурмысқа қалай шыдауға болады, жа-nym-aу! — десті әркімдер ызалы үнмен.

— Менен тұған баланың бәрін осы барак жұтты...

— Осы барактың сазынан, менің әйелім екі тізесі-нен бірдей басұр бол, төсегінде козгала алмай жатқан жоқ па?..

— Құрт аурудың үясы емес пе, бұл барак? Талай-дың өкпесін шірітіп жеген жоқ па?..

— Сонда, тамақ тойса бір-сәрі-aу!.. Аш кісіні ауру айналдырмашаңда қайтушы еді?..

— Айна үш-ақ сом еңбекақы алсаң, тамагың қа-лай тояды?..

Осы құңқілдер біраздан кейін шуға айналып, шу-

¹ Успен (Нілді) кен ошағында 1905 жылы болған жұмысшылар көтерілісі туралы Қазақстан Орталық архивинда сакталған документтерден алынып жазылды.

қимылға айналып, барактың іші ерсіл-қарсыл жүріс бол кетті. Қараңғыда біріне бірі соқтығып, бірінің аяны бірі басып... дегендей, салырылыс көбейген шақта:

— Апырау, жарық неге жақпайсындар біреуің?!

— деді әлдекім,— сіреңке тұтатындаршы құдай үшін!..

— Қайдан аласын оны?— деді екінші,— дүженге сіреңке түспегелі жұмадан асты.

Бұл қимыл мен бұл шуга араласпай, Федор Засыпкин мен Исхақ Қашқымбаев бір койкада қатар отыр еді.

— Сенде бар еді ғой сіреңке,— деді Федор Исхақ-қа,— жақсайшы, шулатпай аналарды!..

— Ақшасын төлесе жағам,— деді Исхақ қалжыңды үнмен.

— Қанша алушы ең бір сіреңкеге?— деді оның үнін таныған Әлпейіс, ұнатпаған дауыспен.

— Бір сіреңке бір тыны...

— Тез байды екенсін онда!.. Каробкаңың елу ти-ын болғаны ғой ол?..

— Қымбатсынсаң жақтырма!..

— Біздің терімізді соймаған сен-ақ қалып ең енді, арзаныңды қымбатқа сатып!..

— Соны да сөз деп айтып тұрмысын?.. Мен кен ошағының басқарушысы Нельсон емеспін, жылына жетпіс мың сом ақша алатын. Мен де өзіндей жұмысшымын...

Одан әрі, ол екеуінің жанжал сөздерін жұмысшылардың шуы беліп кетті. Берінің аузындағы сөз: за-вод басқармасын кінелая, сегу, боқтау...

Әлпейіс сол кезде Исхақтан алған сіреңкені тұтатты да, сөніп қалмасын деп алақанымен қалқалап, майшамның білтесіне тигізді. Тоңазыған білтенің шырылдай от алған үшінна Засыпкин сағатын тосты да:

— Үақыт бол қапты, кеттік сменага!— деді..

2

Ол кезде далада жынды боран бүркүрай соғып тұр еді. Сол боранға қақала-шашала, үйген күртігіне сүріне-жығыла, баракқа екі адам жақындей берді: бірі — Павел Торопкин, екіншісі — Әлімжан Байшапыров. Оларды бөлгөгісі келгендей, беттеріне қар лактырған жынды жел өршелене орай тұсті. Жұру аса қын-

га соқты. Аяқты тұсауымен ғана қанағаттанбағаң боран, жаяу келе жатқандарды қатты шапалағымен бетке осты, шекені құрсаудай қысты, өкпені қыған темірдей қарыды...

Өзара сейлескілері келгенмен, сейлесер сөздері де көп болғанмен, бораннан тұншықсан олар тіл қатыса алған жоқ. Сол қалпымен келе жатып, олар қарғасқан барактың төбесіне шығып кетіпти. Өйтүлерін ең алғаш Әлімжан сезіп:

— Паша,— деді Горопкинге,— біз қайда шығып кеттік, аңғардың ба?

— Қайда?

— Барактың төбесіне..

— Оны қайдан білдің?

— Мына бір сорайып тұрған, біз ізден келе жатқан барактың пешінің мұржасы!..

— Қойшы?— деп таңданған Павел, мұржаның көсина кеп, Әлімжан сөзінің растығына көзі жетті де, — есігін қайдан табамыз мұның? — деді.

— Эне бір тұста болу кеरек! — деді Әлімжан, қолы мен нұсқап, — Ұста, менің арт жағымнан!.. Төменгө жылжып түсіп көрейік. Құлап қап жүрме!..

Сақсынған Әлімжан, сенген Павелды ала, барактың бір тұсынан омақата құлады. Екеуі де қалын, жұмсақ, күртікке күп періп кіріп кетті. Тақырга түскенде жараланып қалулары мүмкін еді.

Дес бергенде, құлаған жерлері дәл есіктің алды екен, — күртікten шықкан Әлімжан тани кетті. Есікті сыртына қарай ашса, күртікті аршу қынға тусер еді, ішіне қарай ашылатын болғандықтан, қалың буга орана, екеуі баракқа кіріп келді.

— Бұ кім, әй, түнделетіп жүрген? — деген дауыс шықты қаракөлеңке барактың ішінен.

— «Подрядчик емес пе екен, смена кешікті деп келіп жүрген?.. Әлде, урядник пе екен, кейбір түндерде тексеріс жасайтын?!..» деген қорқыныш кірді, өркімдердің ойына. Өзгелері осы ойларын білдіріп кубірлесе бастаганда, Антип пен Әллейіс, келушілерге көз тігіп, үн-тұнсіз сазара қалды...

Үрейлене қараган келушілердің кім екенін, жұмышылар олар жарығы әлсіз білтенің қасына келгенде ғана таныды. Өз жолдастарын көрген олардың қо-балжыған көңілі орнына түсті.

Павелға уақыт қымбат. Ол қардың бетіне жабыс-

Қан қалдығы мен еріген сұын сүртті де, қойнынан суырған қағазды жарыққа тоса жазып оқи бастады. Жұмысшылар тым-тырыс бол тыңдай қалысты.

«Біз — Успендерінде кен ошағының жұмысшылары,— орыстар және қазақтар, туысқандық одақ жасаймыз да, капитализммен күреске шығып, төмөндердегі істерді талап етеміз:

«Візге сатылып берілетін бүйымдардың бағасы тез арада төмөндердеп арзандасын;

«Жұмыс сағаты сегізге түссін де, еңбекақы жиырта ма бес процент өссін;

«Орыс және қазақ жұмысшыларының балаларына арналып мектеп ашылсын;

«Жұмысшылардың тұрақ жайлары тез түзетілсін, аурухана салынып, дәрігерлермен қамтамасыз етілсін;

«Бұл шарттарды орындау үшін, Нельсонга бір жұмалық уақыт берілсін, егер осы мерзімде орындалма-са, орыс және қазақ жұмысшыларының жалпы көтерілісі жариялансын!..»

«Үндеу осымен аяқталды» дегендегі, Павел қағаздан көзін алып, анталай қамаған жұмысшыларға қарап еди, оның ендігі айттар сезін айтпай-ақ түсінгендей кескінмен:

— Қоямыз қолымызды! — деп бөрі ду ете түсті.

Алақандай қағазға тәне қарағандардан, хат біле-тіндердің өздері қол қойды, білмейтіндері үшін біреулар қол қойысты, біреулер «жазага тартса өз таңбамен тартылайын» деп білте шамның ысына тосқан бармақтарын басты...

Засыпкин мен Қашқымбаев, үндеу қағаздың маңына жолаған жоқ. Оны аңғарған біреулер:

— Сендер неге қол қоймайсыңдар? — деп ду ете түсті.

«Кім?» дегендегі, Әлімжан жарықты көтерді де, кімдер екенін таныған соң:

— Нельсонның жыртысын жыртып түрғаны да! — деп білтені орнына қойды.

Шу үдей түсті:

— Мүмкін, шіріген жұмыртқа болғылары келген шығар!..

— Шпион емесін қайдан білдіндер?..

— Серіктегін тиынға сататындар болады дейтін!..

— Қабыргаларын күйрету керек, онда!..

Бұл шуды Павел әрең дегенде басты.

— Тыңшы болса, бола берсін,— деді ол,— біз бұл ісімізді ешкімнен де жасырмаймыз. Талап хатымызды Нельсонға ертең қолымыздан береміз. Бұл тақсырлардың қолдарын қойса да, қоймаса да еркі...

Павел солай дегенмен, төне қараушылардың көздері тым ішіп-жеп бара жатқан соң, Федор мен Исхак қағазға еріне жақындағы да, амалсыздан қолдарын қойды...

3

Екі қолын қалтасына салған Нельсон комната да ауыр адыммен ерсіл-қарсылык жүрді. Сәкіге тәселген түкті жұмсақ кілем, ол басқан аяқтың тықылын тұншықтырып, естіртпеді. Бөлменің төбесінде үркердей шоқталып жаңған люстра шамының шаңқан жарығы стол үстіне жиын жайылған әдемі ыдыстарды одан да көріктендірді. Қызыл барқыт орындықтар, кең столды, сәнді киінген қызы келіншектей қоршады. Үйде гүлдене көріктенген есімдіктердің арасында торға қамалған шымшықтар шықылықта ойнады. Терезе алдындағы үшінші ыдысқа құйған мөлдір суда, нелер ғажап түсті балықтар жүзді...

Осынша рахаттың ішінде жүргенмен, Нельсон ма-засыздануда. Ол шымшықтардың шықылдауына да, сырттағы дауылдың терезе қақпаларын сықырлатуына да ытырына қарайды, оған әлдекімдер есік-терезені қиаратып кіріп жатқан сияқтанады...

Иә, ол бүгін аса тышсыздықта!.. Не істеуге білмен ол, бірсесе тес қалтасындағы алақандай алтын сағатын суырып, тілдеріне қарайды; бірсесе, осы бөлменің қабырғаларына айнала ілініп, май-бояумен әдемі жасалған портреттерге қарайды. Олардың ішінде II-Николай да, осы мандағы көндерді ашушы, атақты саудагер, Рязанов та, кең ошагының кейінгі иесі — француз капиталисі — Жан Карно да, оның өкілі — фон-Штейн де бар.

Нельсон оларға сүйсіне емес, сөгіне қарайды:

— Тамаша компанияның жиынтығы! — дейді ол, кекетінді күлкімен, даусын шығарып, сағатының қақпагын сырт еткізе жауып, қалтасына қайта сап,— біз — ағылшындар орыстың ахмақ патшасын да, есепкө шорқақ саудагерін де, француздың қызық құмар ка-

питалисін де алдап, бұл кен ошағын қолға түсірдік.
Енді оны уыстан оңай шығара қоймаспый!..

«Дегенмен,— деп ойлады ол, аз кідірістен қейін,
өз денесін өкшесімен айналдырып жіберіп,— Карно-
ның да еңбегін бағаламауға болмайды. Француздар
мылтықты ғана жақсы атпайды, сауданы да жақсы
жасай біледі. Орыс патшасы бұл даланы ағылшындар-
ға өз қолынан сатуға қорықты,— бұдан да Индия жа-
сайды деп хауіптенді. Карно арқылы қолымыз лекпе-
генде, бұл дала бізге жоқ еді!..»

Бұл ой денесін біраз салқындаған Нельсон, тағы
да қызынып, қолдарын қалталарына біресе салып, бі-
реле алып... дегендей, жүрісін жиылатуға айналды.
Соңғы күндердің оқигалары тиышсыздандырып оны:
Россия орталығында күшейген революция дауылдының
екпіні мұнда да жетіп жатыр, мұндағы жұмысшылар
арасында да қозғалыс басталып, көтеріліс хаупі туып
тур!..

— Осындағы сауатсыз, надан жұртты желіктіруші-
лер кім болды екен?— деп ызалаңады ол..

Кеудесін кернеген ызынның ұтынын теккендей, алды-
на кез келген орындықтарды теуіп ұшырып жіберді..

Тағы да сағатын суырып, тілдерінің жалқау жүрі-
сіне ызалаңа түседі ол; соғуы дұрыс па дегендей, құ-
лағына басып тындаиды ол. Өйтпегенде қайтсін, ал-
тынмен жылына жетіпс мың сом жалақы алады. Тегін
алуға болмайды, онша көп ақшаны. Ендеше,— қасқыр
ұстаган қояндай, көтерілісті мейірімсіз тұншықтыру
керек, ұйымдастырушыларды тез тауып, кен ошағы-
нан аластау керек!..

Кім оны істейтін?.. Полиция!.. Одан басқа ешкім
де жоқ мұнда, көтерілісті баса алатын!.. Мүмкін, бұл
рольді жергілікті болыстық управитель Жәкен Мұста-
финмен, оның кандидаты,— Исақ Жамантықовтың
атқаруы!..

«Ең тез және ең жақын жәрдем осылар» деп ойла-
ған Нельсон, столын бүгін, соларды қонақ қылуға
әзірледті. «Үйімде Азия тонының иісін шыгарып ке-
тер, азар болса. Оған менің ештеңем де құрымас, тек
жәрдемдері тисе болды» деп ойлады ол...»

Есік алдына байланған неміс овчаркасы үрді...
Оның дауысынан сескенгей Нельсонның тұлабойы ді-
рілден кетті. «Көтерілісшілер болса қайтем?!»— де-
ген ой кел кетті оған. Егер олар болса, тутіп жейтін-

дей көрді. Сол қорқынышпен есік алдына барса, аспаз өйел, есіктің ішінен ілінетін темір шынжырын ағытқалы жатыр екен. Нельсон әйелді үнсіз қимылмен итеріп жіберді де, үн шығарғысы келген аузын алақанымен баса қойды. Сыртқа құлағын тігіп еді, ешбір дыбыс естілмеді.

— Елікбайды шақыр! — деп сыйырлады ол аспаз өйелдің құлағына.

— Елікбай — келетін қонақтарға асханада қа зақша тамақ даярлап жатқан кісі еді.

— Біреулер келген сияқты, — деді ол, қасына етпен басып келген Елікбайға, — білші, кім екенін, дыбыс беріп!

Елікбай білсе, — Жәкен мен Исхақ екен. Қуанышы қойнына симаган Нельсон есікті кең ашып, аса жылы шыраймен, құщақ жая қарсы алды. Даладағы сұықтың буына бөлөнген оларға ере, үйге тағы екі кісі кірді. «Бұлар кім?!» дегендегі одырая қараган Нельсон-ның сезімін кез жанарынан аңғарған Жәкен, семіз десін қозғай, ентіге дем алды да, асықпай-саспай, әуелде сыртқы қасқыр ішігін шешіп, киіміне жүққан қарды қағынып:

— Корықпаңыз, ез кісіміз! — деді.

Қобалжыран көңілі тышталған Нельсон, жатыр-қаған адамдарына сырт киімдерін шешкеннен кейін үңіле қарады да, жымын қойды. Өз адамдары екенін енді ғана таныды ол: Қашқымбаев пен Засыпкин!..

4

Боран басылды. Оның орнына сықырлаган аяз отырды. Үскірік аяз адам түгіл, күннің де бетін шаршып, қалқайған құлағын күп-күрең ғып жіберді. Аяқ басқан жердің қары, құйрығы басылған күшкей қыңыслады.

Бірнеше күннен бері бекерге үнірейіп бос тұрган шахты алдына бір топ жұмысшы жиналды. Суық қысқан олар кірпідей жиырылып, тобарсуға айналған аяқтарын жылтытпақ бол, тұрган жерлерінде билей тынырлады...

— Бұл не деген суық?!

— Күн неге курендене құлақтанды екен?.. Қан төгліп жатқан жоқ па екен бір жерде?..

— Төгіле берсін! Өзіміз аманбыз...

Соңғы сөзге біреуі байлана кетті:

— Қалайша аманбыз? — деді ол, — біз сияқты көтерілген біреулерді, бір жерлерде қырып жатпағанын қайдан білдің? Бізді де қырмасына қай-көзін жетті?..

— Біз тәбелесіп тұрган жоқпыз ғой?

— Бұлай тұрганнан, тәбелескеніміздің өзі жақсы еді!..

— Тәбелесіп көр, Әлімжан мен Павелдей өзінді қамасын да қойсын!..

— Соларды не істейтінін білдіндер ме? — десті бәрі шуласа, шоғырлана қалысып.

— Ақмолага жөнелтеді дейді...

— Сонан соң?

— Одан әрі айдайды дейді...

— Алырау, біздікі не осы?.. Біз үшін қамалды ғой олар!.. Қорғаныш бола алмадық қой біз оларға!..

— Әлі де боламыз!.. Егер босатпады бар ғой, жанжал жасап тартып аламыз!..

— Истеп көр оны, мықты болсан!.. Ақмоладан отряд кеп тағы да не көрсетер екен өзіңе!..

— Ол рас, — деді көпшілігі курсініп, — мылтыққа қарсы кім тұрады?.. Амалсыз бағынған жоқпыз ба? Өкіметтің де жайын көрдік. «Ол байдың жағы» деген сөз рас екен...

Осылай сәйлесіп дірдектеп тұргандардың ішінен, біреуі:

— Мен қатып қалдым. Құн төбeden ауып кетті. Енді шыдай алмаймын, кетем! — деді.

— Менің де шыдағым кеп тұрган жок, — деді екінші, — көтеріліс басылғаннан кейін, бұлай толталудан түк те шықпайды. Біздің тілегіміздің бірі де орындалмайды. Одан да жұмысқа шығайык...

Сол кезде Нельсонның қорасынан, екі семіз атты көсем жеккен өдемі шаналы, қасқыр ішікті адамдар шыға жөнелді. Аттар айдаусызың-ақ еліре шапты.

— Жәкен мен Исхақ! — десті жұмысшылар.

— Кетсің, иттің балалары!..

— Тамактары тоқ, киімдері жылы, сұық не істейді оларға!..

— Тегі көнілді кетіп баратқан болу керек өздері...

— О не дегенің?.. Көтерілген жұмысшылардың арасына іріткі түсіріп, біріне бірін қарсы қойып, жанжалды басып берген олардан Нельсон несін аяды дейсін?.. Тыққан шығар көмейлеріне сыйғанша!..

Олардың артынан, Нельсонның қорасынан шана-
ларға үйіле-төгіле мінген қарулы солдаттар шықты да,
Ақмола жаққа беттеп жүріп кетті. Алдыңғы шанада
Ақмоланың уездік начальнигі Нехорошев кетіп барат-
қанын жұмысшылар танып тұрды.

— Эне бір қоршагандары Павел мен Әлімжан!—
деді төне қарап тұргандардан біреуі,— Ақмолага әкет-
кені ғой оларды!.. Віздің тілегімізбен есептеспегені ғой
мұнысы!..

— Бөгесек қайтеді алдын?..

— Егер күшің жетсе!— десті жұмысшылар ауыр
курсініп.

Нельсонның семіз аттарына мінген отряд алыстай
берген-ді. Аздан кейін Нельсонның үйінен, ас пен арак-
қа тойып, беттері шиқандай қызыарған Қашқымбаев пен
Засыпкин шығып, жұмысшылардың қасынан өте шық-
ты. Зұлымдық қылыштарына үялмаған бейне көрсетті
олар. Несіне ұялсын — жұмысшыларды сатулары бі-
ринші рет емес.

Олар аттанарда қасында тұрган Павел мен Әлім-
жаннан да ұялмай, беттеріне тұра қарады. Нельсон да
сол арада тұр еді.

— Міне, қайда басын кесетін адамдар!— деді Әлім-
жан Павелға, шанаға мініп жатып.

— Оны істер күнге де жетеміз!— деді Павел сенім-
ді дауыспен.

Қақпадан шыға жөнелгенде, Павел Әлімжанды
шынтағымен тұртіп қалды да:

— Көрдің бе ананы?— деді.

Павел қолын нұсқаған жаққа Әлімжан қараса, шах-
ты төбесіне кеше,— көтеріліс күні өз қолынан тіккей
қызыл ту әлі сол қалпында желбіреп, нарттай жанып
тұр екен. Бұл көрініс Әлімжанға женілудің емес, жену-
дің бейнесі сияқтанып кетті. Суық ауада ол демін ішіне
еркін тартты. Павел мен Әлімжан қараган сайын қы-
зыл ту жарқырай тұсті.

Ноябрь, 1935 ж.

СУАЛМАС САУЫН

1

— Құдайы құрғырдың күні от бол жанып кетті ме, не қылды? Адамның миын қайнатып, шекеден өткен ыстық табаннан бір-ақ шығуға айналды. Таз кісінің басында жап-жалаңаш неткен дала!.. Осы жолға мені айдаған құдай ма, адам ба?.. Құдай да емес, адам да емес, шайтан тұртіп, жоқ жерден кәсіп іздей қалған езім! Мені ұрып елтіретін кісі жоқ. Қасқырбай — «алыстан арбалаганша, жақыннан дорбала, шаңырақтың үш күлдіреуішінен, ошақтың үш бұтынан тіле!» дегенде тілін алмадым, «байлар қасқунем болатын еді, есігінде жүріп жалшы болған маған, баратын жолымнан табатын табысымды қимай тұрган шығар» дедім. Бір жағынан Досымжаның сөзі де қамшы болды. Ол бала жастан бірге өсіп, біте қайнаган досым еді. Жалшылықтың зардабын екеуміз бірге тартқан ек. Ақырда ол талпынып, қызыметкер болып кетті, ал, мен айыр мен қүрек арасында қалып қойдым. Обалы не керек, өзі тере болғанмен, кедейді залалға итерген жері жоқ оның. Сол Досымжан: «Ауылда жүріп не бітіресін? Колхоздың жұмыскері жетеді, ағанды мұнда қалдыр да, өзің Қарағандыдан келіп колхоздан шартпен кісі алып жатқан өкілден калма. Ол Қазақстанның майдайдағы жұлдызы сықылды өндіріс орны. Егер онда барсаң жұмыскер боласын. Бұл үкіметтің тізгіні жұмыскерде. Тұрмысың колхоздағыдан артық болмаса кем болмайды» деп үгіттеді. Үйден соның сөзіне елігіп шығып қап ем. Бұрын ауылдан ұзап шықпаған адам, бір жұмаға жақын жолаушылағасын қажуға айналдым. Аштық-тоқтық көрсем де колхозымда жүрмеген екем!..

Жынды кісідей өзіне өзі осылай сөйленіп отырған Тастан, құрым киізден істеген күркеге кіріп, басына күн өтпеуге бір кенеп орамалды байлады да, далага қайта шығып, шай қайнататын отын іздеуге кетті. Сәскеден жоғары өрлеп, Арқаның бұлтсыз аспанына жүзген күн, ыстық лебін күшшайтес түсті. Жел тып-тымырсық бола қалды. Жаңа жағылып, алғашқы пардың лебімен дуылдап тұрган моншадай далада дем алуудың өзі қынга соқты. Ішке тартқан дем жалынның лебіндей өзекті өртеп кетті. Біраз қараған, баялыш, тебыл-

ғыларды қопарып алып, қосқа қарай арқалап жөнелгенде, ыстық күннен құргаған Тастанның тілі таңдайына жабысып қалды.

Таңдайы қатқан Тастан қосқа кеп, сусындағын деп еді дәнеңе табылмады. Елден алып шыққан көже-қатықтарының торсықтары сарқылып кеше бүктелген. Су іздең еді, маңайда жоқ екен. Таңдайы одан жаман қатып бара жатқасын, құркеге созыла кеп кірді де, қорылдаپ үйқтап жатқан жігіттердің арасына қисаң кетті.

«Мен бұл араның жолын білем. Менен басқа адам сендерге басшы болса, жолда шөлден қатырады. Мен біреуіңнің ернінді кептірмей, бұрынғы ел-елдің жайлауындағы құдықтарды аралатып отырып Қарагандыға бір-ақ түсірем» деп мардамсыған Жолдығұлды «тапқан сұың мә!!..» деп Тастан маңдайға тапсырып жіберуге бір оқтанып, жұдырығын көтере берді де, сабыр етті.

Құркеге кіргесін, құргаған аузына түкірік жинала бастады. Тастан өз түкірігін өзі зәмзәмдей, мейірі қана жұтты. Ептең денесі жайылайын деді...

Бұлар үш қос, қырық сегіз кісі еді. Бәрі де қылқын кескендей жас жігіт. Жолшыбай сауық қын барамыз деп, Тәуіrbай деген өлеңшілеу жігіттің сырлы кек домбырасын ала шыққан. Тастан жаны көлеңкеде аздап сая тапқасын, жан-жагына қарап еді, көзі кек домбыраға түсті. Аздап көңіл жұбатайын дегендей, қолын созып домбыраны алып, шегін ақырын іліп-қағып көрсе, түндегі бұрауы сол қалпында сыңғырап түр екен. Бірақ қатты қағуга болмайды, жолдастары шырт үйқыда.

Домбыраны кеудесіне басқан Тастан ойга кетті. Сырт қараганда түйық жігіт сықылды болғанмен, Тастанның той бастарлығы мол еді. Шылдаханада, келіншек келгенде, құда түсерде... деген сияқты сауықтарда:

— Тастан, кәне, бастап жіберші, «ауылдың алты ауызыны!» десе, тамағын кенеп:

«Еу, ал десе міне шаптым боз ойнаққа,
Келіллін, құдай айдал қызойнаққа.
Агалар айт дегенің өлең болса,
Басайын «он екі звот бес будаққа!»

деп жөнелетін. Міне, осы өлеңді ол, қостың ішінде де айта жаздалап, жан-жагында үйқтап жатқандарға көзі

түскесін тоқтады. Дауыс тоқтаганмен, ішінде актарылған өлең тоқтаган жоқ. Аузы ғана жыбырлаған ол, әдette айтатын тағы бір өлеңін іштей жалғастырып әкетті:

«Әуелі керек нәрсе білім деген,
Білімсіз елтипатқа ілінбеген.
Екінші — елден таңдал бір сұлу ал,
Қиғаш қас, оймақ ауыз күлімдеген.
Үшінші — елден таңдал бір жүйрік мін,
Шапса да қазған орга сүрінбеген.
Төртінші елден таңдал, бір мылтық ал,
Көзіңе көрінгенде мұдірмеген.
Бесінші — заманыңда күл де ойна,
Бір күні шал боларсың дірілдеген!»

Осы арада оның ойы аз бөгелді. Өйткені «жүйрік ат, сұлу катын, тұзу мылтық» оның ес білгеннен бергі арманы еді. Сол арманды көзіне қайта елестеткенде, бозбалалардың мына әлеңі аузына тағы еріксіз кеп түсті:

«Тыңдасаң жақсы өлең — құлак құрышы,
Тәтті үйқы, қалың тәсек — жанның тиши.
Жүйрік ат, тұзу мылтық, сұлу катын.
Жігіттің мал мен бағы, дәүүлет құсы
Қатының жақсы болса жайлай жердей.
Онымен өмір сүру, биік өрдей.
Шабан ат, өтпес пышақ, жаман катын,
Күйсіз құс тұлқи алмайды бәрі бірдей.
Бай кісі үйде отырып малды айтады,
Сал жігіт сүйре ғашық жарды айтады.
Шабан ат, өтпес пышақ, жаман катын,
Үшеуі ер жігітті қартайтады».

Бұл өлеңді аяқтағанда, Тастанның ішінде дауыл соқты. Оған себеп,— арман қылған «сұлу катын, жүйрік ат, тұзу мылтық, алғыр құс, өткір пышақ» оның өзіргі өмірінде қолына ілікпей келеді. Ал, азарда-безер боп, ат-тонын ала қашатын «шабан ат, өтпес пышақ, жаман катын» жасынан үйір болды.

«Шабан ат» дегені — оның сегіз жасында, экесі Тілеубек сатып алған кайқы бел қарагер мәстек. Он шақты жан кунелткен жалғыз мәстекке өмірінде жал біте ме? Жазы, қысы қабыргалары сидиып, борбайы тыртыып, арқасынан қанды ірің ағып, журмей ме? Өмірінде мойнынан қамыт түспегесін, қамшы кесті болған ол мәстек шабан болмаганда кім шабан болады? Қендір құннтың түйік жағымен қабыргадан ала бес-алты рет

тартқасын, құйрығын жетеріп, арба, шананы теуіп түршіп алмай ма ол? Осы «арам қатқыр кү мәстекті» Шоқбыт та, Тастан да ашуы келгенде, талай рет бауыздап тастамақ та болды, бірақ, оны бауыздаганда жақсы атты кім береді. Сол шабан мәстек шегелеп қойған ырыстай қанша тепсе де кетпеді. Арқа тері арша, борбай еті борша болса да, жаны сірі немедей, өлмей журе берді де, табаны күректей жиырма үш жасап, былтырғана құдыққа құлады. Міне, Тастанымыздың мәндайына жазылған «шабан аты» осы.

«Жаман қатын» дегені — жеңгедей алған Долданай. Тастанның ағасы Тасқұл бұдан төрт-бес жыл бұрын өлген. Оның бес баласымен, жасы отыз бестерге келген әйелі осы Долданай қалған. Тастан Долданайды жақсы біледі: қолында есті, баласында бол есті. Ағасы өлген жылы Тастан жиырмада еді. Долданай одан он бес жас үлкен, өзі елде атаққа шыққан көкайыл... Жасынан күл-көмірдің арасында, қорлықта, тәрбиесіз өсken Долданайдың екі сезінің біреуі «өкеңнің аузы...» Сол тілінен ол талайдың ауыр таяғын жеп те бақты. Бірақ, сүйекке сіңген әдет кетпеді, қанша тепкілесгенмен, ешкім оны өлтіріп тастай алмады. Өлтірмей ұрғанга ол тілін тыймады... Міне, осы Долданайды ағайыны «аға өлсे іні мұрасы; ағаңның шиеттей балаларын қайда қаңғыртасын? Шаңырағыңды бұзба (онда бір шаңырақ бар немедей!), екі жарты, бір бүтін бол! Сенен ыңғайлыш адам жоқ, Таstemірдің өзінде бала-шага кеп» деп ерікіз қосты.

Жас байға тидім деп Долданай тілін тартпады. Қосылғанына екі-үш күн өтпей-ақ, әкені қойып, Тастаның өз аузына жіберді. Тұзақтан Тастан басын босата алмады. Осы Долданайдан ол былтыр өлгенде гана құтылды. Онда да сүзек қағып әкетпегендеге, «жаман қатын» кім екенін Тастан әмір бойы көретін еді.

Міне, осындаі тамық түрмисыста жасаған Тастан, Қарағанды жақсы деген сөзben «неде болса тәуекел!» деп үйінен аттанған еді. Қарағанды оның көзіне өзі арман ететін «сұлу қатын, жүйрік ат, түзу мылтықтың» бәрін тауып берердей елестеген еді.

Ауылдағы азапты түрмисының аңы дәмінен жүргегі айныған Тастан, тар қостың ішінде пысынай жағып, ізден келе жатқан Қарағанды туралы ойлап кетті. Жалпы шахты дегенді, оның ішінде көмір шахтысын

естігені болмаса, көрген емес ол. Естуінше, Қарағандының көмірі жердің астынан қазылып алынады...

Тастан өзіне «ол көмір жер астына қайдан барды?» деген сұрау қояды. «Ауылда көмір күйдіргенде, ағашты жағып, үстіне қалып шымды үйетін еді, тұтіні ғана шығып, жалындармай бықсып жанған ағаш көмір болатын еді... Қарағанды көмірі осылай жасала ма екен? Егер қолдан жақса, осынша көп бола ма? Пәлен мың кісі қазып тауыса алмайды дейді!.. Жаққан адам жерге неге көмеді оны?!»

Ойы осылайша шатасқан Тастан қалғып кетті. Аржагы түске айналды: көмір дегені алтын боп кетті... Алтынды ол қалталап емес, қапшықтап жинады...

2

— Апыр-ая, бұз не деген зор қала?! Мынаның ішіне кірген адам адасып кетіп, жатар жерін өмірінде таба алмас! — деді Тастан қасындағы жігіттерге Қарағандының солтустік деңгейіндегі адырға шыға келіп, қала ең алғаш көзіне түскенде.

— Рас, мынау бір керім екен! Айналасына ат шауып жете алмас мұның! — деді қасындағы Балғабай.

— Ат қайдан жетсін мынаган. Аттың әулиесі көп болса жиырма бес шақырым шабады. Мынаның бір жақ бетінің өзі жиырма бес шақырым бар шығар. Эне қала!.. Эне қала!.. Эне, құншығысында екі қала!.. Эне, құнбатысында үш қала!.. Ойпырой, қаланы да сала білген екен! — деді Тастан.

— Бұның қалалары тұтас болмайды екен той, қалаланың арасын жарты шақырым, бір шақырымнан салғанша тұтастырып неге жіберменеген? — деді Балғабай.

Неге олай екенин ешқайсысы да білмей, бірауыздан «кім білсін?» деді де қойды.

— Өзі, осы қала..., күйіп жатқан жоқ па? Сона бір сорайған бірдемелерден шығып жатқан қара қошқыл тұтін не? — деді Тастан аздан кейін.

— Бара көрмесек қайдан білейік, — десті өзгелері.

Қарағандының сыртқы көрінісіне таңырқаған бұлар, бірден бірге сұрастырып жұмысшылар алынатын контораны тапты:

— Хош келдіңіздер! — деп құмсағын жая қарсы алды оларды, контора бастығы.

— Казаков бригадасына берілесіздер, сіздер,— деді бастық оларға.

— Ол мына кісі,— деп алып зор денелі кісіні таңыстырды.

— Біз орысша білмейтін едік,— деген сөзге:

— Казаков қазақша біледі,— деп жауап берді бастық.

Казаков олармен қазақшалап сөйлесе бастап еді, «қ» әрпін «к» ғып, «ғ» әрпін «г» ғып айтқаны болмаса, байрығы қазақтай сөйлеп ағып тұр.

— Жеке үйге орналасу жайы кейін бола жатады,— деді бастық жігіттерге,— өзірге жалпылық жатақ үйде мекендегендегі тұрасындар.

«Жатақ» дегені — дөңес жердің етегін жыра салып, терезесін жабығына орнатқан ұзыннан-ұзак үй екен. Оның іші жалпылық вагонның ішіндегі тақтаймен бөлініп, әрбір бөлімшеге жұмысшылар қазақтар жатадын койкалар қойылған. Үйдің ортасын қақ жарған тұстас коридор.

Жатақханаға келген жұмысшылар өуелі моншага түсіп тазаларын киінді, одан кейін асханаға барып ауқаттанып алды. Жатуға олар кештетіп келсе, сменадан қайтқан адамдардың дауысынан жатақхана іші у-шу екен. Өз орындарын тапқан жаңа жұмысшылар, шудан мазалары кете тұра, жатып тынығуға кірісті.

Шаршаган өзгелері тез үйқыға кеткенде, Тастанның көзі бақырайып жатты да қойды.

«Тұрмысымыз осы болса, көгендереген қойдай қазақтар тізілдік»— деп бір ойлап қойды ол. У-шуы аз, адамы сирек ауылы түсіп кетті оның ойына. Әлденеге ол көзіне жас алды...

Сондай ойдың тереңіне сүңгіген ол қалғып кетіп еді, өлдекім ояты, көзін ашса, қасындағы жолдастары түрегеп, киініп жатыр екен. Мезгіл, түн сияқты, әлек-тірдің інірде шаңқан жарығы әлі де шақырайып тұр.

— Неге ерте дүбілдіңдер?— деді үйқысы канбаган ол керіле есінеп, жолдастарына:

— Казаков кей оятып кетті. Таң білініп қалды дейді, шахтыға барамыз дейді... .

Тастан киініп болғанша Казаков қайта оралды да, бөрін асханаға апарды. Өзгелерінің не ішіп, не қойғанында Тастанның жұмысы болған жоқ, ал, өзінің жүргегі әлденеге өрекпіп, тамағынан қою ас түгіл, қант салған тәтті шай әрең етті.

Жаяу бастаған Казаков жаңа жұмысшыларды шахтады аузындағы үйшікке алып кірді.

— Енді шахтыға түсеміз,— деді ол.

— Қалай?— деді жұмысшылар.

— Түсер тесігіміз мынау!— деп Казаков, ішін тақтаймен қызыған құдықты көрсетті.

Жұмысшылар үңіліп қараса, қарауытқан түбі көрінбейтін бір тұңғылық.

— Немен түсеміз, бұған?— десті олар.

— Лебёдка аталатын жәшік бар, кәзір келеді, соған мініп түсеміз.

Кім көтеріп түсіреді оны?

— Өзі. Электр қуатымен.

Лебёдка да келіп қалды. Казаков бастаған бір топ адам, лебёдкамен тәмен сырғи жөнелгенде, жүректері зырқ ете қалған бәрі бірауыздан «алла!» деп қалды. Тастанның өкпе-бауыры алқымына тығылып, аузынан шығып кетуге таянған сияқтанды, оның құсысы келді...

Тәмен заулаған лебёдка тоқтаған кезде:

— Келдік,— деді Казаков, есігін ашып,— шығамыз.

Дым — топырақ сасыған шахтының ішіне шыға, қалтарыстау бір қуысқа алып барған Казаков, әуелс шахты құрылышының қалай жасалғанын айтып түсін діріп алды да, жүретін және көмір қазылатын жерлерді аралатып көрсетті. Одан кейін, қайланы қалай ұстап, көмірді қалай шабу тәсілін үйретті.

Бұл сездерді Тастан құлағымен емес, көзімен тыңдагандай болып, шахтының ішін аралағанда, бадырайған екі көзі шарасынан шығып кете жаздады. Өйтпенде қайтсін,— жер астының қанша тереңдігіне түсін шамасы есінде. Осынша тереңдікте тірек қана ұстап тұрган сияқты төбе құлады бар гой,— енді қайтып жарық дүние көрүі жоқ!..

Сондай қорқыныштан бойы дірілдеген Тастанға Казаков қайланы ұстатты да, қолға ұстаган фонарьдың жарығына шағылышқан көмір қыртысын нұсқап:

— Ал, жолдас, кәне, сілтеп көр, қайланы!— деді.

Қарулы Тастан құлаштай сермеген қайланы көмірдің қалың қыртысына соғып-соғып жібергенде, көң шахтының іші қунғірлең кеткен сияқтанды...

«Не де болса тез болсын!» дегендей, Тастан қайланы өршелене соқты....

Хат білмейтін Тастан, колхозда қалған ағасы — Тастемірге тұрмыс жайын, амандығын айтып ұзақ уақыт хабарлаған жоқ. Жұмысқа жіберуін жібергенмен, іле сағына бастаған Тастемір, хабарсыз інісін қайдан, қалай іздеудің амалын таба алмай, езі барып білуге, колхоз жұмысынан босамайды. Және анау-мынау да жұмыс емес ол, ұсталық жұмысы. Егер ол кетсе, колхоз жұмысы тұрып қалатын сияқтанады.

Сүйтіп жүріп арада төрт-бес жыл өтті. Бір күні, ұсталық дүкенде темір соғып отырган Тастемірге, бесінші класта оқитын баласы жүгіріп келді. Қолында газет...

— Е, не болды?!— деді, дүкенге ентіге кірген ба-лаға Тастемір.— Неге жүгірдің сонша?

— Шүйінші, әке!

— Иә?

— Тәтемнен... хабар...

— «Тәтесі» кім?

— Тастан ағамды айтам да!..

— Иә?— деді Тастемір елеңдей ғап.

«Міне, былай деп жазған» деп, бала газетті оқи же-нелді. Ол сөздерге сенсе, Тастан Қарағандыда атақты көмірші болып, планын үздіксіз асыра орындаған, көп сыйлар алған...

— Не дейд, жаным-у!— деді нанарын да, нанбасын да білмеген Тастемір,— басқа бір Тастан болып жүр-месін!..

— Емес,— деді бала, сөзін ныгарлай айтып,— әрі фамилиясы тәтемдікі. Әрі, міне, сүгретін де салған,— деп, газетті әкесіне ұстата берді.

Кез нұры жас шағынан әлі таймаған Тастемір, баласы ұсынған газетті алып қараса, сүгреті басылған адам — аумаған Тастан!.. Мәндайына бала кезінде құлын теуіп түсірген айшық таңбасына дейін, он кезінің үстіндегі мәңіне дейін түсіпті. Қескін-кейіп дәл сонықі. Ал, бірак, ол дейін десе, «шакарна» киінген бір тәре: әдемі костюм, ақ жағалы кейлек, галстук!.. Бұрын тақырлап қырып жүретін шашын да өсіріп, сол жақ шекеден онға қарай жылмита қайырып тарап тасталты...

«Апырау, бұл біздің Тастан болса игі еді!»— дей ойланған қалған Тастемір:

— Айына қанша еңбекакы алатынын жазған ба? —
деді баласына.

- Оқыдым гой. Естімедін бе?
- Тағы да оқы!..
- Уш жарым мың!..
- Уш жа-рым мың?!..
- Иә, солай деп жазыпты.
- Ойбай-ау, ол тіпті көп ақша гой!..

Жазғаны солай! — деді, өз ішінде де «тілті көп қой» деп ойлаған тұрган бала...

Хабарсыз інісінің ақшасына емес, амандығына қуанған Тастемір, баласының оқуына сенбегендей, естияр біреуге оқытпақ болып, колхоз басқармасына келді.

— Шырағым! — деді, мінезі салмақты есепшіге таяндып кеп, — мына бір газетті оқып берші.

— Несін? — деді есепші, Тастемірге газетті қолына ұстатқанда.

— Мына мақаланы! — деді бала, газеттің оқуға тиісті жерін нұсқап.

Бұл мақаланы бұрын көрмеген есепші, жазылған хабарға Тастемірден кейін қуанған жоқ. Газетті қайта-қайта оқытқан Тастемірге:

— Бұны/оқи берудің қажеті жоқ, — деді есепші. — Ендігісін көзбен көру керек.

— Қалай?

— Іздеп бару керек!..

Тастемір ойланып қалды...

4

Бұрын аулынан үзап шықпаган, пойызға өмірінде мінбекен Тастемір Қарағанды пойызымен келіп вокзала түскенде, каптаған адамның арасынан қайда барарға білмей аңырып қалды. «Аты Қарағандыда» деп іздеп шыққаны болмаса, Тастанның адресі оның қолында жоқ.

Басы айналған Тастемір біраз отырып есін жинаады, көрінген адамнан «Тастан Тілеубековті білесін бе, шырагым?» — деп сұрастыра бастады. Біраз адам женин айтудың орнына оны мазақ қып күлді. Енді біреулер:

— Байғұс-ау, бұлай сұрап қайдан табасын? Қара-

ғандыда не көп,— адам көп. Адресін білмеген адамды табуға болмайды, әуре болмай үйіңе қайт!— деді.

Біреулер паспорт столына баруды ұсынды. Тастан-мір оны қайдан тапсын. Сол сандалумен бірер күн өтіп, Тастан-мір қайтуға толқи бастаған кезде, әлдекім Тастан-ның тұрағын біле кетті.

Білумен ғана қоймай, ол вокзал маңынан машина тауып алды да, жаңа қалада тұратын Тастанның пәтеріне тұра апарып түсірді.

Оз аулынан басқа жерді аз көрген Тастан-мірге алғаш келіп түскенде, есік Қарағандының өзі «Мысыр шәрін-дей» көрікті сияқтанып еді. Енді жаңа қалаға келсе, мұндағы зәулім, көркем, үйлер оның, өнінде көруі түгіл түсінеге кірмеген.

Әкелген жігіт Тастан-мірді есік алдына қалдырыды да, «мен біліп шығайын» деп, үйге кіріп кетті. Оған ере, қолына екі-үш жасар ұл баланы көтерген көрікті жас әйел шықты. Бұл Тастанның жұбайы — Асылтас еді. Тастан-мірді ол сыртынан естітін.

Амандастып танысқан әйел Тастан-мірді пәтеріне алып кірсе,— бұл сияқты салтанатты үйді Тастан-мір өмірінде көрген емес және мұндан пәтер болады деп ойлаган емес.

Тастан жұмыста екен. Құрметпен қарсы алған Тастан-мірді Асылтас одаша бөлмеге орналастырыды да, асқа тойғызғаннан кейін, інісі көлгөнше дем алын өтінді. Басы мамық жастықта, жамбасы жұмсақ диванға ти-ген, үйқыдан қалжырап жүрген Тастан-мір іле зеде қор ете қалды.

Ол со қалпымен ұзақ үйіктар ма еді, қайтер еді, егер сағынған інісі оны оятып жібермесе. Шырт үйқы-дағы Тастан-мір, әлдекім тұрткенге ояна кеп, қызарған кезін кең аша қараса, қасында бір тере отыр!..

— Тасеке, салаумаликем!— деп тере қолын ұсына бергенде Тастан-мір інісін кескінінен емес, даусынан та-нып құшактай алды... Ол ексіп жылап жіберді!..

Аз күн тұрып байқаса, Тастандай жақсы тұрған байды да Тастан-мір өмірінде көрген емес: пәтері кен, жасаулы, киім-кешегі мол, ішім-жемі көл-көсір, ақшада есеп жоқ сияқты... Өйтпегендеге қайтсін,— өзінің мол та-бысына, кеңседе қызмет атқаратын әйелі де бірталай улес қосады екен!..

Тастан-мір бұл үйге, «табанымды тап бастым» деп бекінген бір ойын ала келген еді.

— Шырагым,— деп айтқалы келген еді ол Тастан-га,— бет-бетімізбен осы бытыраганымыз да жетер енді. Қазір колхоз да ешкімнен осал емес. Онда да табыс кеп. Онда да еңбек атқарған кісі жақсы тұруға болады. Сен енді туған жеріңе қайт. Жақсы-жаман болсын, қалған өмірді бірге өткізейік. Бала-шагала бірігіп баскөз болайық.

Енді, Тастанның түрмисын көргеннен кейін, ол сөздерді айтайын десе, күрмеліп қалғандай, тілі оралымға келмей-ақ қойды. Тек қайтар алдында гана алыстан орагыта ескертейін деп еді түсіне қалған Тастан:

— Аға,— деді Таstemірге,— мені енді, не соқаға салып, не мал бақтырып қайтесін. Сүті суалмас сауынды жер астынан таптым. Қалған өмірge соны сауа берейін де. Сиыр мен биені сен-ақ сау!..

— Жөн сөз, шырагым!— деді айттар дауы жоқ Таstemір,— сүті суалмас сауынды, шынында да тапқансың. Ендігі тілегім — суалмас құтынды тәнірі, тек, үзағынан сүйіндірсін!..

— Айтқаның келсін!— деді Тастан.

Октябрь, 1933 ж.

«ТІЛ» АЛУШЫЛАР

1

— Бұл жолғы барлауға «тіл» өкелем деп өзіне өзі сенген гана жолдас барсын,— деп ұшқынды кішірек қара көзін айнала ойнақшыта жүгірткен командирға:

— Мен, жолдас младший лейтенант! Әкелем тілди!— деді Расулов.

Расуловтың уәдесінде қалт болмайтынына сенімі көптен бекінген лейтенант:

— Мақұл!— деді оған жымия қарап,— ал, Расуловқа серік қайсының?

— Мен, жолдас лейтенант!— деді Бектұрғанов.

Қайда бару, не істеу туралы лейтенанттан тапсырма алған екеуі қалың орманның ішіне сұңғи жөнеле бергенде:

— Шіркін, осындауда жүзіктің көзінен өтетін жыл-пос, жүйрік атың болса!— деді Бектұрғанов.

— Не істер ең ол атпен мына қалың орманның арасында?

- — Көрер ең не істегенімді!.. Бірак, жоқ қой ондай ат!..

— Неге жоқ? — деді Расулов, женіл күрсінген Бектурғановқа,— Даир атты кім мінбейді? Мықты болсаң немістен тартып ап мін!.

— Кездессе көрер ем,— деп кіжінді Бектұрғанов:

— «Кездессе көрер ем!.. Со да сөз бе екен? Іздеп келеатқаның немістер емес пе? Жолығуына мен-ақ кепіл болайын, тартып алудың өзің кепіл бол!..

Расуловтың бұл қайрауына іштей намыстанған Бектұрғанов «қап, енді көрерміз» деп кіжінді де, болмаған іске мақтанғысы келмей үндемеді.

Бұл — күн жаңа шашырап шығып келе жатқаң мезгіл еді. Жын ойнағындаған тапталған орман арасының жасыл шебі, жаудан көрген жәбірлігін барлаушыларға шаққандай, көзіне жас алғандай, түнгі түскен шықтың тамшылары жапырақтарының алақанында мелдірейді де, домалап жерге түседі. Оқ тескен, қылыш кескен, танк таптаған қарагайлардың жарасынан сорғалаған шайырлары асқынған жараның ірінідей жеркендіріп, қараганның құсқысын келтіреді. Әр жерде шашылған неміс өлімтіктеріне үймелеген қара шыбындар, құзғын-қарғалар «жем іздеп кеп, жем болған сорғы, орманды сасытарсын, тезірек жеп таусайық» дегендей ызың-шуын үдетіп, іріген денеге тұмсықтарын қомағайланған көме түседі. Бұтақтан бұтаққа секірген тыныдар «шіркін, есуас немістер-ай, өлімтігінді жат жерде ит-құска жұлқылатпай-ақ, ауылында ажалынан өліп, ата-бабаңмен қабырлас бол жайыңа жата-тын-ақ жөнің бар-ау!» дегендей, айуандық қылықпен аңаша өліп жатқан немістерге таңданып, таңдайын тұрстарс қағады.

— Немістер кешкен «жайлаудың» сиқын байқаймысын? — дейді Бектұрғанов үнсіз келе жатқан Расуловқа, сыйырлаңқырай сөйлеп. Ентелей адымдаған Расулов Бектұрғановқа жауап қатпайды, орман арасынан қадалған кезі өткірлене түсіп, адымын жиылата, аяғын нығарлай басады.

Олар арнасы тар, бірақ сүсі терен өзенінді жағалап келеді. Картаның көрсетуінші, өзен былай шыға екігө бұтақталады да, айрылған аралары алшақтайды. Командирдің айтудынша, тіл алатын жер, өзеннің бұтақ-

талған айырынан алыс болмауға тиісті, бірақ, тілді оң бұтақтың бойынан алу оңай ма, әлде, сол бұтақтың бойынан алу оңай ма? — ол туралы айқын тапсырмада береде алмай, тек «шамаларсыңдар, байқарсыңдар» деген гана ұзыныс айтқан.

Өзеннің бұтақталар сағасына келген соң, танк құлатқан бір жуан еменнің әлі өмірден күдер үзбекен қалың жасыл жапырақты бұтақтарын беттеріне перделей, екеуі еменнің діңгегіне отырды.

Атаққа кім құмартпайды? Еңбекпен иеленген атак адамға мақтаныш емес пе?

Серізінші гвардияға бұл екеуінің алыстағы күнгей Қазақстаннан кеп қосылуына әлі айға толған жоқ. Содан бері олар бірнеше қырғын арпалысқа қатынасты, бірақ, екеуіне де, әзірше, көзге ерекше тусудің кезені кездесе қоймады.

Осы жолы екеуінің басындағы ойда: «Шіркін, сәті түсіп, тапсырманы айта қалғандай орындасақ қандай абырай болар еді!»

Және екеуіндегі ой: «Солай болса-ау!» деген арман-ды тілектеріне ешкім ортақтаспай жетсе! «Айта қалғандай ерлікті оңаша жеке, көрсетсе!

Бұл ойдың бетін бүркенкіреген түрде Расулов ба-рын көрсетті.

— Әй, Бектұрганов — деді ол,— дем алдық. Енді қозғалайық. Бірақ, біз бүйтсек қайтеді: қалаған жағынды ал! Сен өзеннің бір тармағымен кетсөң, мен бір тармағымен кетсем?

— Оқасы болмас,— деді, өзі де соны айтқысы кеп тұрған Бектұрганов,— таңдауын сен ал!

Таңдаған жақта бақыт күтін тұрғандай, екеуі ұзындау бір жас шыбықтың, бұтақтарын сындырды да же-реbe ұстасты, ұшына Расулов шықты.

«Бұның жолы болады екен!» деген ой кеп кетті Бектұргановқа. Бірақ, бұрын ырымға дағыланбаған ол, «жоқты жора қылмайынышы,— деп ойлады тағы,— мұны жолдастарым, әсіресе комсомолдар естісе күлкі болармын!»

— «Қайтеміз?» деген сұрауды көз қарасынан аң-гартқан Расуловқа:

— Сен оңға, мен солға кететін болдық қой? — деді Бектұрганов.

Расулов ауылдан келген, партияда, комсомолда жоқ, белсенді атанбаған, еңбектен басқаға елігіп көр-

меген, тек үдайымен бірнеше жыл стахановшы атанған момын жігіт еді. Комсомол Бектұргановтан оның бір айырмасы: көз тарту, тұс көру, жеребе сияқты есқі ауылдың біраз ырымдарына сенеді. Сондықтан ол, жеребден шықпай қалған Бектұргановты «әлденеге кездеседі» дегендей ішінен аяп, «өзі қайтер екен» дегендей кескініне елеусіз қараспен бағып еді, пәлендей қобалжығандықтын ізін таба алмады.

«Жоқ, деп жорыды Расулов,— жамандықта үшырамауга тиісті: ол да жеребенің үшынан аз-ақ шықпай екі елдің жеріне ғана жетпеді ғой.

Көнілін солай орнықтырып, жолдасына жақсылық жорыған Расулов:

— Ендеше отырмайық,— деді оған,— жәнелейік. Шама келсе, әлгі бір орман алаңында бір бірімізді то-сармыз.

— Жақсы.

Екеуі жұбын жазып жәнеле берді.

2

Расулов келе жатыр.

Денесінің ұзын түркі орташа ғана болғанмен, оның жауырны кең, кеудесі төстек, мойны қыскалау жуан, денесінің бұлышқары темірдей қатты еді.

Мұндай дene күштен кенде бұла ма? Колхозда жүргендеге он пүттық қаптарды жерден көтеріп ал арқалап жүре беру, элеваторға жүк апарып қотарғанда бес пүттық үш қапты басқышпен өрletіп әкелу, шеп тиеген бричкелер орлау жerde аударылып қалса, иыққа сал көтеріп түзел жіберу... тағы сол сияқты, колхозшыларды күштілігіне таңдандыру оның дағдылыш ермегі болатын. Бір арманы балуандық болып, Октябрь, Май сияқты ұлы мейрамдардағы жиында күресейін десе, күшін билетін басқалар «ойбай мертігеміз» деп жоламайтын. Отанды қорғауға әскерлік қатарына алынғанда ол ке-йіген де, іркілген де жоқ. Неге іркілсін: әскерлікке алынған өзгелер одан кем бе? Отанын ол қорамаганда кім қорғайды?

Ауылданнан аттанғанда, онда жалғыз ғана арман болды: «елді, жерді қорғаған азаматтың қатарында жүріп өлсем арман не? Бірақ, бір арман: «Озімнен күші он есе кем, сүмірейіп инеліктей қатқан бір фашистің атқан оғы қапыда өлтіріп кетсе обал-ақ!.. Шіркін,

қолма-қол ұстасатын күн бол, күші асқаннан өлсем де арманым болмас еді».

«Басына ұялаған осы арман одан әлі ұшқан емес. Жатса да, тұrsa да осы арман көз алдында көбелектей елбендейді де тұрады; үйқаса түс көріп, талай немісті найзалаپ өлтіріп жүреді. Оның барлауға ауысуы да осы арманына жетудің әдісі. «Жалпы соғыста,— деп ойлады ол — қашсан да, қусаң да көптің бірісің, ал барлауда не көрсөң де жеке көресің».

Қарт кіслердің «Қыпшак Жәнібек батыр тілейді екен.

— Құрулы мылтық, құрсаулы жауға кездестір!— деп» дейтін сөздері Расуловтың есінен шықпайтын еді. Бұл жолы ол осы тілекті өзі арман етті. «Екі өлмек жоқ, өлім біреу,— деді ол өзіне өзі, өзенде бойлай тогай арасымен келе жатып,— өлсем, тірілсем де, осы жолы жаудың бір күштісіне жолықсам екен!»

Осы оймен автоматын көлденен ұстал, тогай арасына тесе сығалап келе жатқан оның құлағына адам даусы сап ете қалды. Кенет дыбысқа тітіркенгендей болған ол, аз тоқтай ғап жүргегін орнықтырды да, аяғын жолбарыстай еппен адымдаш, тогайды перделей, дыбыс шыққан жаққа беттеді.

Ол ұзақ жүрген жоқ. Қалың өскен талдың арасымен келе жатса, өзеннің жарланған қабагында, жалаңаш үш адам кейлектерін алдына алғып төнен қарап отыр екен. Олардың кейлектен аулағандары бит екенин Расулов айқын көрді. Жалаңаштар битті өшіге сығады да бір біріне былдырлайды. Сөздерінің мағынасына ту-сінбегенмен, немістер екенин Расулов таныш тұр.

Не істеу керек?

Расуловқа керегі «тіл» болса, бұдан оңай тіл жоқ: автоматты ұсынып тал арасынан шыға келсе, олар каша ала ма? Қашпаса, не істе десен де еркіңе көнбей шарасы қанша?

Расуловтың бір мінезі — өтірік айтпайтын еді. Және бір мінезі — сықаққа тәзбейтін еді. «Егер, бұл үшегін жалаңаш күйінде үстадым десем — деп ойлады ол, — жолдастарым фой: «жалаңашқа өлің жеткен, батыр екенсін-ау!» деп мазақтайды. Егер, қаруымен ұстадым да, былай шыға шешіндірдім десем, оған ешкім иланбайды, өтірік айтқан болам!».

Не істеудің кисынын таба алмай, «әлде, әуреленбей, осыларды отырған орындарында бір-бір басып жоқ

қылсам қайтеді» деп толқыды. «Онда не бітті — деді тағы да, — қарусыз жауды женгеннен не табам?

Ойдағы Расулов жалаңаштың үшеуін де сынап тұр: біреуінің денесі зор, Расуловтан бойының биіктігі бір жарым есе бар десе де сыйтын; екіншісінің ұзын түркы өзі шамалас болғанмен, кесектігі будан көп талдырымаш; ал, үшіншісі шартық тоқтыдай кіп-кішкене бірдеме. Үшеуіне қарап тұрып «не де болса, сонау зорымен ұстассам!» деп ойлады Расулов.

Биттерді сыйгуға жалықты ма, әлде уақыттары болды ма? — Немістер киіне бастады. Олардың киім өзгешеліктерін Расулов билетін: орта бойлысы — обер-ეфрейтор, зоры мен кішкентайы — жабайы солдаттар.

Немістердің киініп болуына шыдаған Расулов, жасырынып тұрган талға келгенде, автоматының аузын нақ тұмсықтарына ііскете тақай қойып:

— Таста құралды! — деп ақырды.

Зор солдаттың қолынан винтовкасы түсіп кетіп, көзі шарасынан шығып шегіне берді.

Зор солдатқа ынталсы қебірек ауған Расуловтың көз қыры, офицердің қимылдағандай болған қолына түсіп кетсе, ол кабурынан маузерін сұыра бастаған екен.

— Э, солай ма?! — деп кекетінді күлкімен мырс еткен Расулов, мылтық даусын шығарғысы келмей, ыңғайы солай болғандықтан, автоматтың құндақ жағымен бастан періп кеп жіберді. Далия ңаңқасынан құлаған офицердің бөркі ұшқан он жақ шекесінен қара күрең қан бұрқ ете түсті, жанталаса сермеген қолынан маузер сонадай ұшып кетті... Тапалды да ол құндақпен бір соққанда талдырып түсірді.

Сол кезде ұзын солдатқа қараса, сүзуге ыңғайланған бұқадай денесін жиыра, желкесін күжірейте, құшағын жаза, саусақтарын тарбита, тізесін бүкірейте адымдал ұмтылып келеді екен.

Бұл зор солдат — немістің шағындау шаруалы фермерінің баласы еді, жасы жиырма бесте. Әкесі жасынан сабакқа бергенмен, оқуға зейінсіздікten мектеп бітіре алмай, жабайы қара күш қызметкерінің бірі болып өсken. Бірақ, ақылы берекесіз болғанмен, күші берекелі, өзімен күшін тенденстірген кісіні ол өмірінде жолықтырган емес. Күшіне күші тенденспейтіндер, оны сүйсінсе де, сықақтаса да «зухштейр» деп атайдын, онысы — «тұқымдық бұқа» деген сөзі.

Расуловқа кездескенше, жауымен жұлқысқан жер-

де оның абырой алмаган кезі жоқ: Чехословакияда, Бельгияда, Францияда талайларды найзасымен шашып өлтіргендіктен «зухштейрдің» орнына «ризе» (дәу) атанып, фашизмнің ең үлкен ордені «темір крестің» кеудесіне үшеу-тертеуін ұдайымен қадаған.

Оның Россия майданына келуі, бірінші рет тапсырмамен жолға шығуы бүгін ғана. Олардың да командованиеынан алған міндепті — қызыл армиядан «тіл» әкелу. Көптен хауіпті зонаға килігіп шешінбекендіктен, кір-қоңы асқынып, киімдері биттегендіктен, жолда жолықкан өз барлаушыларының «алда, жақын жерде хауіп жоқ» дегеніне сеніп қап, денелерін талаған биттерден серілмек боп суга түскен де, содан кейін биттерден жоюға тұтынған. Расулов оларға осы жағдайда кездесті.

Расуловты көргенде «Дәудің» қолынан винтовкасы түсіп кетіп үрейлени шегіне қалуына себеп мынау еді: Россияда одан бұрын соғысқа қатынасқан солдаттардың «Россияның қалмақтары өжет те, мықты да, рахымсыз да» деген сөздері есінде қалған. Россияда орыстан басқа қандай ұлттар барын білмейтін «Дәу» — «қандай адамдар олар?» деп сұрағанда, «түсі пәлендей» деп баяндаушы сипаттаған. Бұрын жаудан шайлығып қөрмеген оның жүрегі бұл хабарға тітіркенгендей болған. Әйткенмен, «Россияның монголдарының» кездесіп шайқасуды ол өзіне арман еткен.

Расуловты алғаш көргенде «Дәудің» қолынан винтовкасы түсіп кетуі — үшқынды қара көзінің қарашықтары оған көз емес, атылғалы тұрған екі мылтықтың аузы сыйқтанып кетті. Қадалған қара көздер «Дәудің» бойдағы бар күшін сорып алғандай боп, винтовкасы қолынан түсіп кеткен «Дәу», босаған буынына әрең ие болды, тәлтіректеп барып, азар құламай қалды. Егер Расулов сол қадаған көзін жазбаса, «Дәу» не деген еркіне көнетін еді.

Расулов офицер мен тапалды жайратуға кірісіп көзін одан тайтырған кезде ғана «Дәу» есін жинап, не елу, не өлтіруден басқа айла қалмағанын түсінді де тапалды сұлатқан Расуловты қапыда, сыртынан құшақтай ап, жерге алып соғып ұмаштағысы келді.

Үмтىлған «Дәуге» көзі түскен Расулов, автоматты жерге тастай берді де, «даумен» айқаса кетті. Қолдары қоян-қолтық айқасқан екеуі де көтеріп әкетем деген үмітпен белдерін тартып көріп еді, қай жағының белі

болса да иіле қояр емес, бүкір өскен емендей мыңқ ет-
пей сіресіп тұр. Расуловтан бойы ұзын «дәу» оны иы-
ғынан басып шөгерем бе деп талаптанып еді,— басқан
салмағының астында адам емес, кесектеу бір жартас
жатқан сияқты.

«Дәудің» бір әдісі үйіргіш еді. Ол осы әдісін қол-
данбақ болып, іштегі бір қолын сыртқа шығарып, екі
қолмен де ышқырдан ұстап үйірем дегенде, Расулов
оны оң аяқпен іштен шалып кеп қалды. Бұрын шалған
курес әдісін көрмеген «Дәу» Расуловтың аяғын тізеден
төмен бүгіп әкетіп бара жатқанын сезді де, күш бермеу-
ге тырысып керілген аяқтарын жинады.

Алсып жүрген екеу бұл кезде өзеннің нак жарқа-
багына таянған еді. Дәудің ойы Расуловты жағасынан
үйіріп суға атпақ та.

Екі аяғын жақыннатқан «Дәудің» сол аяғынан өзі-
нің оң аяғын іле зде Расулов шығарып алғып, неміс үйі-
рем деп ыңғайланғанша, оң жақ жамбастан сызыра
шалып сілтеп кеп жіберді. Тонқалаң асқан «Дәудің»
кеудеден төменгі денесі жардан аса, өзенге қарай құ-
лады.

Құлаған екпінмен «Дәудің» сол қолы Расуловтың
жағасынан шығып кетіп, оң қолы ғана легіп қалды.
Леккен қолдың күшімен жардан тырмысып шығам, ң
жауымды суға ала құлаймын деп дәмеленген «Дәу-
дің» көзіне Расулов жұдырықпен салып кеп жіберді.
Көзінің оты жарқ етіп, есендіреп қалған «Дәудің» колы
жағадан шығып кеткенде; денесі суға шолп етіп батты
да жөнелді. «Қайтер екен?» деп үнілген Расуловтың
көзіне аз уакыт шымырлап үйірілген судан басқа еш-
нәрсе ілікпеді.

Аздан кейін, әртінірек тұстан «Дәудің» судан қыл-
тындаған саусақтары, одан кейін жириен шашты басы
көрінді. Мана, немістерге ұмтылғанда ойынан шыққан
«тіл» деген сөз Расуловтың есіне енді ғана түсті. Ол
өзен жағасын қоныстаған ауылда жасынан сушыл бол
өскен еді. Байқап тұрса суға малтуға айналған «Дәу-
дің» дәмесі — жағаға шығуда.

Расулов офицердің оңай жатқан маузерін алды да,
өз автоматына қарамастан, киімшеш қалпымен суға
шолп бере қарғыды. Суда жарысқанда ол алдына жан
салмайтын еді. Сол жүйріктігінен әлі де танған жоқ
екен, құлашын сермей малтығанда «Дәудің» іле зде
куып жетті де, оң қолында көтерген маузер.

— Былай қарай малты, шортаным! — деді ол «Дәүгө» маузерлі қолымен жөн сілтеп.

Неміс амалсыз көнді. Расулов оны өзі қалаған жағаға алып шықты...

3

Расуловқа кездескен үш фашисті Бектұргановтың көзі одан бұрын шалып еді. Сондықтан, төнген хауілке серігін жеке тастауға қимаған ол, тоғайды бетке үстай жасырынып, оқиғаның неге согарын күтті.

Расуловқа қай бұрын үмтүлған немістен Бектұрганов автоматының тұмсығын аударған жоқ. Расуловқа төнген ажалды доптай қағуға даяр отырған Бектұрганов, қашан одан дәрмен кетіп болғанша ісіне араласпауға бекінді.

Расулов немістерді жеңіп шыққанда Бектұрганов сүйсінді де, қызғанды да. «Штабқа бұл мынадай жетістікпен барғанда, мен неміді айтам?» деп ойлады ол. Сол ойдағы Бектұрганов Расулов еркіне көндірген тілді «алып штабқа жөнелгенде, отырған орнынан тырп етпей қалып қойды.

Аздан кейін жау жақ жобадан естілген күбірге қараса, бір топ солдат пен бір офицер ағашты тасалана келе жатыр екен. Жаудан кісі өлтіру кажет болса, Бектұргановқа реті келіп-ақ қалды: біреуін емес, бірнешеуін атса да ыңғайға дел-ақ келді.

Намыстан жетектемпаз не бар! «Расулов тіл алғанда, мен тіл алмайтын нем бар» деген намысты ойға бойын бекіткен Бектұрганов, орман арасымен манағы женіне жөнелді.

Ұзақ уақыт оған орманның өзіне арнаулы табиги көрінісінен басқа, көніл аудараптық ешинарсе кездеспеді. Жүре-жүре шаршагандай болған ол, өзіне хауіпсіз-ау деп жобалаған өзен жағасының бір жерінде, сыйнып құлаған қарагайға кеп отырды.

Оның ойында әлі де Расуловтың табысы: «апырау, — деп таңданады ол, — ауылда жүргенде, қазақша күресті бозбаланың ермегі сияқты көруші ем, оның да соғыстық маңызы зор бол шықты ғой. Манағы ұзын неміс күш жағынан Расуловтан артық болмаса кем емес сияқты. Егер ғой, Расулов қазақша күреске әдістенбесе, немісті оңай жыға алмайды. Мүмкін, өзі жығылып қалуы. Онда не болды? — өлгені емес пе? Осыдан елге аман қайтсам ба, — деп қорытты бұл ойын

Бектұрганов,— қазақша қүресті колхозда өзім үйым-дастырып, қүрестің түрлі тәсілдеріне жаттықтырмagan жігіт те, бала да қоймаспын!»

Расуловтың қазақша қүреске әдісқойлығына сүй-сінген Бектұрганов, «ол тәсілімен мақтанды, ал, мен не онеріммен мақтанам?» деп ойлады. Оның бойындағы бір қасиет — жаяуда қолы қатты: қандай мықтымын дейтін жігітпен қол қысыспақ ойнаса, усына түскен алақанды езіп жібереді де, өз алаканын өзгенің қыс-қан усына билтепейді. Оның және бір мақтанды айтары — атқа тақымы берік: аударыспақ ойнағанда да, көкбар тартқанда да, ат үстінен ілуде біреулер гана болмаса, талай қарулымын дейтіндер қозғалта алмайды, винттеп бекіткендей, тақымы аттың ерттеулі арка-сына жабысады да қалады.

Оз бойындағы осы қасиеттерін еске алған Бектұрганов «мен гой, намыстанып осылай қарай шығып қалдым. Сонда неме сендім? Мерген емеспін, Расуловтай балуандық қасиет менде жоқ. Немістер менімен ала-қан қысыспақ, я ат үстінен аударыспақ ойнай ма? Ендеше, намыстанғанмен, тілді қалай алам?» деп ренжіді.

Көnlі қобалжыған Бектұргановтың кейін қайтқыны кеп кетіп, орнынан туре келіп еді, жаңа гана сөнген намысы тағы тұтана қалды.

«Согыстың өзі — тәуекелдің майданы емес пе?— деп жұбатты Бектұрганов жабырқаңқы көnlін,— тәуекелге бел байлас ілгері ұмтылайын, не жөні болар екен!..»

Ол біраз уақыт аяидаганин кейін, арапал келе жатқан орманның күнгей шеті ашық далага шығып, сүйірленген тұмсығы дәңгелене батысқа қарай бейімдеді. Нақ сол арадан өзен орманның теріскейіне қарай шалқаяды екен. Өзеннің иілген жерінде цементтен жасалған көпір, үстінен асфальті жол отеді.

Бектұрганов қалтасындағы картаны алып қараса, тұрған жері — немістердің тылды.

Бұл тұсқі сағат төрттердің шамасы еді. Бір жақтан қарны ашқан, екіншіден не хал болар екен күтейін деп ойлаған Бектұрганов орманның нақ жиегіндегі бір тұп қалың шоқты бетіне переделей отырды да, сумкасынан азықтарын алып тамақтануға тұтынды. Екі көзі орманның алаңы мен, алаң арқылы жырағырақта сағымдана бұлдырап көрінген орманды.

Оның жеуге тұтынған азығы қаңылтыр қалбырдағы консерва еді, бәкімен бір жақ түбін ашып көрсө, сиырдың семіз еті екен, күн ыстықтау болғандықтан ба, әлде дененің қызынан ба — сорпасы бусанып, ет балқып тұр. Асқа қомағайлау Бектұрганов консерваның сорпасын ұрттай, майлы етті асап жіберіп жұта бергенде, асфальт жолдың орманға сұңгіген жағынан тасқа тықылдата басқан аттардың тұяғының даусы құлагына сап ете түсті. Оның жүрегі қобалжығандай болып, жұта берген еті тамағына түйіліп, өңешінен әрекетті. Ол консерваны жерге қоя сап, мылтығын оқтана жүре бергенде, шоқытқан жүріспен бес салтты адам көпірден ете берді. Немістер екенін Бектұрганов көпірден шыға жөнелгенде ғана әңгарды: біреуі офицер, төртеуі солдат.

Орманнан шыға олар аттарын тебініп шаба жөнелді. Беттері алыста бұлдыраған орман.

«Неге атпадым! — деп өкінді Бектұрганов, немістер үзап кеткенде, — қалшиып қарап қалғаным не? Ең аз дегендеге екеу-үшеуін түсіріп қалатын ем, қап!»

Жауды аман жібергеніне өзін катты сөккен Бектұрганов, көзін салттылардан айырмай тұрғанда, шапқан екпінімен жырақта бұлдыраған орманға барып кірді.

Енді ас ішкісі келмеген Бектұрганов, тамақтарын орап сумкасына салды да, орманның сүйірленген тұмсығына қарай жөнелді. Жағалап барса, онын «тұмсық» дегені, орманның біткен жері емес, бүйірленген бір бөлегі ғана, аржағы сайға тұсіп, мана жырақтан бұлдыраған орманға тұтасады. Одан әрі тағы да қалың орман, ортадағы ашық дала айнала қалың орманның арасындағы арал сияқты.

Ілгері бетте жаулар барына күдіктенбеген ол, теріс кей жақтың жайы қалай екен деп арапал еді, ұзақ жүрмей, немістің блиндараждарына ұшырасты. Еппен еңбектеп жүріп анықтап алды: айнала жаудың бекінісі. Бұл жағдайды анықтаған ол, манағы салттылар барып кірген жөнге жөнелді. Ол тұсқа күн бата жеткен оның алдынан орманның бір қабат ішін жиектей аққан кішкене өзен кездесті, суы тайыз, жиегі қалың қоғажай. Кейде суға, кейде батпаққа, кейде құрғаққа киліккен ол, қоғажай арасымен жолбарыстай жымыл келе жатса, өзен жағасында ертоқымы, жүгенімен бір топ жылқы жайылып жүр, сан шамасы жүзге тарта бар. Аттарды бақылайтын солдаттардың біреуі төмпеп-

шікті жастана үйқтап жатыр, екіншісі тізесіне қойған дәптерге әлденені қарындашпен жазып отыр.

Бектұрганов көзін солдаттан аттарға аударды. Оның әкесі Бертурган жасынан саяхатшылықты кәсіп еткен, аттың жақсыларын мінген, жақсы атты сынағыш, танығыш адам еді. Әкесінің атты сынайтын сөздері мұның да есінде қалып, ол өлгеннен кейін, ауылы атты бұған сыннататын болған, және бұның сыннауы теріске кетпей, жүйрік дегені де, желгіш дегені де, мыкты дегені де — айтқанындей бол шығатын.

Немістердің оттап жүрген аттарын сынаган оның көзіне, ақбақай қарагер ат өзгеше түсті. Ат—арғымакта, қарабайыр да емес, будандау, денесі шағын ғана, бірақ, мүше бітіміне қараганда, желден басқага жеткізбейтін жүйрік сияқты. Ертоқымына қараса — жабайы солдаттың біреуіне мінгізген ат.

Ақбақай қарагер Бектұрганов отырған қоғажайға беттей оттады. «Я, сәт!» деді Бектұрганов үміттеніп, ойы серпіліп.

Қоғажайға жақындалап кеп, жардан төмен түспей оттаған атты үркітіп алмайын деген оймен, Бектұрганов жардың қабағына қарай шықты да, жүресінен отырды. Оның көзі ағаш арасында жақын жерде сапырылысқан адамдарға түсті. «Штабы болмағай да» деп жорыды од.

Сапырылған жұртқа аз уақыт қарарап отырған оның көзіне, ағашқа байлаулы атына мінуге ыңғайланған манағы офицер мен қасындағы солдаттар ұшырай кетті. Олар аттарына мінді де, келген жағына қарай жөнелді.

Бектұрганов еңбектеп ақбақай қарагерге жақындалап еді, ат ығысыңқырай беріп тоқтады. Бектұрганов ақырын жылжып кеп атты ауыздық түбінен үстады да жетектеп жардан төмен түсірді, өзеннен жетектеп өткізді, содан қейін үстіне ыргып мінді де шаба жөнелді, беті— офицерлер кетіп бара жатқан жақ. Ол кезде, батқан күннің қызыл шапағы қоңырланып, кешкі дала бұйынғырлана бастаған еді. Бектұргановтың офицерге жетуге ынтыққан ойына серік болғандай, ақбақай қарагер зымырай шапқанда, тымық науаны желдендіріп жіберdi.

Офицер мен солдаттарға Бектұрганов жалаңаш да-ланы жиектей өскен ағашқа кіре жетті. Аттарының шабысы құлақтарын керең қылғандықтан ба, алде ма-

шайларын хауыпсыз көргендіктен бе — офицер де, солдаттар да арттарынан қуып жеткен Бектұрғановты аблайладады.

Жауларға жақындай, ашуын ақылға билеткен Бектұрғанов, арттағы солдаттарды сыйырта басып озып, алдында келе жатқан офицерге жанаса беріп, жауырынан қапсыра жұлқи жөнелді.

Ат үстінен аударылып кеткен офицер, не халге душар болғанын Бектұрғановтың тақымына басылғандағана білді. Бірақ, кім екенін көпке дейін шамалай алмады, тақымнан босайын десе, тастай берік!..

Солдаттар да алғаш не хал болғанын аңғармай қалып, офицер тақымға түскеннен кейін:

— Жау! — деп айғайласты біріне бірі, — ку!.. Ат!..

Аттарға қамшы басылды, винтовкалар сатыр-күтір атылды. Бірақ пайдасыз кимыл болды бұл. Олар қимылға кіріскеңше, Бектұрғанов орманға сіздің кетті... Одан әрі бөгет жоғына ол берік сенді... «Бұл да бір жақсы тіл болды!» деп қуанды ол ішінен.

Август, 1942 ж.

ШЫНДЫҚТАҒЫ ЕРТЕГІ

1

Сирек, тұлкі қара мұрты бар, адырақ көз, еңгезердей жігіттің комбайн кебежесінен ағытылған бидайды қапшықтарға құйып ап, арқалауы сол арадагы колхозшылдардың көзін сүріндірді.

— Нешеуі керек, — дейді өлшеууші.

— Мейлің, өзің біл! — дейді адырақ көз, белдеме тұсынан айқара айқастырған жұдырықтарының жұбын жазбай, арқасын еңкейе, тоса беріп.

— Он пүтты өкеттің. Он бес пүт салсам қайтесің?

— Қорған күпецтерінің жиырма пүтын арқалап та көрлем, бұл өзіміздің бидад гой, салсаң сал!

— Көтерсе көтерер, — дейді көлденең біреулер, — бұрын да жанын сала қимылдайтын еді, енді, Мәскеуге баратын болғасын не қүшін аясын.

Тоқтаған комбайнның кебежесіндегі бидай босатылып бол, қапшықтар автомобильге тиелгесін, бригадир демалыс жариялады.

Ол кезде құлімдеген күн, бұлтсыз аспанның кеудесіне мінген шаңқай тұс еді. Шыжытқан күннің қызыунаң шыпшыған тер тәмен қарай шұбырғанда, бетті бүркеген кілегей шаңды шайып, колхозшылардың кескіні жолбарыстың жотасындай жолақтана қалды. Айғыз бетті, әсіресе, маңағы адырақ көз.

— «Дегесін құдуғара, құдуғара...» деп Қабамбайдың кулықшы Қасені адырақ көз алай қараган соң, өлеңнің кейінгі жағын «шорнаглазай, шорненкей, раскудрявай миленкейге» бұрып, әзілге айналдырды.

Сол кезде «Бұркеу» жақтан «көк мылтықтың» күмістей кекілін күнге шағылыстыра кербез аяңмен біреу келе жатты.

— Бұл кім?

— Парторг,— Мырзатайдың Әнәпиясы.

— Ендеше күте тұрайық.

«Көк мылтықты» келгенше колхозшылар көр-жерді сез ғып, күлкімен көңіл көтерді. Олардан ойы оғаш адырақ көз.

Комбайнның тоқтаған жері «Егін шоқ» дөңінің қырқа жоны. Жонның жотасы да, жайылымы да жалы жалбыраған жаппай жалпақ егін. Жылмандаған жел жалбыр жалды егінді жұмсақ қана желпісе, алтын теңгелер таққан желектей соқтығысқан сабактар сыйдырысьбыды етеді.

«Егін шоқ» еңсесі биік дәң. Оның қырқа жотасынан Қырым мен Қытай көрінгендей. Жотада тұрған адырақ көз, жан-жаққа қимылдаған қарашығын қадап еді, телегей теңіз егін... кемеріне көз жетер емес!

Бригаданың егін шабуға шығуы бүгін ғана еді. Қиыр Шығысты тұтас шолған құлпырмалы қанатын тоты таң қаққан кезде, басындағы жал дәнін билей алмай, белі буқірейіп, бүйіркән бүйра егінді булкілдете комбайн күзей бастаған. Міне, енді, күн түсke тармаса қырқа жол қасқаланып, етегі түріліп қалды.

«Егін шоқтың» шоқтығына шұбала үйездей өскен жасыл желектей қайың бар. Жиегі жиналған «Қайың шоқ» дөңінің жотасындағы егін, қамшат-құндыз беріктей деңгеленді, егін ортасындағы шұбалған шоқ қайың, құндыз берікке қадаған үкідей, желпігеп желден ырғаңырған етті. Толқыған телегей теңіз егінге адырақ көз қарайды да тояды, тояды да толғанады.

— Күні кеше ғана сияқты еді,— дейді ол ішінен,— бұдан жиырма жылдар бұрын бұл маңда егін ектіретін

жалғыз Торсан үйі болды. Одан басқа егін екти деген қазақты естігем жоқ. Торсанның соқа салдырган жері осы «Егін шоқ». Бірақ ол осынша..., бізше егетін бе еді!. Жоқ... Қарашұнақ, Қошпан, Жаназар сияқты Торсанның құлдары бір тілді соқамен жылында бес-алты десөтіна жерді тырмалап, күз көр-жер, кәкір-шүкір бірдене жинаған болатын. Ал, біз?..

Адырақ көз аз кідіріп, колхозы «Жаңа жолдың» жай-күйін елестетті.

Байлардың жерін алатын жиырма жетінші жылы: «Жең ұшынан жалғасайық, жарлылар бол жабдығымызды біріктірейік» деген сөзге қосылып, «Жаңа жол» атты артель ашқандардың ішінде осы адырақ көз де бар еді. Содан бері колхоздың үй саны көбейді де, бауыды да. Қазір ол Пресногорьков ауданындағы басты колхоздың біреуі. Адырақ көз колхоздың «білік, ерлік» деген сияқты атқамінерлігіне араласқан жоқ. Оның жан-тәні жұмыста. Жұмыста оның алдына түсінген жігіт «Жаңа жолда» жоқ. Сондықтан да ол туралы жүрт «Дайыр, Дайырга бер айыр!» деп мақал шығарып алған.

Адырақ көз тағы да бір ойлардың соңына түсіп, дүркіретіп қуып бара жатыр еді, оны қайырган:

— Дайыр! — деген дауыс.

Адырақ көз жалт қараса, «Кек мылтықтың» үстінде тұрған парторғ — Мырзатайдың Әнәпиясы.

— Дайыр, жолдас, Тасыбеков! — деді Әнәпия адырақ көзге — Дайынбысын, Мәскеуге?

— Дайыр дайын!

2

Құйындай құлдыраған шаң жұлындаі жіп-жіңішке бол шанышылып аспанға көтерілді. «Қызыл ағаштың» етегінде егінді жинаушылар шанышылған шаңға қарады.

— Құйын, — деді біреулер.

— Тымықта түтін осылай көтерілуші еді, тұтанған ерт бол жүрмесін, — деді біреулер.

— Мен білсем, бұл құйын да емес, өрт те емес, Та-сыбектің Дайыры, кеше соған машина кетті деген.

— Ол болса, құйын мен өрттен екпіні кем соға да қояр ма екен? Мәскеуге мен барсам, жермен емес, кекпен келер ем. Әнеугүні «Айымжан» колхозындағы

Ғабдолланың қызы Қостанайдан аулына аэропланмен ұшып келіп, түстеніп қайттығой.

— Машина тақияда таржеп отыр ма? Бұрын арақонып жететін Қорған қаласына күніне екі барып қайтамыз, оған көзің тоймаса, суқараңғы боларсын.

Байсақал аулын басып, Бұркеумен «Қызыл-агаштың» арасынан түсетін «Кір-көйлектің» (Пресноредут) жіңішке жолы егінді жанап өтеді.

— Бізге бөгелмесе, «Кек мылтық» пен көлденең қосылып көріндер, осыдан жүйрік жылқы бұл заманда жоқ, неғып бір шалмас екен.

Төсеген тақтайдай жолмен жүйткіген машина «Кек мылтыққа» қайдан шалдырысын, зымырап ағып өте шықты.

— Бәсе айтам ғой,— деді бір жігіт,— көже де ашығанда көпіреді, Дайырда көжедей қызу жоқ деймісін, көрдің бе, елең қылмай өте шыққанын?

— Қолын бұлғап өтті ғой, тегі шофер тоқтамаған болу керек.

Осы сез рас еді. Бірақ тоқтамаған шофер емес, қабинада шофермен қатар отырган санырау Райс. Ол жа самыс болса да жел көнілді еді. Әкесі Алдаберген өгізге мініп көрмеген оның тақымына тұлпар машина тигесін, қайтіп шыдасын.

— Толайым айда,— деді ол орыс шоферга,—«Кек мылтық» машина бәйге пайдот... наше перот пайдот!..

3

«Жаңа жол»—«Аққусақ» ағашының құшагында, «Ақбасты» көлінің ығында. Дайырдың үйі жарқабақтың жағасында.

Оның екі бөлмелі жер үйіне жиналған жұрт сыймады.

— Жарғабақ жібектей есілген бетеге. Кеңестің дәмі тәттілене бастады, соған шығын еркін тыңдайық — десті әркімдер.

— Макұл.

Он төрт жаңасын жасаған ай сол кеште көкті сыйғалап, биікке барып қалған еді. Аспан ашық. Қара мақпал түннің тоны жарқыраған жиі жұлдыздарды зорға көтөріп тұрган сияқты.

Дайыр соншалық сөзуар жігіт емес еді. Содан ба?

Әлде көргені қөп болғасын неден бастарын білмеді ме?
Аз күмілжіп отырды.

— Сейле! Сөз тыңдағалы келдік. «Мәскеу даңқы
жер жарады. Не көрдің?»

Дайыр айнала қарап еді, ер-азамат, ұлы-кіші, ка-
тын-қалаш, бала-шаға—қоршаган адамдардың көздері
жұлдыздай жайнап, бұған қадалып барады.

— Мәскеу бар гой,—деп бастады ол,— түнде осы
айлы түннен жарық. Анау табақтай айдан көлемі ұл-
кен, онда кем болса мың шам бар шығар. Ұсақ шам-
дарымен салыстырғанда көктің жұлдызының жиілігі
сөз емес.

— Япырай, не дейді?

— Ал, енді үйлерінің биіктігі бар гой, Бұркеудің
биік бес қарагайын біріне бірін жалғаса, содан асып
түсер.

— Мине, саған, керемет!

— Машина дегенің бар гой, дәл, таңертең ауылдан
қалтап өріске жөнелген малдай.

— Сөйлес сен!..

— Тіпті, оның қай қызығын айттып таусайын.
Жер астынан жүргізіп қойған пойызын көргенде, ер-
тегіде айтылатын жер астының алтын сарайлары есіме
түспесі бар ма?

— Е, енді қайтуші еді, сөйтпей!..

— Мен сендерге көрмедегі тамашаларды айтайын:
1463 кило салмағы бар бұқа көрдім. 1225 кило шыға-
тын жылқы көрдім. Биіктігі екі жарым метр кендірдің
сабагын көрдім, 49 кило шығатын асқабақ көрдім, бір
сепкені он бес жыл ұдайымен өсетін бидай көрдім, те-
бінгіден жалпақ темекі көрдім, күректен жалпақ күн-
багыс көрдім, саласы сала қарыс жұн көрдім, тағы не
көрдім...

Дайырдың басында көрмеде көргендері сапырылы-
сып кетті. Ойы солардың арасынан малтығып шыға
алмағасын, ол кеудесін кере дем алып, басын көтеріп
жогары карады.

— Ал тағы, бәсе, бол айт!— десті кеңеске құмары
қанбағандар.

— Өзім шаршаңқырап та тұрмын,— деді Дайыр,—
және соншалық сөзге шешен де кісі емеспін қысты-
рып айта беретін, қалғанын ертең айтсам қайтеді? Бұ-
гін айтарым: жиырма екі жылда біздің өкіметтің, біз-
дің халықтың істеген ісі адамның аузы айтып жетер-

ліктей емес. Жай, таң-тамаша қаласың да тұрасың. Қуанышың қойныңа сыймайды.

Жиналған жұрт Дайырды жібере қоймады. «Сөзден сөз туып» дегендей, түн ортасы жақында, үркөр төбөгө келгенде бір-ақ босатты. Онда да,— «бұл кеңестің аяғын ертең айтам» деген соң.

Таңға жақын тараған халыққа Дайырдың сөзі шындықтағы ертегі көрінді.

Ноябрь, 1939 ж.

СӘБИТ МҰҚАНОВТЫҢ ӘҢГІМЕЛЕРІ

Балалар, сендер қазақ совет әдебиетінің негізін салушылардың бірі, академик-жазушы Сәбит Мұқановтың есіміне жақсы қанықсындар. 1900 жылы туып, 1973 жылы дүниеден өткен жазушының өмірі мен творчествосы жайлы материалдар мектеп оқулықтарында тиісінше орын алған. Сәбит аталарының сендер көбіне мектеп қабырғасында оқытылатын «Мәлдір маҳаббат», «Ботагөз», «Менің мектептерім», «Сырдария» романдары мен «Сұлушаш», «Ақ аю», «Сез — Советтік армия», «Майға сәлем», «Шоқыпты» сияқты өлең, поэмалары, «Шоқан Үәлиханов» пьесасы арқылы жақсы біліп, сүйдіңдер. Қызыға оқыған шығармаларың да— қазақ әдебиетінің асыл қазынасына айналған әлті аталаған туындылар. Шынында, Сәбит Мұқанов әрі үлкен ақын, әрі үлкен романист болатын. Өзінің талант бейімін тауып, күш-қуатын әсіресе ол прозаның осы роман жанрына молдап жұмысады. Сөйте тұра жазушы әңгіме секілді шағын жанрда да көптеген шығармалар берді. Солардың біразы іріктеліп қолдарындағы жинаққа топтастырылған. Бұған дейін М. Әуезовтың, Г. Мұсіреповтың әңгіме, повестерін жеке кітап етіп басып шығарған «Мектеп» баспасы дәстүрлі түрде енді оқушыларға С. Мұқанов әңгімелерін ұсынып отыр.

Бала жастан өлецмен әуестенген Сәбит Мұқановтың, әңгіме жанрындағы сокпағы да жиырмасыншы жылдардан басталады. Жартылай әңгіме, жартылай мақала секілді райда жазылған, жарияланған кейір шығармалары да бар. Бірақ жазушы ондай төсөлмеген

қалам тәжірибесін творчестволық активіне қоспаған, жинақтарында жарияламаған.

Әңгімелерінің басы саналып жүргені — «Әсия». «Әсия» өзіндік ерекшелігі бар, тәп-тәуір әңгіменің бірі. Реалист Мұқанов бұл әңгімесінде өзі татқан кедейлік-тің сор тірлігін, байдың зорлығын әдемі суреттеп жеткізеді.

«Қыс өтіп, жылды, жәйлі жаз келді. Күн күлімдеп, дүние жасарып, жан-жануар, қызғалдақ шөптер ұйық-тап оянғандай, жазылып, керіліп, ың-жың болып, жаратылыстың кең шатыры тігілді, кедей де, бай да жаратылыстың құшағына кірді».

Әңгімеде табиғат көрінісі осылай суреттеледі. Творчестволық жол бастаудың өзі көп оқып, жатқа айта-тын ұлы Абай әсері аңғарылатын пейзаж жас жазушының суреткерлік көзін байқатқандай.

Сондық очеркітік сипат алатын «Әсияның» басты жетістігі екі дүние жігінде, жаңа ғасыр көгіндегі қазақ даласы кедейнің тіршілігін бала кейіпкердің харakterі арқылы жеткізіп берे білуінде.

Осы кезден (1924 жыл) бастап С. Мұқанов тым жиі болмаса да, әр кездे әңгіме жанрына қалам тартып жүреді.

Жазушы әңгімелері тақырыптық жағынан әр алуан. Және уақытымен үндес. Жиырмасынышы жылдары жазған «Әсия», «Азғын», «Кер заман», «Әменгерлік азабы» — қазақ халқының өтпелі дәуірдегі өмірін бейнелейді. Ишсе асқа, кисе киімге жарымай жүрген кедей, әлі қыртысы жұқармаған, қаймағы шайқала қоймаган бай өмірі немесе қазақтың буржуазияның зиялышының азғын тірлігі, енді бірде Совет өкіметінің жаңалығының қазақ даласына, қазақ халқының өміріне сыналап енуі суреттеледі. Осыған орай әсіресе екі әңгімеге тоқтала кету жөн.

Ондай әңгіменің бірі — «Кер заман». Әңгімеде жаңаның енүін кейіпкер психологиясы арқылы көрсетудің тәуір үлгісі бар. Мықтымсығанымен Қедіrbай мен оның бәйбішесінің іші қалтырап тұрады. Олардың өздерін ұстауды, психологиясынан бұрынғы күні өткенін сезесің. Ал Қедіrbай есігінде күң болған Ұлбосын — жаңаның өкілі. Бетпе-бет келгенде именшектегенімен, Ұлбосын іштей мықты. Бұл кешегі жарлы-жақыбайдың іштей түлеуі еді. Осы жайларды жазушы өмірлік материал, психологиялық күң арқылы жеткізеді.

Сол секілді, «Әменгерлік азабы» әңгімесі де жазушының жиырмасынышы жылдардағы туындыларының арасында оқшау тұр. Әңгімеде Совет өкіметінің орнай бастаған шағы суреттелген. Жаңалық тегеурінін іштей сезгенімен, Сәден сырттай мойындай қоймайды. Оның үстіне жесірі — Салиханы Тілегеннің алмақ болуы жарасын тырнағандай әсер етеді. Жаңа қоғамға деген таптық қарсылыққа жесір намысы қосылып, ақырын кісі еліміне апарып соғады.

Ал Тілеген болса, Совет өкіметінің жарық сәулесі көкірегіне құйылып жетпеген, жақсы тұрмысқа жетудің жолы — байдың Салиха секілді жесірін алғып, сол арқылы әлдену деп үғатын трагедиялық бейне.

Әменгерлік азабынан бір үйлі жан қырылды. Жазушының да, оқушының да жалғыз үміті өлі Сақыптың қанталаған сұық емшегін сорып жатқан жас сәбиде!

Етектен тартқан ескінің өшіп, жарлы-жақыбайды жарық күнге жетелеген жаңаңың тұрмыс-тіршілікке еніп келе жатқан кезең шындығын бар бояуымен, қайшылғымен, тартысымен жеткізген бұл екі әңгіме — тек С. Мұқановтыңғана емес, жиырмасыныш жылдардағы жалпы қазақ әдебиетінің табысы дерлік шығармалар.

Мұқанов әңгімесінің ендігі бір ерекшелігі — ол алғашқылардың бірі болып, өндіріс орнына бет алған қазак кедейлерінің өмірін бейнеледі. Бұрын бар тіршілігін мал соңында өткізген қазақ шаруасының Қарғанды шахтасына, Степняк кеніне түсі — қай жағынан алғы қараганда да бірден көндігетін жай емес. Осы тақырыpta «Суалмас сауын», «Алтын аймақ», «Оттан үшқын» әңгімелерін жазған Сәбит Мұқанов — қазақ әдебиетінде өндіріс өміріне алғаш барған қаламгерлердің бірі.

Ұлы Отан соғысы жылдары жазушы қаламынан «Тіл алушылар», «Батыр қызы» әңгімелері туды.

Әсіресе, тәуір, шынышыл шығарма деп танылған «Батыр қызы» жайлы айтқанда жазушы лабораториясына енбей тұра алмаймыз. Совет Одағының Батыры Мәншүк Мәметова жайындағы осы әңгіме қалай жазылған?

Жазушы 1943 жылы «Правда» газетінің тілшісі ретінде Калинин майданына барады. Қазақстанда жасақталған 100 және 101-үлттық дербес атқыштар бригадасы жауынгерлерімен кездеседі. Бұл сапарында Мәлік

Ғабдуллинді жанынан тастамай, майдан даласын бірге аралайды. Алғы шепке Мәлік екеуі бірге барады. (Жаңушы архивінде бірге түскен суреті сақталған.) Генерал Галицкиймен көп жайды әңгімелеседі. Сол жолғы қойын дәптерінде басқалармен қоса Мәншүк жайында да көп деректер сақталған. Жауынгер достарынан Мәншүктің жайын, ерлік ісін тәптіштеп сұрапты. Бір хаттың мазмұнына қарағанда осы сапардан өралған соң жазушы қаһарман қыздың аяулы анасы — Әминә Мәметоваға арнайы жолығып, қызының балалық шағы, өзі сұранып майданға кетуі жайлы бірталай мағлұмат жазып алған.

Кейір деректерге қарағанда, С. Мұқанов Мәншүк өмірінен роман жазбақ болған сияқты. Бірақ өмірлік материалдың сұранысы ма, болмаса өзі көзбен көріп, майданда оқтың өтінде бірге жүрмегендіктен бе, әйтеуір, қаламгер аталмыш әңгімесін жазумен шектелді.

«Батыр қызы» (1944) Мәншүк Мәметова ерлігін көркем әдебиетте бейнелеген алғашқы прозалық шығарма. Әңгіме сонысымен де қымбат. Генерал Галицкийден бастап, майдан сапарында әңгімелескен адамдардың біразы әңгімеге қосалқы кейіпкер болып енді.

«Батыр қызы» — осылай жазылған еді.

Бұл әңгіменің жазылуды жайына кеңірек тоқталып, фактілер келтіріп жатуымызды мақсат — жазушының қай шығармасында да уақыт ұранына үн қосып, уақыт талабынан табылуға тырысқанын аңғарту.

Уақыт талабы дегенин шығады, жазушы осындаid творчестволың дағдысынаң кейін де жаңылған жоқ. Елуинши жылдары елімізде тың көтеріліп, бейбіт еңбек майданы қызып жатқанда, жазушы бұл тақырыпқа өзінің «Аспаз» деген әңгімесімен ат салысты. «Аспаз» кезінде орталық «Работница» журналында жариялағып, басылымның жылдық бәйгесін алған.

«Аспаз» да өз кезінде тәп-тәуір бағаланған шығармалардың бірі болды. Колхоздастыру кезінде бандылар қолынан қаза талқан Есентай, Ұлы Отан соғысында хабарсыз кеткен Жарқын жайы әңгіме өзегінен тыскары тұр. Суреттеу орнына қысқа қайырып баяндау — эпикалық жүйедегі жазушының оқиғаны кең қамтуынан туындал жатқаны анық.

Негізгі кейіпкерлер — Дәметкен мен Күнжан. Эже-сі мен немересі. Екеуі — екі дәуір адамы. Екі түрлі

психология. Күнжан — колхоз бастауыш комсомол үйымының секретары. Замандас құрбыларын үтітеп, бәрі бірге тың көтеруге аттанбақ. Ендігі алаңдайтыны — әжесі Дәметкеннің жайы.

Дәметкен әже туған жерінде көтеріліп жатқан тыңды сыртқа қызықтағандай болғанымен, іштей онша құпташ қуана қоймайды. Немересінің тың деп желлідеуін жаратпайды. Әженің бұл райынан қайтуына сол кезде Қазақстан тыңын көтерісуге келген басқа ұлт оқілдерімен сөйлесіп, жақынырақ танысуы себеп болады.

— Сонда рахат тұрмысты тастап неге келдіңдер?

— Тың көтеру туралы Отан шақырған ұранға үн қостық!

Енді Дәметкен де ойланады:

«Сонша алыстан бұлар үн қосқанда, тыңың арасында отырып мен неге үн қоспаймын?» Бұл — Дәметкеннің шешімді ойы.

Жазушы ұлт өкілдерінің тың ерлігіне үн қосу, іш тарту психологиясын осылай ашады.

Әжесі Дәметкен мен немересі — комсомол Күнжанды екі түрлі психологиялық планда суреттей келіп, тында табыстыруында үлкен ой жатыр.

Балалар! Сәбит Мұқановтың негізінен романист екенін жоғарыда айттық. Енді, міне, сол эпик жазушының шағын жанрда жазған шығармаларымен танысып отырсыңдар. Жазушы әңгімелерінен уақыт тынысын сезіп, үнін естисіңдер.

Бейсембай Қенжебаев
филология ғылымдарының
докторы, профессор.

Құлбек Ергөбеков
С. Мұқанов музей-үйінің аға
ғылыми қызметкері.

40 т.

МЕКТЕП



КИТАПХАНАСЫ

Қазақ совет әдебиетінің негізін салушылардың бірі, аса көрнекті жазушы С. Мұқанов әдебиеттің барлық жанрында дерлік еңбек етіп, мол мұра қалдырган кісі.

Бұл жинақта әйгілі көркем сөз шеберінің таңдаулы әңгімелері беріліп отыр.



АЛМАТЫ
«МЕКТЕП»
1983